







12.5.40







BIBLIOTHECA NAZ.
ROMA
VITTORIO EMANUELE
4





JOHANNIS LOCCENII JC.

De

IURE MARITIMO
& Navali

LIBRI TRES.



H O L M I Æ,

Ex Officinâ JOANNIS JANSSONII,
Anno c1713 cL



P R A E F A T I O

Ad

L E C T O R E M.

Ius maritimum & navale hujusmodi esse constat, ut ex legitimo ejus usui non exigua pars externa felicitatis Rerumpub. pendeat. Quid enim magis fortunas & opes rerumpub. auget firmatque, quam frequens, justum tamen, navigationis & commerciorum exercitium? I'etus equidem Iuriconsultus ad summam rempub. pertinere dixit. Inde factum est, ut singularia quadam jura de eo passim condita sint; quae delectu utilium habito, in ordinem & succinctum opus contrahi, & nostris temporibus ac usui accommodari, è re juventutis & publicae fore mihi persuadebam. quo animo hos libellos ex meis excerptis per otium concinnavi. Quia verò hoc argumentum ita comparatum est, ut in eo non pauca ex jure publico & gentium explicari necesse sit, non solum Leges nauticas Romanas, in quas post recensitum Peckii Commentarium

P R A E F A T I O.

luculentas edidit Notas clarissimus Antecessor Academia Leidenfis Arnoldus Vinnius ; sed etiam Jus Nauticum Suericum , & Statuta moresque aliorum populorum tam veteres quam hodiernos , quotquot haberi potuerunt de hac materia , in partes advocavi. inprimis tamen vicinarum & conjunctarum gentiũ leges & instituta nautica consului , quæ cum nostris negotiationum maritimarum tractatione & consuetudine propius conveniunt. Ita Leges maritimas Wisbyenses , quoties oportunitas allicuit & res ipsa jussit , ad testimonium vocavi. quæ Leges eandem ferme auctoritatem hodie obtinent , quam olim Leges Rhodiæ. Certè apud Transrhenanos populos, Respub. Hanseaticas , & in Regnis Borealibus communi usu receptæ & quasi jure civitatis donatæ sunt. Statuta insuper maritima Hanseaticarum civitatum & Reipub. Belgica , quæ navigandi & commercandi arte præ cæteris florent , ubi sic materies exposcebat, adhibui. quæ tamen cum per se non obligent alios , quam quibus scripta sunt , ea cautione admittenda esse ab aliis

P R A E F A T I O.

non semel protestatus sum, quatenus aequitati iurique gentium amicè congruunt, aut lege scripta vel contraria consuetudine non abrogata sunt. qua conditione etiam Romani Imperatores legem Rhodiam Nauticam olim in suam Remp. receperunt. Imitari hîc apes placuit, quæ cujuscunque generis flores ita libant, ut optimum inde succum hauriant. De quibus verò nihil expressum in Iure scripto exstat (nec omnia possunt Legibus includi, quum Ius finitum, negotia infinita sint) ea aut ipsorum Iudicum, aut illorum qui ad medium lanum sedent, ut Poeta loquitur, vel mercatorum rei maritimæ peritorum prudentia permitenda erunt. DEV S faxit, ut nosler labor ejus honori & publico bono serviat.

INDEX CAPITUM.

LIB. I.

CAPUT I. De Origine & causis Navigationis.

II. De fabricatione & instructione Navium.

III. De jure Navigandi.

IV. De Imperio Maris.

V. De Angariis vel præstationibus Navium.

VI. De jure Fluminum, littorum & riparum.

VII. De Naufragio.

VIII. De jure Portus, portorii & vectigalis.

IX. De jure Piscandi.

X. De jure Stapulæ.

LIB. II.

CAPUT I. De Navigationis securitate.

II.

INDEX CAPITUM.

- II. De Societate navali bellica,
vel Admiralitate, ut aliàs vo-
cant.
- III. De Piratis.
- IV. De jure Postliminii na-
vium.
- V. De Averfione periculi, vul-
gò Adfecuratione.
- VI. De Fœnore nautico.
- VII. De Jactu.
- VIII. De Contributione.

LIB. III.

- CAPUT. I. De donatione mor-
tis causa , Testamento &
Legato nautico.
- II. De Contractibus nauticis,
qui re fiunt.
 - III. De Pignore navis, & rerum
in navi.
 - IV. De Repressaliis, ut vocant,
& Arrestationibus navium.

INDEX CAPITUM.

- V. De Contractibus nauticis,
qui consensu fiunt.
- VI. De Societate navali pacta.
- VII. De Exercitoria Actione.
- VIII. De delictis in navi.
- IX. Num magister aut præfectus navis bona cum conscientia possit, igne in pulverem tormentarium injecto, navem unâ cum seipso & suis & simul hostibus navem occupantibus perdere potius, quam salvam navem, se & suos hostium arbitrio permittere?
- X. De Foro & processu juris navigantium.

Cum

Cum DEO.

JOHANNIS LOCCENII
DE JURE MARITIMO
ET NAVALI
LIBER PRIMVS
CAPUT I.

De Origine & causis
navigationis.

- I. Scopus & ordo operis.*
- II. Rudimenta navigationis in recens condito mundo.*
- III. Aucto genere humano incrementa ejus ex occasione commerciorum.*
- IV. Ex acquirendi cupiditate & questu.*
- V. Ex patria tutela maritima, aliisque causis.*

I. **Q**Uum materia de Jure maritimo & navali cuivis reipub. quæ negotiationes transmarinas exercet, vel in mari classem habet, scitu necessaria usque quotidiana sit, operæ esse existimavi, quæ sparsim in Codicibus Legum aliisque de hoc argumento scriptis, quotquot videre contigit, exstant, atque plurium gentium consensu observantur, in ordinem cogere, explicare atque in usum publicum prome-

re. Quod ut commodè fiat, primum ut fabricatæ & instructæ classi mare velut aperiri & jure navigari, deinde tutum præstari, & tandem ejus beneficio solennes modi rei acquirendæ, & maritimi nautique contractus celebrari possint, explanabo cum aliis quæ illis connexa sunt.

II. In primævo mundi statu jam in usu esse cæpisse navigia, non est quod dubitemus. Id satis colligere est ex illis Genes. cap. 1. v. 28. verbis: *Dominamini in pisces maris*. Illud enim dominium & piscationis privilegium humano generi Divinitus concessum absque ratibus, cymbis & lembis haud potuisse commodè usurpari consentaneum est. Nisi quod ut omnium artium incunabula quædam sunt & progressus, prima ætas rudimenta quædam navigiorum, & , uti verisimile fit, schedias quædam usurpavit, vel nudas arbores, ramis amputatis, quibus veluti navigiis *Vsolum* primum ausum mare ingredi, tradit Sanchuniathon apud Eusebium præpar. Euangel.

1, 10. Hunc *Vsolum* fuisse *Esavum*, ex vocis cognatione, & ejus habitatione, quod esset accola rubri maris, eruditi colligunt. Postea arbores cavatas, denique ex tabulis & trabibus connexis navigia antiquitas excogitavit & fabricavit. Lucretius circa finem lib. V.

Na-

*Navigia atque agri culturas, mœnia, leges
Vsus & impigra simul experientia mentis
Paulatim docuit pedetentim progredientis.*

Virgilius 1. Gregor.

*Vt varias usus meditando extunderet artes
Pauulatim &c.*

Tunc alnos primum fluvii sensere cavatas.

Ceterum arca Noë singulari artificio, ex ipsius Dei præscripto jussuque, ut scimus, exstructa est.

III. Primis tamen temporibus quum domi nata paucis & frugalibus hominibus sufficerent, cunctisque communia essent, non adeò opus erat transmarinis commerciis, & ad externos navigatione. Tibullus lib. 1. el. 3. ubi de aureo seculo agit:

*Nondum ceruleas pinus contemserat undas,
Effusum ventis præbueratque sinum;
Nec vagus ignotus repetens compendia terris,
Presserat externa navita merceratem.*

Et Germanicus in Arat. Phœnom.

*Ignotique maris cursus privataque tellus
Grata satis, neq; per dubios avidissima vêtos
Spes procul amotas fabricata nave petebat.*
Sed postquam crescente humano genere urbes condi & dominia rerum distingui cœperunt, negotiationes terra marique, & navigationes institutæ sunt: quarum beneficio quod uni societati, siye ad necessitatem

tem siue delicias deesset, ab altera peteretur.

IV. Mox accessit studium habendi, quod commoda maris & navigationis intenderunt auxeruntque. Iacobi patriarchæ vaticinium de Zebulone filio tale exstat Genes. cap. XLIX. v. 13. *Zebulon ad portum marium habitabit, ipse inquam ad portum marium, latusque ejus versus Sidonem erit.* Hoc Moses in ultima sua benedictione repetit, & clarioribus verbis exprimit Deuteronom. cap. XXXIII. v. 19. *Zebulon & Isaschar affluentiam marium sument & occulta, thesauros arene.* Salomon Proverb. cap. 31. v. 14. *fœminam laboriosam & adquirendi studiosam navibus negotiatoriis comparat.* Author Sapientix: *Navigium cupiditas quaestuum excogitavit.* cap. 14 v. 2. Homerus Odyss. lib. 17. *ventris gratta* (γαστέρος ἐν κεν) *naves in indomitum mare armari dixit.* Hesiodus lib. II. Oper. & dier. ubi navigationis incommoda describit, hunc etiam versum addit:

Χρήματα γὰρ ψυχὴ πέλεται δαίλοισι βροτοῖσι.
 Pecunia anima est miseris mortalibus.

V. Præter mercaturæ usum naves rei militari, & tutandæ in mari contra externam vim reipub. inservire cæperunt. Aristoteles VII. Pol. VI. *Mare & classem in bello esse tutelam reipub.* ait. Tacitus V. Hist. *classes imperii munimenta* vocat. Athen-

nienſium Legati apud Thucydidem lib. I. Hiſtor. in Orat. ad Lacedæmonios, fortunas Græciæ in navium præſidio ſiſas fuiſſe prædicant, ejus rei muri lignei Themisto- clis abunde fidem fecerunt. Idem experien- tia ſatis hodie loquitur. Inde Coſmo Medi- ces familiare fuit dictum: *Non habendum potentem qui potentia terreſtri non ſimul etiam navalem haberet conjunctam.* Et Hiſpano- rum eſt adagium: *Regnum ſine portu, eſſe ſicut furnum abſque igne.* Præterquam quod navigationes cultui vitæ & artium, tradu- ctioni coloniarum, valetudini & voluptati ſerviunt; de quibus plura Iohannes Schef- ferus gener meus in accurato opere de mi- litia navali lib. I. c. I.

C A P. II.

De fabricatione & inſtru- ctione Navium.

- I. *Privilegia Principum fabricantibus naves conſeſſa. cur negata Senatoribus & præſidibus provinciarum.*
- II. *Credientium pecuniam, in navim fabrican- dam & inſtruendam prerogativa.*
- III. *Pœna docentium barbaros artem extruen- di naves, quæ tamen hodie non paſſim in uſu eſt.*

IV. *Qui*

- IV. Qui eligendi ad fabricandam navem. & num alii illis substitui possint. ad quid obligentur.*
- V. Navis ex aliena materia facta cujus sit, an facientis, an materiae domini.*
- VI. Navis corpus est ex compositis, nec admittit propriè divisionem. quod exemplis declaratur.*
- VII. Nave legata vel usufructu ejus, quid & quantum debeatur, ex occasione disquiritur.*
- VIII. Item in pacto de nave non petenda.*
- IX. Quae sit instructa navis.*
- X. Num scapha etiam nomine instrumenti contineatur.*

I. **O** Riginem & causas navigationis proximo loco excipit fabricatio & instructio navium. Non autem hujus loci nostrique instituti est, ostendere quomodo naves ex aptâ materiâ convenienti tempore cæsâ, quomodo jussu proportionis ac magnitudine sint exstruendæ: de quibus ipsi artifices rectius judicabunt. Nobis propositum est isthæc solùm enucleare, quæ potissimum ex jure de hac materia, quatenus huc facit, observanda sunt. Quantum autem fabricatio & instructio navium ad mercaturæ cultum, & maris portusque tutelam habeat momentum, satis perpenden.

dentes Imperatores ac Principes, architectos & negotiatores etiam præmiis atque beneficiis ad hæc opera urgenda iuvandaque allectare voluerunt: nec minus edictis poenisque absterre, ad quos ea res non pertineret: vel hæc impedire conantes, aut hosti hanc artem tradentes, Claudius Imp. naves mercaturæ causa fabricantibus magna commoda constituit, ut testatur Suetonius in vitâ Claudii cap.XIIX. Et Scævola IC. in *l. 3. de vac. & excus. mun.* munus publici vacationem præstari notat illis qui (præter annonam adjutam) fabricarint naves marinas certorum modiorum. Senatoribus autem hanc vacationem datam negat: quod illis ex lege Julia rependarum navem habere non liceret *d. l. 3. in fin.* Sed & præfides provinc. in ea provincia, in qua administrabant, navem ædificare prohibebantur *l. 46. §. 2. D. de jure fisci*: ne acquirendi & negotiandi promiscua libertate studioque quæsus à publica administratione avocarentur, aut commoda mercatorum interciperent.

II. Aliàs credentes pecuniam in navim fabricandam, instruendam aut reficiendam, in jure R. aliis creditoribus post fiscum sunt potiores *l. 26. l. 34. D. de privil. cred. l. 5. 6. D. qui pot. in pign. Nov. 97. cap. 3.* quod in primis utilitati publicæ datum, quæ
ex

ex navium fabricatione, numero, robore & usu capitur. *vid. Zoes. in Digesta, Tit. de privil. credit. n. 11.* Post utilitatem pub. tale creditum quoque salvam facit totius pignoris causam. *vid. inf. lib. 3. c. 3. §. 1. in fin.* Ex consuetudine Belgarum instrumentum pecuniæ in navem exstruendam vel instruendam creditæ præfertur instrumento fœnoris nautici. unde usuvenire observat cl. Vinnius *ad Peckii Commentar. in I L. Nautic. pag 95.* ut credentes pecuniam in fœnus nauticum sæpe incidant in damnum, præfente nimirum instrumento crediti in navem fabricandam aut instruendam: quod creditorem tempore creditæ in fœnus nauticum pecuniæ latebat. Itaque diligentiori inquisitione hic opus erit.

III. Capitalis pœna lege R. in illos decreta est, qui docent barbaros artem fabricandi naves, ante illis incognitam l. 25. *Cod. de pœnis.* Per barbaros hic intelligi alienigenas, qui imperio R. non parent, nec eis amici sunt, colligere est ex l. 2. *Cod. quæ res export. non deb.* Anno Christi MDLXIII. communi conventus Lubecæ habitæ, & civitatum Hanseaticarum decreto interdictum fuit, ne commercio Christianorum barbari, & imprimis illius temporis tyrannus Moschorum Iohannes Basilides, rariores artes ipsis ignotas, & quæ ad rem nava-

valem

valem, militarem & tormentariam pertinent, edocerentur. Sic enim existimabant, ubi classis potestas fieret, non solum in Livoniam, sed etiam in Germaniam effuso exercitu penetraturos; ut notat Thuanus lib. XXXVI. Histor. Ita memoria nostra, inquit idem, Turcos Genuensium lucri cupiditate illectorum frequentatione rem navalem edoctos, Hellespontum transmisisse; & inde Græcis transfugis & piratis adiutoribus classe instructa Constantinopolin imperii Orientalis caput, & mox Macedoniam, Illyricum & universam Peloponnesum in potestatem redegissee constat. Quamvis autem hujusmodi pœnæ & edicta prudenti & reipub. Christianæ utili consilio sint constituta: ne subditi suis ingeniis & arte contra se arment & instruant vires barbarorum; tamen serum esse videtur, hodie tale quid prohibere: cum hæc ars omnibus ferme populis nunc cognita sit, aut peritorum industriâ pecuniæ studio allecâ passim tradatur. Hoc tamen nonnullorum populorum statutis adhuc cautum est, ne peregrinis apud se exstruere navem liceat, nisi cum consensu Senatus, & tot nummorum summâ solutâ, quot amphorarum navis esse debet: ita Statut Dantisc. part. 1. cap. 4. art. 3. sancitum est. Ratio in promptu est, ut hujus commodi magis dome-

mestici & cives, quam exteri participes reddantur.

I V. Idoneos & peritos architectos ad fabricandam navem adscisci, ratio ipsa facile docet; præpositis, ubi usus exigit, curatoribus & inspectoribus, qui opus promoveant & exigant; de quibus *l. 18. §. 10. D. de mun. & honor.* Vbi verò navem à se fabricandam quis promisit, & hoc specialiter actum est, ut suis operis perficiat, alius ipsi substitui nequit; nisi aliter convenerit *l. 31. D. de solut. arg. l. 12. §. 6. D. de usu & hab.* aut nisi per imperitiam, qui peritiam professus est, perdat opus. tunc enim ex damno tenetur; aut si inopiâ laboret, arbitrariâ animadversione. *l. 132. D. de reg. jur. l. 12. §. 8. C. de edif. priv.* domino autem hîc integrum erit alium eligere *Statut. Gedan. p. 1. c. 4. a. 8.* Si navis exstructio aversione locata sit, i. e. totius pro indiviso una mercede, periculo conductoris, donec approbetur, locatio facta *l. 36. D. loc. cond.* operis faciendi debitor, nisi consummationem operi addiderit, non liberatur. Sed aut consummabit, aut ex dispendio, quod dominus inde sensit, tenebitur *d. l. 12. §. 8. de edif. pr.* facti enim obligatio est individua, ita ut corpus ex opere locato perficiatur *l. 5. §. 1. D. de verb. signif. l. 80. §. 1. D. ad leg. Falcid. Hag. de usur. c. X. n. 82.*

n. 82. 83. Si verò certâ ac definitâ formâ navis extruenda sit locata, satis erit secundum præscriptum modum ac conventam formam opus esse consummatum. ex conventionis enim forma finem suum quoque consecutum est opus: & ipsa conventio actionem format in bonæ fidei iudiciis l. 7. §. 5. de pact. quale est locatio conductio §. 28. Inst. de Action. Conf. Goedd. ad l. 5. de V.S. n. 13. Si navem fieri stipulatus sim, atque, si non feceris ad dictum tempus, centum, huiusmodi pœnali stipulatione quasi novatio prioris obligationis fit l. 44. §. 6. D. de oblig. & act. ita ut post moram centum præstentur. vid. Bronchorst. cent. 4. assert. 61. Res autem & pœna simul exigi nequit, nisi nominatim de utroque præstando cautum sit. arg. l. 115. in fin. de verb. oblig. Hotoman. ill. quest. 10. fusè.

V. Si navis ædificetur ex alienis tabulis, disceptatur inter Iurisconsultos, num ædificantis sit, an verò domini tabularum. Nonnulli hîc ita distinguunt, si aut vetus navis reficiatur, aut planè nova fiat. Si navis ex aliena materia resecta sit, eam manere reficientis volunt, per l. 61. D. de rei vindic. [salva tamen æstimatione tabularum] quia hîc non fit nova species, sed manet vetus: ut neque ædes per partes resectæ aliæ sunt. Si verò navis ex alienis tabulis

no-



nova facta sit, non facientis, sed materiæ domini esse volunt, salvis impensis constructionis: *quia proprietas totius navis, carina* (i. e. compagis navis, ut hîc *carinam* accipi volunt, vel expectatæ qualitatis quæ ei indita est à materiæ domino) causam sequitur. *d. l. 61. de rei vindic. l. 26. de acq. rer. dom. Lyklama lib. 7. Membran. ecl. 3.* Alii tamen secundum naturalem æquitatem hîc locum communioni, pro rata ejus quanti unumquodque est, relinquendum judicant. *Grot. lib. 2. de jure bell. & pac. c. 8. §. 19.*

VI. Quando navis est ædificata, corpus quoddam ex compositis esse dicitur. Græcis *συνμυκτόν*. *Plutarch. in præc. convub. Pomponius Ic. in l. 30. D. de usurp.* Sicut ædium unum corpus est ex cohærentibus lapidibus, tignis & recto §. 18. *Inst. de Legat.* Itaque sine dissolutione totius & diminutione vel privatione veri usus non potest dici dividi navis. Huc facit jocus Casselli IC. apud Macrobius 1. *Saturnal. c. 6.* qui mercatori, quomodo cum socio navim dividere oporteret, consulenti respondit: *Navim si dividis, nec tu nec socius habebis,* vel, ut est apud Fabium *lib. 5. Orat. Inst. c. 4.* *Navem dividere volo, Perdes, inquit.* Itaque Q. Fabius Labeo Legatus Rom. dolo egit, dum in foedere cum Antiocho Rege, quo

con-

conventum erat, ut captarum navium partem dimidiam reciperet, medias omnes secuit, ut eum tota classe privaret. *Val. Max.* 7, 3, 4. Pars enim dimidia navium integrarum in divisione ipsi præstanda erat, non sectorum. Proinde si pluribus sociis aut hæredibus una navis communis sit, quæ commodè non recipit divisionem, præstat in solvenda societate aut dividenda hæreditate integram uni adjudicari, & alterum in æstimationem suæ portionis æquam pecuniæ summam alteri præstare. *l. 192. D. de reg. jur. Stat. Lub.* 3, 13. Cæterum si navis hac mente resoluta sit, ut in alium usum tabulæ destinentur, licet mutato consilio perficiatur, tamen & perempta prior navis, & hæc alia dicenda est. Sed si reficiendæ navis causa omnes tabulæ refixæ sint, nondum intercidisse navis videtur, & compositis rursus eadem esse incipit. sicuti de ædibus deposita tigna ea mente ut reponantur, ædium sunt. sed si usque ad arcem deposita sit, licet eadem materia restituatur, alia erit. *l. 83. §. 5. D. de verb. oblig.*

VII. Item nave legata, quæ postea dissoluta est, neque navis neque materia debetur. *l. 88. §. 2. de Legat. 3.* quia velut esse desuit. *Gloss. hîc.* & separatione ac dissolutione compositorum ex quibus navis constat, ipsum corpus intelligi nequit. Idem in usu-

usufructu navis dissolutæ legato statuit Sabinus IC. in l. 10. §. 7. *D. quib. mod. usufr.* 7. 4. 4. Testator enim ipso facto hîc mutasse voluntatem suam præsumitur. Si verò manente eadem carina, navis alicujus specialiter legata, aut promissa, & per partes tota resoluta & resecta sit, nihilominus navis recte vendicabitur. l. 24. §. 4. *de legat.* 1. l. 76. *D. de judic. ubi vid. Gothofr. de Thesei nave,* l. 8. §. 8. *D. de solut. d. l. 83. §. 5. de V. O.* quia navis hic cedit carinæ tanquam principali subjecto & fundamento suo. Plautus eo alludit in Mil. glor. a. 111. sc. 111. ubi *fundatam & constitutam carinam* velut principale ponit. Verba ejus hæc sunt:

Vbi probus est architectus,

*Bene lineatam si semel carinam collocavit,
Facile esse navem facere, ubi fundata &
constituta est.*

Nunc hæc carina satis probè fundata & bene statuta est.

Vt quidam ibi legendum putant. Sed & corpus idem esse non desinit, manente specie, etiamsi partibus mutatis. *vid. Grot. de jur. b. c. p. 11. IX. 111. & ib. in Not. & de verit. relig. Christ. p. 112. 340. & Zas. ad d. l. 24. §. 4. de Legat. 1.*

VIII. Si quis pactus sit, ne navem peteret, hac dissoluta singulas tabulas petere nequit: sed pacti conventi exceptione sub-

move;

movebitur nisi specialiter aliud actum sit. l. 27 §. 8. ff. de pact. Totum enim compositum pactus est ne pateret, tabula autem sunt pars compositi: quo dissoluto, totum esse non intelligitur.

IX. Navis adificata etiam, præter com-
meatum, instruenda est, ut scimus, guber-
naculo, malo, antenna, velis, anchoris. &
aliis necessariis partibus: quæ membra na-
vis in l. 44. D. de evict. instrumenta in
l. 29. D. de instr. vel instrum. leg. arma-
menta in l. 6. de leg. Rhod. l. 3 §. 1. de rei
vindic l. 5 qui pot. in pign & Cæsari lib. 1.
& 111 belli civ. dicuntur, ut Græcis ὀπλα.
quæ navis gratia parantur l. 2. §. 1. D.
ad leg. Rhod. de jactu, & navis iis utilis ad
navigandum redditur l. 242. D. de verb.
fig. Licet autem Iavolenus & Labeo in
a. l. de V. S. artemonem negent partem
esse navis, cum magis sit pro adjectamen-
to; tamen non dubitandum est, quin sit
instrumentum navis. Alciat. ad l. CCXLII.
de V. S. quo navis quoque utilis ad navi-
gandum redditur. Quippe rei accessiones
& instrumenta, si non essentialem principis
rei partem, utique aptam & usui accom-
modatam constituunt, ut artemon, clavi,
remi, scapha, cæteraque quibus armatur
& instruitur navis. Forner ad l. Malum na-
vis. Si quis ergo navem cum instrumentis,

vel perfectam & instructam emerit, omnes hæ partes à venditore præstandæ erunt.

X. Sed majoris dubitationis est, an, si quis navem cum instrumento legaverit aut emerit, præstanda sit scapha navis? Labeo quidem ita statuebat in *l. ult. D. de instruct. vel instrum. leg.* Sed Paulus, Pomponius, Alfenus & Vlpianus negabant in *d. l. & l. 44. D. de evict.* & quidem his argumentis: quod scapha non esset conjuncta navi, ut alia membra navis, sed per se parva navicula, separata à navi: nec ejusdem generis cum instrumento navis. Verùm ad hoc regeri potest: Etiam armamenta separari à navi queunt *arg. l. 3. §. 1. ff. de rei vindic.* & tamen necessariae partes navis sunt *d. l. 44. D. de evict.* Et licet scapha non sit ejusdem generis cum instrumento navis, tamen genere convenit cum ipsa navi, nec ab ea nisi quantitate differt; ut ipse Paulus fatetur in *l. 29. D. de instr. vel instrum. leg.* Sed quidquid sit, Labeonis sententia stare potest in casu legatae aut venditæ navis plenè instructæ, & cum omni accessione, sequela & partibus ejus. Vt enim partes ædium dicuntur, quæ perpetui usus causa parata sunt *l. 242. §. 4. de verb. signif.* & quibus ædes perficiuntur *l. 245. de V. S.* ita scapha potest dici pars navis, quatenus necessarium usum navi præbet, & naviga-
tio

tio sine eâ commodè perfici nequit. Vide quoque Vinnium ad Peck. in tit. de Exerc. act. pag. 80. ubi post alia probat Baldi & Strachæ sententiam scribentium, publicatâ navi scapham, tanquam separatam quid, non intelligi publicatam; quod & aliàs pœnæ restringi solent.

CAP. III.

De jure navigandi.

- I. Finis & usus navis.*
- II. Quid sit jus navigandi.*
- III. Illud esse commune, probatur ex jure natura gentium, divino & civili.*
- IV. Ius aut servitus navigandi per lacum alterius.*

I. **Q**Vando navis fabricata & instructa est, ad hunc finem & usum paratur, ut naviget, veluti Vlpianus ait in *l. 12. §. 1. D. de usufr.* & res ipsa hoc satis indicat. Vt autem constet, justam esse navigationem, de ejus jure nonnulla observabimus.

II. Ius navigandi est innoxia facultas transfretandi ad vicinos aut remotos populos, à jure naturæ, gentium, divino & civili permixta, aut fœderis, amicitiae, societatis contemplatione ob communio-

nem commerciorum libera ; aut jure servi-
tutis in lacu perpetuo debita.

III. Si enim est libera negotiandi facul-
tas , utique etiam id, sine quo illa comino-
dè exerceri nequit , liberum erit, nimirum
jus navigandi, aut trajiciendi mare : sive id
expresso pacto , sive tacito consensu fiat.
Hoc primo juri naturæ convenit. Cum
enim non omnia apud omnes hominum
usui necessaria proveniant, ex noto locæ
dicto :

*Nec verò terra ferre omnes omnia possunt ;
idcò Deus per naturam velut fidam huma-
næ necessitatis ministram sic ordinavit , ut
usibus hominum per navigationes & com-
mercia succurreretur , & societatis huma-
næ vinculum conservaretur. Tullius 1. Of-
fic. Servanda est in societate communitas
omnium rerum , quas ad communem hominum
usum natura genuit. Idem ibid. Quidquid
sine detrimento accomodari potest , id tribua-
tur vel ignoto. Ex quo sunt illa communia,
Non prohibere aqua profluente , Patis ab igne
ignem capere. Hinc etiam mare dicitur na-
turâ omnibus patere in l 13. D. comm. pred.
& ex jure gentium commercia esse instituta
in l 5. D. de just. & jur. quod ita commu-
ni consensu gentes cultiores semper obser-
varunt ; nisi iusta cuipiam denegandi caus-
sa subesset. Quo præterea sine Deus usum
maris*

maris & fluminum omnibus hominibus communem fecisset tam ante quam post diluvium *Gen. 1. v. 28. Gen. 9. v. 2.* nisi omnibus cum effectu patere etiam in navigandi commoditate voluisset? Seneca lib. 4. de benefic. cap. 28. *Deum quadam in universum humano generi dedit, à quibus excluditur nemo. nec enim poterat fieri, ut ventus bonus viris secundus esset, contrarius malis. Commune autem bonum erat patere commercium maris, & regnum humani generis relaxari.* Hisce consentit Ius Civile, quod mare & litora maris vult esse communia ipso jure naturæ §. 1. *Inst. de rer. div. l. 3. §. 1. Ne quid in loco pub. & fluminum publicorum dicitur communis usus, sicut viarum publicarum & litorum in l. 24. de damn. inf. vid. & Tit. Dig. ut in flum. pub. navigare lic.* Et in jure vetatur aliquid fieri in mari, quo navigationis usus impediatur. Adversus eum qui molem in mare projecit, utile edictum competit illi cui hæc res nocitura est *l. 2. §. 8. D. Ne quid in loco pub. aut si quid in mari fiat, quo statio aut iter navigiis deterius fiat l. 1. §. 17 D. de flum. ne qui. l. in flum. pub. ripare ejus fiat, quo peius navigetur, & toto hoc tit. item tit. seq. Ne quid in flum. pub.* Invitarunt insuper veteres Imperatores ac Principes, navigantes immunitatibus, collegio-

rum jure, successionis commodo, & aliis emolumentis ad navigandi industriam: uti videre est ex *l. 5. §. 3. seqq. de jure imm. l. 9. §. 1. de Decur. l. 5. de mun. & hon. l. 1. quod cujusque un. nom. l. 1. C. de har. decur. l. 24. C. de excus. tut.* aliisque legibus diversorum Principum ac Rerumpub. Si igitur innoxius transitus ac navigatio per mare prohibeatur, prohibens injuriarum actione conveniri potest *l. 1. §. 9. ne quid in loco pub. l. 13 §. 7. de injur.* & qui alterum in eo quod est juris communis, absq; justa causa impedit, ad omnis damni restitutionem bonorum virorum arbitrio tenetur. Si autem juris via, vel arbitrorum judicium spernatur, visque fiat, injusta vis justè & autoritate publica repelli potest. Sed de his prolixius & accuratius egerunt Grotius in toto libello de Mari libero, inprimis in cap. I. VIII. & XIII. & Vasquius Illust. Quaest. lib. I. cap. LXXXIX. alique.

IV. Sed & navigandi jus per lacum alterius perpetuum, vel navigandi servitus imponi potest, ut per istum lacum perveniat ad fundum vicinum. Atque si servitus sit rustica, debetur prædio rustico *l. 23. §. 1. D. de servit. præd. rustic.* urbana, si debeat prædio urbano. imo & personalis, si homini id jus constitutum sit. *Zoesius ad d. tit. n. 10.*

C A P. IV.

De imperio maris.

I. Libertatem navigandi dominio maris videri restringi.

II. Unde sit illud dominium.

III. Quotuplex sit. quid & quale hinc intelligatur. Tentata conciliatio hinc dissidium.

IV. Modus & finis imperii maris.

V. Num protectio & jurisdictio maris dominium adferat.

VI. Quousque se extendat jurisdictio in mari. delinquentes in mari cujus loci forum sortiantur.

VII. Determinationem certa navigationis non tollere omnem navigandi libertatē.

VIII. Peregrini quatenus admittantur.

IX. Quid liceat in eos qui hostibus res subvehunt. Nec illud impedire jus commerciorum, cessante bello aut prohibitionis causa.

X. Velorum demissionem in occurſu aut conſpectu Regiarum navium, non ſemper imperium maris arguere, ſed honoris argumentum eſſe: nec navigationis libertatem deminuere.

I. **A**T præcedenti capite dictis obſtare videtur imperium vel dominium
B 4 maris.

maris, quo navigationis usus ad juris proprii vel commodi publici rationem referri, aliisque ex arbitrio vel usu reip. concedi aut sufflaminari queat.

I I. Certum quidem est, primævo jure naturæ & conditione hominum, maris usum & proprietatem omnibus fuisse communem, sed Reges, Principes & Respublicæ liberæ ejus dominium vi imperii in terras & undas illis conjunctas paulatim ad se traxerunt. Ambrosius lib V. Hexaëmet. cap. XXX *Principes spatia maris sibi vendicant jure mancipii. Iste, inquit, sinus maris meus est; ille alterius. Dividunt sibi elementa potentes.* Vid. & l. IX. D. de lege Rhod de jactu, & quæ in eam notavit nobiliss. Juriston'ultus Jac. Gothofredus cap. VII. de imperio maris. Idem firmat verus formula deditiois (Collationum) apud Livium lib. I. in qua non solum urbes, agri, & alia; sed & aqua in deditioem venire dicitur Non tamen Principes aut liberi populi imperium habent in universum mare; nec navigandi libertatem jure naturæ communem tollere possunt aut temerè impedire.

III. Quæ de hac materia jam à viris clarissimis Grotio in Mari libero & in libris de jure belli & pacis, Seldeno in Mari clauso, Rivio in Historia navali, Pontano in Discussionibus Historicis, & ab aliis eruditè pro-

prolixèque sunt observata, & ingeniosè utrinque disceptata, multis hic non repetam, ne actum agam. nec illorum controversias nunc ferè quiescentes resuscitabo: præsertim cum eorum sententiæ in speciem dissidentes, si rectè acceptentur, commodè conciliari posse videantur. Si nimirum discrimen inter *imperium maris universale*, & *particulare ejusq; modum* rite attendatur. Dominium maris universum & summum nulli hominum, sed soli Domino dominorum competere, liquet ex *Psal. VIII. v. 9. Ps. LXXII. v. 8. Psal. LXXXIX. v. 10. Zach. IX. v. 10.* quod Deus etiam insignibus miraculis V. & N. Testamenti satis manifestum fecit. Et nonne quotidiani instar miraculi est, (quamvis aqua cum terra unum constituat globum, & Deus naturam per media regat) divinique imperii in universum mare fructus, ac beneficium erga mortales prosus eximium, quod vastum illum oceanum intra terminos suos Deus coercet, ne terram impetu suo, violento æstu, ac exundatione, ut interdum minari videtur, (nec absque damno accolarum maris, si suis hoc delictis meriti sint) obruat ac submergat? de quo *HJob. cap. 38. v. 10. 11. Jer. 5, 22.* quod fluctibus & ventis, quoties ipsi placet, quietem & silentium verbo aut nutu imperat. quod tot homines in tot

maritimis & tam periculosis itineribus
servat. Cæterum quod Procopius lib. 1.
de ædific. orbem in manu statuæ Impera-
toris positum fuisse tradit, ὅτι γῆτε αὐτὰς καὶ
θάλασσα δεδύλωται πᾶσα, quia terra ipsi
& omne mare servierit, hoc ad orbem Ro-
manum, qualis tunc erat, latitudine qua-
dam oeconomica, per synechdochen inte-
gri referendum esse, rectè notavit Iac. Go-
thofredus V. CL. cap. VIII. ad l. Depre-
catio leg. Rhod. de jactu. Ita Maro de Ro-
manis 1. AEneid.

*Qui mare, qui terras omni ditione
tenerent.*

Sed mare particulare, ut vocant, vel sin-
gulare imperio Regis, Principis aut Rei-
pub. subesse potest, quatenus est in ejus
ditione; ita tamen ut usus navigationis &
innoxius per id mare transitus etiam aliis
ejus jurisdictioni non subiectis jure gen-
tium & humanitatis lege pateat. Hoc dis-
crimen ipsi authores modò laudati, si pe-
nitius inspicias, agnoscunt, utut in aliis
nonnullis dissentiant. Illud paucis signare
placet. Seldenus lib. 1. Mar. claus. cap. VI.
*Quidquid, inquit, adquirunt homines, restat
semper Deo O. M. ut nature universalis pa-
renti, dominium illud supremum tam homi-
num quam rerum prorsus omnium: quod nemo
sanus negaverit. Sed de dominio humano*
con-

controversia est ; eo scilicet, quod usumfructum & proprietatem qualemcunque, integro semper Numinis, quod nequit minui, dominio complectitur. Et cap.XX. Humanitatis quidem officia exigunt, ut hospitio excipiantur peregrini, etiam ut innoxius non negetur transitus. quem tamen negat imperio maris privato derogare. eundem à territorii dominis temperari solere ait pro commodi pub. ratione. Vid. & cap.XXIII. & passim alibi. Simile quid Rivius lib.III. Histor. Naval. med. cap.XXXVIII. Mare (alicujus territorio subjectum) amicis, hospitibus, federatis, sociis denique nostris patere ; hostibus verò aut alienis non item, nisi nostra id voluntate & permissione fiat. Ab hac sententia non prorsus abit Grotius, ut ipse Seldenus fatetur lib.1. Mar. claus. cap. XXVI. pag. 218.219. In libris, inquit, de jure belli & pacis (lib.2. c.2. §.2. & 3.) Grotius posita quidem originis privati dominii ratione in eo quod est, loca privatim assignata universorum commodis non sufficere, propter Maris magnitudinem & abundantiam inexhaustam, quae sufficiat omnibus, in proprium id jus abire non posse concludit. Alia item adjicit de interminata Maris natura ; de quibus utrisque satis est dictum superius. Sed tandem receptis populorum se moribus dedit, & de Maris proprietate seu dominio privato, ut re extra contro-

versam interdum concedenda, non semel loquitur. nimirum d. cap. §. 13. & cap. 3. §. 7. 8. lib. 2. quæ apud ipsum in dicto libro, qui in omnium fere manibus est, inspicere possunt. Idem Grotius in d. cap. 3. §. 12. ait: *Illud certum est etiam qui mare occupaverit, navigationem impedire non posse inermem & innoxiam, quando nec per terram talis transitus prohiberi potest, qui & minus solet esse necessarius & magis noxius* Et §. 13. *Ut autem solum imperium in maris partem sine alia proprietate occupetur, facilius potuit procedere: neque arbitror jus gentium obstare.* Idem in cap. V. Mar. Lib. p. m. 44. *Si quid earum rerum per naturam occupari possit, id eatenus occupantis fiat, quatenus ea occupatione usus ille promiscuus non leditur.* Et pag. 63. ibid. *Omnes qui mare volunt imperio alienius subijci posse, id ei attribunt, qui proximos portus & circumjacentia littora in ditione habet.* Et mox: *Deinde verò etiam qui Mari imperaret, nihil tamen posset ex usu communi diminuere, sicut populus Romanus arcere neminem potuit, quo minus in littore imperii Romani cuncta faceret, quæ iure gentium permittebantur.* Pontani denique libr. II. Discussionum Historicarum cap. II. hæc sunt verba: *Mare, si ejus vastitatem videamus, esse numinis ac Dei omnipotentis, ex Psalmo 115. constat.* Nam
de

de partibus singulis, deque maribus particularibus nemo negaverit, alicujus esse ea domini posse. Ibid. quod sub finem ejusdem capituli subjicitur, *Mare non minus ac Tellurem domini privati capax esse, lubenter concedimus, si de mari singulari id capiatur, nequaquam si de universalis.* Cætera brevitatis causa prætereo, quæ apud ipsum legi possunt.

IV. Si verò nostrum non est inter illos
tantas componere lites,
 audiant Reginam Angliæ Elisabetham arbitram, quæ sic per Senatum respondit Hispanico in Anglia Legato, apud Camdenum, ad annum 1580. *Res aliena donationem & imaginariam proprietatem, & præscriptionem, quam obtendat Rex Hispaniæ, nihil ob stare, quo minus ceteri Principes commercia in Indici regionibus exerceant, & colonias ubi Hispani non incolunt, jure gentium nequaquam violato, deducant; nec non oceanum illum vastum liberè navigent: cum maris & aëris usus omnibus sit communis. Nec jus in oceanum populo aut privato cuiquam possit competere, cum nec natura, nec usus pub. ratio occupationem permittat.* Item ad annum 1602. *Principes non habere ejusmodi in mare dominium, ut navigantibus ejusdem usum non minus quam aeris prohibeant.* Item: *Principes non habere jurisdictionem*
nisi

nisi in mari territoriis suis propius adjacente; idque ut navigationes sint tutæ à piratis & hostibus. Hic modus & finis istius imperii singularis in mare simul indicatur: ut nimirum hoc imperium ita usurpetur, ut tamen navigantibus justus maris usus integer relinquatur: & ut mare purgetur à prædonibus & hostibus. Hunc finem etiam spectavit Strabo lib. XIV. Geogr. ubi de imperio maritimo Rhodi loquitur: ἔθαλασσοκράτησε πολὺν χρόνον, *ad longum tempus imperium maris habuit*, statim addit: καὶ τὰ ληστέια κατέϊλε, *& piraticam sustulit*. Idem Diodorus Sicul. lib. XX. adfirmat: *Rhodos in commodum Græcorum aliorumque transeuntium mare prædonibus purgasse*. Augusti inscriptio Ancyrae reperta:

MARE. PACAVI. A. PRAE-
DONIBVS.

V. Occasione hujus non abs re disquiritur, Num protectio maris ejusque purgatio à piratis, & animadversio in eos contestim det dominium maris? quod non temerè existimandum. Quamvis enim facile demus, eos qui imperium particulare maris habent, navibus præsidariis in illo dispositis posse & debere mare tueri, prædonibus purgare, atque eos, ut decet, plectere: tutamque transeuntibus navigationem præstare: (conf. l. un. C. de classis.) quo nomine

mine etiam vectigal pendere non iniquum est; hoc tamen non est reciprocum, ut, qui mare aut flumen protegit, piratas tollit, statim habeat maris aut fluminis dominium. quippe protectio non dat dominium *c. recepimus in fin. ext. de privil. Gail. 2. obs. 54.* Et piratæ tanquam communes generis humani hostes, etiam à privatis capi supplicioque tradi possunt. qua de re fusius inf. in peculiari capite de Piratis. Accedit, quod protectio & jurisdictio, quæ etiam temporaria esse potest, à proprietate maris distinguenda est. Potest item hostis classe potentior, & victor, imperium maris tenere; sed idem fortuna vertente amittere, vel pace facta priori domino restituere. quod obvia passim exempla docent. Dominium autem ex sua natura perpetuum est. Sed & classes præsidio navigantium disponere atque piratas punire, non ex proprio, sed communi jure descendit, quod etiam aliæ liberæ gentes habere possunt. Sic Hollandi aliquando purgarunt mare prædonibus, cujus rei signum scopæ malo imposito præferebant. non tamen inde sibi proprietatem maris vindicarunt. Illud interim largiendum est, inter gentes vicinas ita convenire posse, ut capti in maris hac vel illa parte, hujus aut illius reipub. judicio sistantur, atque ad commoditatem dis-

stin-

stinguendæ jurisdictionis fines describātur: quod ipsos quidem hanc sibi legem dicentes non alios obligat: neque locum alicujus proprium facit, sed jus in personas contrahentium constituit. *Grot. cap. V. Maris lib.*

V I. Jurisdictionem autem habens in territorio vel districtu mari cohærenti, habere existimatur in mari jurisdictionem usque ad duorum dierum iter, ut Dd. volunt. *Vid. Hieron. de monte Brixiano in Tract. de Finib. reg. cap. 7. n. 12. 13.* Bodinus *lib. 1. de Rep. c. ult.* jure quodammodo Principum omnium maris accolarum communi receptum esse testatur, ut sexaginta miliaribus à litore Princeps legem ad litus accedentibus dicere possit, in cujus rei fidem citat Baldum *in rub. de rer. div. col. 2. & in l. cum proponas de naut. sæn.* Per sexaginta autem miliaria procul dubio ex mente Baldi Italica miliaria intelligit. Atque ita judicatum in causa Ducis Allobrogum, *ibid.* notat. Licet non desint, qui Principibus suis jus ac jurisdictionem in mari longius metari velint. Communiter tamen delictum in mari perpetratum in illa civitate vel republica puniri solet, ad cujus jurisdictionem mare spectat, cujusque portui locus ille maris propinquior est. *Zuar. de usu mar. consil. 1. n. 3.* Sed si crimen in mari inter duas urbes æqualiter distantes commissum sit, ejus cognitio

gnitio ad utranque per concursum jurisdictionis pertinebit: quia delictum commissum est in confinio, quod est commune utriusque civitatis. Si verò eadem pars maris ad plures pertineat, illi omnes poterunt cognoscere; ita tamen ut sit præventioni locus. Prævenire autem dicitur, qui delinquentem cepit in mari, licet alius iudex prius eum citarit. Ita statuit Hieronymus de monte Brix. *d. loc. n. 9. 10. 11. & cap. 25. n. 8.*

VII. Præterea pactis quibusdam certi termini navigationis definiri possunt à victore, vel ab illo qui mari dominatur: quod exemplis & moribus gentium probant *Grotius libr. 2. de jur. bell. e. p. cap. 3. §. 15. Pontanus Discuss. Histor. lib. 1. c. 21.* illa tamen definitio imperium maris non absolutum reddit; ita ut aliorum populorum, ad quos illa pacta nihil pertinent, libertatem navigandi planè tollat, aut eos obliget. *Grot. d. loc.*

VIII. Sed nec domini in suas terras ad quosvis mercatores & peregrinos suscipiendos inviti jure gentium cogi possunt; sed id facient bona cum gratia, vel ex indultu, commerciorum fœdere, vel communi humanitatis lege. modò peregrini ad licitos portus accedant, ibique quod debent vectigal solvant, nec se indignos humana con-

consuetudine & iustis amicisque commercii reddant; nec vetita aut illicita inferant; aut ob iustum metum detineantur. *Selden. lib. 1. Mar. claus. cap. 21. Riv. lib. 3. Nav. hist. med. c. 38.*

IX. Incidit hîc illa nobilis quæstio, Num liceat vigore imperii in mare, durante bello prohibere certarum mercium subvectionem hosti subministrandâ ab illis qui neutrarum sunt partium, vel ab aliis? Quamvis pro varietate temporum & status hoc à nonnullis populis non eodem modo semper observatum sit, tamen quid communiter & plerarumque gentium jure hîc obtineat, scire satis erit. Hoc autem in confesso est, si libera transeundi facultas per alieni territorii mare negata sit illis qui merces hostibus advehebant, eam non tam intuitu dominii maris, quam ne hostem comœatu contra publicum interdictum juvarent, denegatam esse. Hoc ipse Seldenus, qui etiam ex hac causâ dominium maris assertum it, inficias ire nequit. quippe lib. II. Mar. claus. cap. XX. scribit, quibusdam Principibus & Rebuspub. ab Elizabetha petentibus, ut flagrante inter eam & Hispanum bello, liber ipsis esset per mare Anglicanum transitus cum annonâ in Hispaniam eam licentiam esse negatam, non solum domini maris causa, sed imprimis ne hostibus comœa-

mea-

meatus adferrentur. Ibid. refert, cum naves Hanseaticorum frumento onustæ à classariis Anglicanis in ipsis Vliffiponis faucibus, extra territorium Angliæ marinum captæ essent, quæ per mare Scoticum & occidentale in Lusitaniam tendebant, clamitasse inde Hanseaticos, jura gentium, commerciorum, fœderum violata esse; *navibus ab Anglia ita eo solùm nomine, quod ad hostem commeatus deferrent, captis* in territorio, cujus se dominam ne obtendebat quidem Anglia. Plura, si lubet, vide apud Seldenum dicto capite, & Pontanum lib. 1. Discuss. Histor. cap. XIII. Si verò imperii maritimi jus hic forte quis obtendat, tamen frequentius ex dicta causa, quam jure imperii maritimi, edictis publicis prohibitam esse & prohiberi constat earum rerum, quibus hostis vires juvarentur, non verò ita aliarum innoxiarum mercium, transvectionem; idque quodam naturæ gentium aut belli jure. Velut Protestantes responderunt Lusitanis, cum eorum XXV. naves spoliassent, quæ in portu hærentes destinaverant frumentum Hispano tunc hosti subvehere. *Iure belli licere tales spoliare naves: quippe rem edictis & constitutionibus regis prohibitam esse,* apud Thuanum Histor. lib. LXIV. Quamvis autem non semper ab extraneis hujusmodi edictorum ratio habeatur,

tur, sed interdum distinguant tempora, causas, loca; tamen hoc facere eos suo periculo par est, præferrim si præmoniti sint, ut sibi suoque damno caveant. Hic locum habet illud Amalasuenthæ ad Iustinianum: *In hostium esse partibus, qui bello necessaria hosti administrat*, apud Procop. 1. Goth. Nec est quod quis commercandi libertatem neutrarum partium titulo excuset. Sic enim suum quæret commodum, ne aliis hoc sit fraudi & incommodo. Cum Vrbes Hanseaticæ anno MDLXXXIX graves instituerent querelas ad Reginam Angliæ, de interceptis ab Anglis sexaginta navibus in Hispaniam cum frumento & apparatu nautico tendentibus, quasi privilegia antiqua violata essent, respondit Regina: *se præmonuisse, ne apparatus bellicum ad hostes regni Angliæ subveherent, subvehentes licitè interceptisse, nec aliter potuisse, nisi perniciem sibi & suo populo sponte attrahere maluisset. Privilegia quæ sunt leges privata, contra publicam salutem, quæ Lex suprema, non asserenda. Imo illo privilegio Regis Edwardi primi Hanseaticis indulto, disertè caveri, ne merces in terras manifestorum & notiorum hostium regni Angliæ devēherent. &c. Neutralitatis jure ita utendum esse, ut dum alterum juvemus, alterum non ledamus.* Et apud Alb. Gentilem de jur.

jur. bell. lib. 2. c. 22. Regina Elisabetha Hanſiaticis civitatibus conquerentibus, na-
ves ſuas à claſſe ſpoliatas Anglica contra
fœdus, quo cavetur, ut illæ civitates tutò
poſſent eſſe amicæ etiam hoſtibus Angliæ,
& cum iis habere commercia, reſpondit:
*Non eſſe hoc colere cum utriſque amicitiam, ſi
alios laſas, juves alteros: ut imò hoc eſſe au-
xiliari hoſtibus, & cum hoſtibus adverſum
altos facere.* Idem eſt Ambroſii effatum III.
de Offic. c. IX. *Si non poteſt alteri ſubveniri,
niſi alter laſatur, commodius eſt neutrum ju-
vari, quam gravari alterum.* De illo tamen
Hanſeaticorum factò vid. quoque Thuan.
Hiſt. lib. XCVI. p. m. 470. 471. Si verò
ſubditi foveant hoſtis vires commeatu, aut
aliis mercibus illicitis, non ſolum pœnæ
publicationis & conſiſcationis advecto-
rum, ſed etiam capitis ſe obnoxios faciunt;
ut eſt in jure R. l. 11. I. de publican. l. 2.
C. que res exp. lun. C. de iſtor. & item
cuſtod. Quin ſi evidentiffima ſit hoſtis no-
ſtri in nos injuſtitia, & exteri cum in bello
iniquiſſimo confirment, non tantum ci-
viliter de damno, ſed & criminaliter tene-
ri ut is qui judici imminenti reum mani-
feſtum eximit; & in eos ſtatui poſſe quod
delicto convenit, ita ut intra eum modum
etiam ſpoliari poſſint, cenſet Grotius de
jure bell. c. p. 3, 1, 5. Sed ſi alterius hoſtis
noſter

noster sit amicus aut confœderatus, vel
 cujus causam justiore esse sciamus, non-
 ne sine offensione fœderis pro eo niti, &
 plura amicitiae officia ipsi præstare licet?
 Quamvis conjunctio & necessitudo arctior
 hoc suadere videatur; tamen & hîc Reges
 ac Principes contra quos subsidia hosti
 mittuntur, magis quid sibi suoque regno,
 quam quid hosti ejusque amicis expediat,
 curare eaque intercipere solent. ut in ora-
 tione sua Regina Angliæ Legato Poloniæ,
 qui nomine sui Regis exposulabat jus gen-
 tium esse violatum in commerciis cum
 Hispano affine suo prohibitis, respondit apud
 Camdemum ad annum 1597. *Quod jus
 gentium toties in oratione usurpas, scire debes,
 exorto inter Reges bello licere uni parti auxi-
 lia vel subsidia ad alteram missa intercipere,
 & providere ne damni quidquam inde sibi
 existat. Hoc nos dicimus naturæ ac gentium
 juri esse consentaneum, & non à nobis solum,
 sed etiam à Polonia Sueciaque Regibus fa-
 ctitatum in bellis, quæ cum Muscovitis gesse-
 runt. Verum ne nimis excurram, de his
 consulatur Grotius d. lib. III. de Jure bell. e.
 p. cap. 1. n. 5. & ib. in Notis fusè, & lib. III.
 cap. XVII. n. 3. Hoc tantum breviter ad-
 dam: quod bello durante ita, ut dictum
 est, prohibetur, suspendit tantum ad tem-
 pus & quidem in certo loco, non tollit*
 com-

commerciorum libertatem, quæ tota redit cessante bello. Alb. Gentilis lib. I. de jur. belli. cap. XXI. *Tolerent id mali ad tempus. Id nec est impediri commercium, ut neque quum nisi ad loca aliqua impeditur.* Num verò, si privati mercatores advehant hosti com meatum aut pulverem tormentarium, id luet Respublica? de hac quæstione plura dicentur in lib. III. cap. 4. §. 6.

X. Quamvis mos vetus sit in occurſu Regiarum navium vela demittere, de cujus antiquitate Lipsius lib. I. Elect. c. XXIII. & tormentorum explosione, secundum loci consuetudinem naves tales obvias salutare, tamen haud semper & per se in recognitionem dominii maris, sed honoris causa plerumque fit, etiam illis in locis, ubi vel non alterutri vel neutri maris est dominium. Cujus rei singulare notavit exemplum Sleidanus lib. XXII. histor. *De navibus interceptis, edito scripto Casarianis ferunt, cum nihil minus quam bellum Caesar expectaret, ac suis ut essent pacati mandasset, Gallicum ducem Polinum in has incidisse, & quasi Reginam Scotie veherent, nunciasset illis, ut honoris causa pro more antiquo atque recepto ponerent antennas, vela demitterent, eamque tormentorum tonitru salutarent. id cum fecissent, inermes fuisse per fraudem circum-*
venio,

ventos & abduētos. quid circa hanc rem anno MDCXLVI. contigerit in occurſu navis Sueticæ prætoris Regii tunc in Galliam Legati, Illuſtriſſi Comitis Magni de la Gardie, & Britannicæ, adhuc in recenti eſt memoria. Si de hac velorum demiffione inter Reges convenire non ſatis poſſit, ſub certo pacti modo definiri ſolet quod etiam factum eſt in pactis pacis Regum Suediæ & Daniæ anno MDCXLV. artic. V. X. V. Nec tamen illa velorum demiffio navigandi libertatem jure gentium receptam minuit.

CAP. V.

De Angariis vel præſtationibus navium.

I. Angarias navium non præjudicare libertati navigandi & commer. anſi.

II. Unde dicantur Angariæ.

III. Quæ ſint angariæ navium.

IV. Quo jure imponantur.

V. Ab illis neminem immunem eſſe.

VI. Cauſſa hujus oneris.

VII. Pœna dolosè hîc agentis, recusantis aut retardantis.

VIII. Fide & ſecuritate publica munitos eſſe angarias navium præſtantes.

IX. Num

IX. Num ex damno talibus navibus dato Princeps loci teneatur.

I. **Q**Uamvis Angariæ navium sint onus aliquod, quo servire naves tenentur, tamen & hoc non præjudicat libertati naturali commerciorum ac navigationis: cum solum sit temporarium, & publicæ necessitatis, ut postea ostendetur; qua cessante cessat.

II. Est autem Angariarum vox Persica, ut Herodotus lib. VIII. Hesychius & Suidas, & ex illis Brissonus lib. I. de Regio Persarum principatu p. m. 147. notant. quæ vox, ex quo Persarum potentia Orientem invasisit, ad Hebræos transit, ut observat Grotius in cap. V. Matthæi, & ab illis ad Græcos. Eadem occurrit Matth. c. 5. v. 21. cap. 27. v. 31. & alibi. *Allusio vocis Græcæ ἀγρία & Latine angro apprimè congruit*, inquit Tabor in erudito Commentario Iuris metatorii p. 2. c. 3. n. 4. Congruere quoque videtur Suedicum ånger / & Germ. ånger / angst. Sed hæc aliorum curiositati relinquo. Aliàs ἀγρία veteribus Græcis ipsa fuit δαλία, servitium vel opera quæ ab invito præstatur; recentioribus, transitus & eVectio per viam publicam, ut observat Cl. Salmasius in lib. de Fœnore trapezit. pag. 276. In pari sensu Iurisconsulti vocem an-

gariarum & angariari naves in l. 4. § 1. D. de *privil. veteran.* l. 7. Cod. de *Fabricens.* acceperunt. quod etiam *servire naves* quidam dicebant. Inscriptio veteris lapidis apud Gruterum pag. DCXLII. licet alia in re:

SUB. L. ARRUNTIO.
STELLA. NAVIS HA-
RENARIA. QVÆ. SER-
VIT. IN. ÆMILIANIS.

Sic nostri Suedi præstationem navium *Tiena/* *servire* appellant, Germani & Belgæ *pressen/* quasi *premere* aut *exprimere*. Sed de appellationibus satis.

III. Angariæ navium sunt præstationes earum in transvehendo comitatu Regio vel liberæ Reip. aut militari instrumento, commeatu, armis, equis, exercitu, tempore expeditionis.

IV. Has angarias imponere possunt navibus illi Principes & Respublicæ, quæ iura maiestatis habent. Inter Regalia enim referuntur quoque *navium præstationes* in incun. quæ sint Regalia lib. 2. Feud. tit. 56. Vnde ut aliorum regnorum ac rerumpub. ita & Suediæ moribus ad dictum onus adstringuntur naves: quo fine illis signum unius vel trium Coronarum, quod est Regni

De Iure Maritimo Lib.I. § I

Regni insigne, inscribi solet : quo obligantur ad serviendum coronæ in dicto casu.

V. Ab hoc onere nullius navis immunis est. ideò nec diversorum nominum titulo, nec prærogativa personæ, nec privilegio dignitatis aut beneficii hic se quisquam tueri, vel ab hoc onere excusare potest. *privil. Nobil. Sued. art. 18. 19. privil. Holm. 25. l.4. §. 1. D. de privil. veteran. l. 18. §. 24. D. de mun. & hon. l. 10. 11. C. de SS. Eccl. l. 1. 2. C. de nav. non excus. l. un. C. de naut. Tyb. tit. Cod. de Navicular. s. n. p. s. t.* Ne ipsorum quidem peregrinorum naves hic immunitatem habent *l. ult. §. 22. D. de mun. & hon. Sixtin. de Regal. lib. 2. c. 13. n. 22.* sed pro congrua mercede servire tenentur; nihil remorante, etiamsi mercatori sub certa pœna promiserint aliò merces devehere. qua de re plenius *inf. lib. 3. cap. 5. §. 7.*

VI. Causa hujus oneris est necessitas & utilitas publica in expeditione Principali aut liberæ reipub. Omnes enim in commune, si necessitas exegerit, convenit utilitatibus pub. obedire *l. Multi C. de nav. non excus.* Et adversus jus pub. cessant omnia privilegia *Tabor d. loc. n. 9.*

VII. Si quid in fraudem hujus juris attentatum fuerit, publicatione navis plectitur *l. 10. C. de SS. Eccl. l. 1. C. de nav. non*

exc. Si verò naucleri negligentia remorentur obsequium aut alii impediunt transvectionem, detineri possunt cum navibus donec pareant, aut ex merito luant, secundum poenam *l. ult. C. de Fabricens.* expressam, aut arbitriariam in diversis locis. Si quis recta navigatione contempta, litora devia sectatus, annonam pub. aut alia quæ deportanda suscepit, averterit & vendiderit, jure R. ultimo supplicio afficitur *l. 3. 4. C. quæ res venire l. 7. C. de Navicular.* Eisdem poenæ obnoxios esse emtores talium rerum quidam volunt, alii verò, poena extraordinaria affici. *Peck. & Vinn. in d. l. 7. pag. 381. 382. 383.*

VIII. Qui angarias navium præstant, aut species annonarias reip. transferunt, fide publica & omni securitate venientes ac remeantes frui, nec concussionem aut aliquod genus incommodi perpeti debent; decem librarum auri multa his jure R. proposita, qui eos inquietare tentaverint *l. 3. Cod. de Navicul.*

IX. Si naves in præstatione angariarum diripiantur à prædonibus vel hostibus, aut deteriores reddantur, num à Principe, cui istæ angariæ debentur, hoc damnum erit resarciendum? Non videtur: quod subditi non censeantur naves suas locasse Principi, sed obligationi ab ipsa lege sibi impositæ satis-

satisfecisse. *Peck. in tit. Cod. de nav. non excus. p. m. 389.* præterquam quòd nemo ordinariè ex alieno facto obligetur, sed suum cuique factum noceat *l. 155. D. de reg. jur.* Imò etiamsi locatio exterarum navium facta sit, tamen conductorem teneri negant: cum damnum prædonum vel hostium incursum datum casibus fortuitis annumeretur, nec à conductore præstetur, quia absque culpa ejus accidit *l. 23. de R. l.* Excipiendum tamen volunt, si onus non nautam sed universitatem respiciat; tunc æquum est per eam succurri *Peck. d. loc. aut si Princeps ex singulari favore damnum ipsi refundere velit: aut nisi Princeps ipse vel per suos damnum intulerit, quia proprium factum intervenit, ad satisfactionem tenetur. Sixtin. de Regal. 2, 13, 77 & seqq. latè.* Qui verò per se in tales nauceros prædas egerunt, ordinaria raptorum aut piratarum pœna deprehensi plectuntur *l. 6. Cod. de Navicular.*

CAP. VI.

De jure Fluminum.

I. Flumina publica & privata. Flumina pub. navigabilia inter Regalia referri, nec simpliciter posse illorum, qui superiorem recognoscunt, fieri.

II. Vsum fluminum jure gentium communem

esse, non obstante alterius dominio aut jurisdictione.

III. Fluvialia incrementa quibus cedant. num etiam vasallo. De inundatione ibid.

IV. Num molendinum in flumine pub. edificare liceat; num in privato, post alium.

V. Tutorem non posse alienare molendina pupilli absque decreto iudicis.

VI. Vi fluminis in alienum fundum delata quomodo vindicanda sint.

VII. Num damnum vi fluminis ex ruina adium, aut in coloni fundo datum in estimationem veniat.

VIII. Si via aut fines vi fluminis confusi sint, quid juris.

IX. Littorum usum communem esse. quatenus in illis edificare liceat.

X. In littore inventa num fiant occupantis.

XI. Usus riparum esse publicum. quantum in illis facere liceat.

XII. Ripatica quatenus ad Regalia referantur.

I. **S**uperest, ut post maris jus de jure Fluminum & quæ eis adhærent, tanquam cognata materia breviter agamus. Flumina vel sunt publica vel privata. Publica sunt perennia, vel quæ semper fluunt l. 1. §. 2. 3. l. 3. D. de flum. etiam si aliqua æstate exaruerint d. l. 1. §. 2. & quæ sunt communis usus. Privata, quæ sunt torrentia, & quæ solum hycme

hyeme fluunt, suntque privati usus. quo sensu Marcianus IC. dixit: Flumina penè omnia & portus publica sunt l. 4. §. 1. *D. de divis. rer.* Flumina pub. navigabilia vel navigationi apta, inter Regalia hodie referuntur c. *un. quæ sint Regalia.* nec sunt eorum qui superiorem recognoscunt, nisi ex peculiari concessione & investitura Superioris, vel consuetudine & præscriptione immemoriali, quæ vim legis habet, illis accesserint. *Sixtin. de Regal.* 2, 3, 31. *Mev. in Ius Lub.* 3, 4, 6. §. 13. 14. *seq.* Generali verò Regalium facta mentione flumina concessa non censentur, nisi disertè & speciatim eorum mentio fiat *Sixtin. d. loc. n.* 22. salvis tamen supremo magistratui reservatis, quæ à Majestate divelli nequeunt. inter quæ est jus vectigalis, quod in flumine exigi nequit, nisi à suprema potestate Ordinumque consensu specialiter concessum sit, *Mev. d. loc. n.* 17. 18. Flumen tamen qua tale proprium est ejus intra cujus territorium fluit, vel ejus cujus in ditione est populus. *Grot. de jur. bell. & pac.* 2, 2, 12.

II. Licet autem Princeps vel liber populus dominium & jurisdictionem habeat in flumine publico quod intra ejus fines fluit, & fructus vectigalium, piscationum & aliorum reddituum inde percipiat, omneque impedimentum tollat; usum tamen

fluminis & transitum, qui profit transeuntibus & non noceat dominii authoribus, denegare nequit: quippe qui jure humanæ societatis patere solet. *Augustin. ad c. 20. Num. l. un. §. 1. D. ut in flum. pub. navig. lic. Grot. de jur. bell. c. p. 2, 2, 13. Seneca lib. 4. de benefic. cap. 5. Flumina illa præbitura commerciis viam, vasto & navigabili cursu vadentia.* Inde Flumen publicum esse dicitur activè & passivè. *Activè* ratione imperii in flumen, quod Principi aut libero populo competit. *Passivè*, ratione liberi usus, quod navigantibus in eo concessum est, modò sine aliorum injuria, & fluminis detrimento fiat. *Graef. Iur. pub. 26, 1.*

III. Naturaliter insula in flumine nata & alveus exsiccatuſ aut derelictus ejus est cujus est flumen, sive patrimonii publici sive privatorum. Idem de alluvionibus statuendum, ut sint Principis aut populi, si flumen sit publicum. Princeps tamen aut liber populus proxima prædia possidentibus concedere potest, si agri eorum non alium finem ex ea parte quam naturalem, id est flumen ipsum habeant. Si Princeps vasallo cum definito in flumen imperio certi territorii agros dederit, salvo eo quod privatis competit, hic vasallus idem jus in flumine habebit, quod Principis aut populi fuit. Cui verò flumen ipsum datum est,

insu-

insulas siue limo aggestas, siue factas ex alveo, quem amnis circumluit, suas facit. Si neutrum horum in investitura sit expressum, mos regionis, aut longa præscriptio hic locum habebit. Si non imperium in flumine, sed ager in feudum datus sit, aluvio feudo comprehensa censebitur in agro arcifinio, pro ejus qualitate. Ager autem arcifinius dicitur, qui fines hostibus arcendis idoneos ac naturales habet, quales sunt flumina & montes. *Grot. lib. 2. de jure bell. e. p. cap. 8. §. 8. 9. 11. 12. 15.* Inundatio verò naturaliter agri dominium non tollit, si sit temporaria: quia substantiam agri non mutat. Si verò sit perpetua & gravissima inundatio quæ mutata re contingat, præsumitur animus derelinquendi; nisi circumstantiæ boni viri arbitrio æstimandæ aliud suadeant. *Idib. n. 10. Lyklama lib. VII. Membr. ecl. 47. conf. quæ notavi in Synops. jur. Diss. 5. §. 37. 38. seqq.* Si flumen cuiusdam mutaverit, an simul imperii terminus mutetur; & quæ flumen adjecit, an eis cedant quibus adjecta sunt, de hac quæstione fusè differentes vide *Grotium lib. 2. de jur. b. e. p. cap. 3. §. 16. 17. 18. & Heigium lib. 2. quæst. jur. cap. 40.* ut & de tota alluvionis ac insularum materia Aymum, Gryphiandrum & alios.

IV. Trita quidem est quæstio, Num mo-

C 5 lende

lendinum in flumine publico absque Magistratus concessione ædificare liceat; attamen, quia de jure fluminum hic sermo est, ex occasione eam paucis discutiemus. Constans autem est Iurisconsultorum assertio, tale quid non licere: ne per id usus fluminis impediatur aut deterior reddatur *tototit. Dig. ne quid in flum. pub.* Verum in locis & aquis privatis hoc licet: cum hic quisque jure suo utatur *l. 24. §. 12. de damn. inf.* Si non fiat in fraudem alterius, nec commodum naturale aquæ cum ejus injuria intercipiatur *l. 6. 7. Cod. de servit. & aq. l. 17. D. de serv. prad. rust. & in jure Sued. c. 33. 34. Bygn. LL. privil. Nobil. art. 28.* Num autem in privato flumine liceat exstruere molendinum, si ante quis in ejusdem fluvij alveo ædificarit, & vectigal ejus hoc modo fortè deminuat? majoris est disquisitionis. Schneidevvinus *ad tit. Inst. de R. D. §. Flumina* hanc esse communem Dd. sententiam observat, hoc alicui licere, si faciat, sibi ut profit; etiamsi alteri noceat, per *l. 24. §. ult. l. 25. D. de damn. inf.* Sed nonne hoc repugnat naturali æquitati? Sic enim sibi quisque prodesse debet, ne alii noceat *l. 1. §. 11. D. de aq. & aq. pl. & dictis loc. jur. Suetic.* Verùm ad hoc respondent, si non faciat in pravam æmulationem alterius, nec principaliter ut alii

noceat, sed suam conditionem meliorem reddat, admitti posse. Et quamvis commodum naturale aquæ non possit alteri auferri, tamen commodum concursus molentium, quod est meræ facultatis & voluntatis eorum, auferri posse putant. Bona enim fortunæ omnibus patere ajunt. *Coppen. Obs. Pract. LXVIII. n. 15.* Limita tamen, nisi tale jus ex privilegio vel consuetudine jam sit præscriptum. *Carpzov. Jurispr. for. 2, 4, 9, 11. Sixtin. de Regal. libr. 2. cap. 3. n. 65 & seqq.*

V. Occasione priorum illud quoque hic addemus, quamvis molendina vel alia bona pupilli, quæ aquarum periculis obnoxia sunt, tutorem absque decreto judicis vendere posse quidam velint; rectius tamen statuitur, illud tutorem non posse. *arg. l. 13. ff. de reb. eor. Forster. de succession. 7, 21, 34 & arg. c. 10. de jure præd. LL. Sued. civit. ne fortè sit fraudi pusillo.*

VI. Res alienæ vi fluminis in agrum alicujus delatæ condiçi quidem possunt *l. 4. §. 2. D. de reb. cred. non tamen aliter tolli, quam si de præterito & futuro damno caveatur l. 5. §. 4. D. ad exhib. l. 9. §. 3. de damn. inf. l. 8. de inc. r n. Si pa hominis concurrat, ex lege damno potest agi arg. l. 29. §. 2. ad leg. Aquil. Schotan. Exam.*

lendum in flumine publico absque Magistratus concessione ædificare liceat; attamen, quia de jure fluminum hîc sermo est, ex occasione eam paucis discutiemus. Constans autem est Iurisconsultorum assertio, tale quid non licere: ne per id usus fluminis impediatur aut deterior reddatur *tototit. Dig. ne quid in flum. pub.* Verum in locis & aquis privatis hoc licet: cum hîc quisque jure suo utatur *l. 24. §. 12. de damn. inf.* Si non fiat in fraudem alterius, nec commodum naturale aquæ cum ejus injuria intercipiatur *l. 6. 7. Cod. de servit. & aq. l. 17. D. de serv. prad. rust. & in jure Sued. c. 33. 34. Bygn. L. L. privil. Nobil. art. 28.* Num autem in privato flumine liceat exstruere molendinum, si ante quis in ejusdem fluvii alveo ædificarit, & vectigal ejus hoc modo fortè deminuat? majoris est disquisitionis. Schneidevvinus *ad tit. Inst. de R. D. §. Flumina* hanc esse communem Dd. sententiam observat, hoc alicui licere, si faciat, sibi ut prosit; etiamsi alteri noceat, per *l. 24. §. ult. l. 25. D. de damn. inf.* Sed nonne hoc repugnat naturali æquitati? Sic enim sibi quisque prodesse debet, ne alii noceat *l. 1. §. 11. D. de aq. & aq. pl. & dictis loc. jur. Suetic.* Verùm ad hoc reponunt, si non faciat in pravam æmulationem alterius, nec principaliter ut alii

noceat, sed suam conditionem meliorem reddat, admitti posse. Et quamvis commodum naturale aquæ non possit alteri auferri, tamen commodum concursus molentium, quod est meræ facultatis & voluntatis eorum, auferri posse putant. Bona enim fortunæ omnibus patere ajunt. *Coppen. Obs. Pract. LXVIII. n. 15.* Limita tamen, nisi tale jus ex privilegio vel consuetudine jam sit præscriptum. *Carpzov. Iurispr. for. 2, 4, 9, 11. Sixtin. de Regal. libr. 2. cap. 3. n. 65 & seqq.*

V. Occasione priorum illud quoque hic addemus, quamvis molendina vel alia bona pupilli, quæ aquarum periculis obnoxia sunt, tutorem absque decreto judicis vendere posse quidam velint; rectius tamen statuitur, illud tutorem non posse. *arg. l. 13. ff. de reb. eor. Forster. de succession. 7, 21, 34. & arg. c. 10. de jure pred. LL. Sued. civit. ne fortè sit fraudi pusillo.*

VI. Res alienæ vi fluminis in agrum alicujus delatæ condiçi quidem possunt *l. 4. §. 2. D. de reb. cred. non tamen aliter tolli, quam si de præterito & futuro damno caveatur l. 5. §. 4. D. ad exhib. l. 9. §. 3. de damn. inf. l. 8. de inc. r n.* Si autem culpa hominis concurrat, ex lege Aquilia de damno potest agi *arg. l. 29. §. 2. & seqq. D. ad leg. Aquil. Schotan. Exam. Iur. p. m. 397.*

lendinum in flumine publico absque Magistratus concessione ædificare liceat; attamen, quia de jure fluminum hîc sermo est, ex occasione eam paucis discutiemus. Constans autem est Iurisconsultorum assertio, tale quid non licere: ne per id usus fluminis impediatur aut deterior reddatur *tototit. Dig. ne quid in flum. pub.* Verum in locis & aquis privatis hoc licet: cum hîc quisque jure suo utatur *l. 24. §. 12. de damn. inf.* Si non fiat in fraudem alterius, nec commodum naturale aquæ cum ejus injuria intercipiatur *l. 6. 7. Cod. de servit. & aq. l. 17. D. de serv. pred. rust. & in jure Sued. c. 33. 34. Bygn. L. L. privil. Nobil. art. 28.* Num autem in privato flumine liceat exstruere molendinum, si ante quis in ejusdem fluvii alveo ædificarit, & vectigal ejus hoc modo fortè deminuat? majoris est disquisitionis. Schneidevvinus *ad tit. Inst. de R. D. §. Flumina* hanc esse communem Dd. sententiam observat, hoc alicui licere, si faciat, sibi ut prosit; etiamsi alteri noceat, per *l. 24. §. ult. l. 25. D. de damn. inf.* Sed nonne hoc repugnat naturali æquitati? Sic enim sibi quisque prodesse debet, ne alii noceat *l. 1. §. 11. D. de aq. & aq. pl. & dictis loc. jur. Suetic.* Verùm ad hoc respondent, si non faciat in pravam æmulationem alterius, nec principaliter ut alii

noceat, sed suam conditionem meliorem reddat, admitti posse. Et quamvis commodum naturale aquæ non possit alteri auferri, tamen commodum concursus molentium, quod est mære facultatis & voluntatis eorum, auferri posse putant. Bona enim fortunæ omnibus patere ajunt. *Coppen. Obs. Pract. LXVIII. n. 15.* Limita tamen, nisi tale jus ex privilegio vel consuetudine jam sit præscriptum. *Carpzov. Jurispr. for. 2, 4, 9, 11. Sixtin. de Regal. libr. 2. cap. 3. n. 65 & seqq.*

V. Occasione priorum illud quoque hic addemus, quamvis molendina vel alia bona pupilli, quæ aquarum periculis obnoxia sunt, tutorem absque decreto judicis vendere posse quidam velint; rectius tamen statuitur, illud tutorem non posse. *arg. l. 13. ff. de reb. cor. Forster. de succession. 7, 21, 34. & arg. c. 10. de jure præd. LL. Sued. civit. ne fortè sit fraudi pusillo.*

VI. Res alienæ vi fluminis in agrum alicujus delatæ condici quidem possunt *l. 4. §. 2. D. de reb. cred.* non tamen aliter tolli, quam si de præterito & futuro damno caveatur *l. 5. §. 4. D. ad exhib. l. 9. §. 3. de damn. inf. l. 8. de inc. r n.* Si autem culpa hominis concurrat, ex lege Aquilia de damno potest agi *arg. l. 29. §. 2. & seqq. D. ad leg. Aquil. Schotan. Exam. Jur. p. m. 397.*

lendum in flumine publico absque Magistratus concessione ædificare liceat; attamen, quia de jure fluminum hîc sermo est, ex occasione eam paucis discutiemus. Constans autem est Iurisconsultorum assertio, tale quid non licere: ne per id usus fluminis impediatur aut deterior reddatur *tototit. Dig. ne quid in flum. pub.* Verum in locis & aquis privatis hoc licet: cum hîc quisque jure suo utatur *l. 24. §. 12. de damn. inf.* Si non fiat in fraudem alterius, nec commodum naturale aque cum ejus injuria intercipiatur *l. 6. 7. Cod. de servit. & aq. l. 17. D. de serv. prad. rust. & in jure Sued. c. 33. 34. Bygn. L.L. privil. Nobil. art. 28.* Num autem in privato flumine liceat exstruere molendinum, si ante quis in ejusdem fluvij alveo ædificarit, & vectigal ejus hoc modo fortè deminuat? majoris est disquisitionis. Schneidevvinus *ad tit. Inst. de R. D. §. Flumina* hanc esse communem Dd. sententiam observat, hoc alicui licere, si faciat, sibi ut profit; etiamsi alteri noceat, per *l. 24. §. ult. l. 25. D. de damn. inf.* Sed nonne hoc repugnat naturali æquitati? Sic enim sibi quisque prodesse debet, ne alii noceat *l. 1. §. 11. D. de aq. & aq. pl. & dictis loc. jur. Suetic.* Verùm ad hoc respondent, si non faciat in pravam æmulationem alterius, nec principaliter ut alii

noceat, sed suam conditionem meliorem reddat, admitti posse. Et quamvis commodum naturale aquæ non possit alteri auferri, tamen commodum concursus molentium, quod est mære facultatis & voluntatis eorum, auferri posse putant. Bona enim fortunæ omnibus patere ajunt. *Coppen. Obs. Pract. LXXIII. n. 15.* Limita tamen, nisi tale jus ex privilegio vel consuetudine jam sit præscriptum. *Carpzov. Jurispr. for. 2, 4, 9, 11. Sixtin. de Regal. libr. 2. cap. 3. n. 65 & seqq.*

V. Occasione priorum illud quoque hic addemus, quamvis molendina vel alia bona pupilli, quæ aquarum periculis obnoxia sunt, tutorem absque decreto judicis vendere posse quidam velint; rectius tamen statuitur, illud tutorem non posse. *arg. l. 13. ff. de reb. eor. Forster. de succession. 7, 21, 34 & arg. c. 10. de jure præd. LL. Sued. civit. ne fortè sit fraudi pusillo.*

VI. Res alienæ vi fluminis in agrum alicujus delatæ condiçi quidem possunt *l. 4. §. 2. D. de reb. cred.* non tamen aliter tolli, quam si de præterito & futuro damno caveatur *l. 5. §. 4. D. ad exhib. l. 9. §. 3. de damn. inf. l. 8. de inc. r n.* Si autem culpa hominis concurrat, ex lege Aquilia de damno potest agi *arg. l. 29. §. 2. & seqq. D. ad leg. Aquil. Schotan. Exam. Inr. p. m. 397.*

lendum in flumine publico absque Magistratus concessione ædificare liceat; attamen, quia de jure fluminum hîc sermo est, ex occasione eam paucis discutiemus. Constans autem est Iurisconsultorum assertio, tale quid non licere: ne per id usus fluminis impediatur aut deterior reddatur *tototit. Dig. ne quid in flum. pub.* Verum in locis & aquis privatis hoc licet: cum hîc quisque jure suo utatur *l. 24. §. 12. de damn. inf.* Si non fiat in fraudem alterius, nec commodum naturale aquæ cum ejus injuria intercipiatur *l. 6. 7. Cod. de servit. & aq. l. 17. D. de serv. prad. rust. & in jure Sued. c. 33. 34. Bygn. L L. privil. Nobil. art. 28.* Num autem in privato flumine liceat exstruere molendinum, si ante quis in ejusdem fluvii alveo ædificarit, & vectigal ejus hoc modo fortè deminuat? majoris est disquisitionis. Schneidevvinus *ad tit. Inst. de R. D. §. Flumina* hanc esse communem Dd. sententiam observat, hoc alicui licere, si faciat, sibi ut profit; etiamsi alteri noceat, per *l. 24. §. ult. l. 25. D. de damn. inf.* Sed nonne hoc repugnat naturali æquitati? Sic enim sibi quisque prodesse debet, ne alii noceat *l. 1. §. 11. D. de aq. & aq. pl. & dictis loc. jur. Suetic.* Verùm ad hoc respondent, si non faciat in pravam æmulationem alterius, nec principaliter ut alii

noceat, sed suam conditionem meliorem reddat, admitti posse. Et quamvis commodum naturale aquæ non possit alteri auferri, tamen commodum concursus molentium, quod est meræ facultatis & voluntatis eorum, auferri posse putant. Bona enim fortunæ omnibus patere ajunt. *Copen. Obs. Pract. LXVIII. n. 15.* Limita tamen, nisi tale jus ex privilegio vel consuetudine jam sit præscriptum. *Carpzov. Jurispr. for. 2, 4, 9, 11. Sixtin. de Regal. libr. 2. cap. 3. n. 65 & seqq.*

V. Occasione priorum illud quoque hic addemus, quamvis molendina vel alia bona pupilli, quæ aquarum periculis obnoxia sunt, tutorem absque decreto judicis vendere posse quidam velint; rectius tamen statuitur, illud tutorem non posse. *arg. l. 13. ff. de reb. cor. Forster. de succession. 7, 21, 34. & arg. c. 10. de jure præd. LL. Sued. civit. ne fortè sit fraudi pusillo.*

VI. Res alienæ vi fluminis in agrum alicujus delatæ condiçi quidem possunt *l. 4. §. 2. D. de reb. cred.* non tamen aliter tolli, quam si de præterito & futuro damno caveatur *l. 5. §. 4. D. ad exhib. l. 9. §. 3. de damn. inf. l. 8. de inc. r n.* Si autem culpa hominis concurrat, ex lege Aquilia de damno potest agi *arg. l. 29. §. 2. & seqq. D. ad leg. Aquil. Schotan. Exam. Jur. p. m. 397.*

VII. Damnum vicino ex ruina ædium vi fluminis aut maris datum, velut fatale, non præstatur. Quod enim ædificium tam firmum est, ut fluminis, maris aut tempestatis vim sustinere possit? *l. 24. §. 4. D. de damn. inf.* aliud verò dicendum, si ædificii vitio id acciderit *d. l.* Sed & ob damnum coloni fundo per incursum fluminis dato remissio pensionis fit *l. 15. §. 2. D. loc. cond.* quia hoc quoque per vim maiorem accidit.

VIII. Si via publica (quæ etiam flumine interveniente constitui potest, si aut vado transiri possit, aut pontem habeat *l. 38. D. de serv. præd. rust.*) fluminis impetu sit amissa, vicinus proximus viam præstare debet *l. 14. §. 1. D. quemadm. serv. amitt.* sed impensâ publicâ, ut Glossæ volunt; licet hoc non semper observetur. Quod autem viam pub. negant intercedere alluvioni, rationem naturalem nullam habet; nisi ager privatus sit, qui viam debeat. *Grot. d. libr. 2, 8, 17.* Si verò irruptione fluminis fines agri confusi sint, & dominus agri usurparit loca, in quibus jus non habet, magistratus loci alieno eum abstinere, & domino suum restitui, terminosque per mensorem declarari jubebit *l. 8. D. fin. reg.*

IX. Velut maris, italittorum usus publicus est, per quæ ad mare fit accessus; li-

et fortè sint in imperio populi aut Principis l. 3. *D. ne quid in loco pub.* Grot. de jure bell. & pac. 2, 3. 9. Liberum est ergo ibi exonerare merces, explicare & siccare retia §. 5. *Inst. de rer. div. l. 5. 6. D. eod. l. 14 D. de adq. rer. dom.* Et quod in littore quis ædificat, licet in suo non ædificet, jure tamen gentium suum facit. Si quis igitur velit ibi ædificantē prohibere, nullo jure prohibet, neq; opus novum nuntiare nisi ex una causa potest, si forte damni infecti velit sibi caveri l. 1. §. 18. *D. de novi op. nunc.* In eo præsertim littore jure gentium ædificare licet, quod in nullius populi dominium pervenit arg. d. l. 14. *D. de adq. rer. dom.* Ut autem in littore publico vel quod populi est, & in parte maris littori vicina extruere liceat permanens ædificium, id à Magistratu loci impetrare oportet l. 50. *de adq. rer. dom.* Nullo verò jure quis prohiberi potest causam in littore ponere, in quam se recipiat §. 5. *Inst. de R. D.* aliaque, quæ non prohibita sunt, facere; nisi cum alterius damno conjuncta sint, aut usum publicum impedian, aut deteriorem stationem & navigationem faciant: quod non debent l. 2. l. 4. *D. ne quid in loco pub. l. 1. §. 12. 15. 19. 21. D. de flum. art. 28. privil. Nobil. Suet.* Hinc cautè legati AENEÆ ad Latinum VII. AENEID.

Littusque rogamus

INNOCENTIVM.

X. In

X. In littore inventa, velut lapilli & gemmæ, jure naturali quidem inventoris fiunt: quia sunt communia, ut littus, & nullius, & in medio posita omnibus. §. 18. *Inst. de rer. div. l. 3. D. eod. l. 1. §. 1. de adq. vel. amit. poss.* Attamen illud hodie vix in usu est: dum hoc quoque jus vi imperii in litora eorum ditioni subjecta à Principibus restringitur. nisi ubi consuetudo benignius cum inventoribus agit, nec omnia fisco tribuit. *Heig. ad d. §. 10. Inst. Schult. in Synops. Inst. tit. de R. D. lit. r.* Collectio tamen succini & gemmarum in littore certo modo interdicta subditis non efficit totius juris gentium eversioem, nec abrogat omnem fluminum aut littorum usum. *Heig. lib. 2. quest. jur. cap. 40. n. 148.*

XI. Vfus riparum etiam jure gentium publicus est, ut fluminis, ad quod patet aditus per ripam. Vnde naves ad eas appellere, funes arboribus ibi natis religare, onus aliquod in his reponere, retia siccare, pecus per ripam ad flumen appellere licet. §. 4. *Inst. de R. D. l. 5. D. eod. l. 1. §. ult. D. ut in flum. pub. n.* Qui verò in ripâ ædificat, suum non facit *l. 15. D. de adq. rer. dom.* quia in alieno fundo ædificat; quum riparum proprietas sit eorum, quorum prædiis hærent *d. §. 4. Inst. & l. 1. D. de R. D.* Munire quidem ripam aut reficere littus licet
ad-

adversus rapidi amnis impetum; ita tamen, ut hoc navigationi non sit impedimento aut fraudi *l.un. § 2. D. de rip. mun. l. 2. §. 8. ne quid in loco pub. toto tit. D. de flum. & tit. Ne quid in flum. pub. l. 1. C. de alluv. §. 1. & 7. Inst. de interd.*

XII. Ripatica quoque inter Regalia referri constat ex *c. un. Quae sine Regal. contemplatione juris, proventuum & commodorum ex ripis. de quibus prolixè Sixtin. de Regal. 2, 3, 8. & seqq. & Graef Iur. pub. cap. 36. n. 11.*

C A P. VII.

De Naufragio.

I. *An jure littoris res naufraga ad dominum littoris pertineant.*

II. *Naufragium ex casu fortuito est fatale, & extra culpam.*

III. *Quomodo culpa nauticuli naufragium accidat.*

IV. *Quomodo culpa vectorum in navi. ubi & de commodato.*

V. *Quomodo culpa ductoris.*

VI. *Ej. Etia navi & naufraga bona non confestim nostra esse desinere, nec usucapi posse.*

VII. *Negatur, omni jure gentium ad littoris domi-*

dominium pertinere bona naufraga vel
ejecta.

VIII. Gentium aliquot enumeratio, quæ bona
naufraga Fisco applicuerunt.

IX. Probatur illud injustè factum esse & fieri.
nec inde juris dominium stabiliri, aut
justo titulo defendi posse.

X. Derelicta tamen bona naufraga ex majori
parte jure Fisco inferri.

XI. An possessor teneatur Principi ex missa
annona, quæ naufragio perit.

XII. De hominibus naufragio pereuntibus.

XIII. De his succedendi modo & probatione.

XIV. Num, si navis legata naufragio perierit,
inde fructus legatario debeantur.

XV. De deposito naufragii causa.

XVI. De pœna rapii aut suppressi naufra-
gii.

XVII. Naufragorum calamitati quomodo sub-
veniendum.

I. **U**T materiam de jure littorum pertexa-
mus, in discepcionem porrò vocan-
dum erit, num rectè statuant, qui jure lit-
toris aut regali res naufragas ad dominum
qui littori imperat, pertinere volunt. Sed
hoc ab humanitate alienum esse mox o-
stendemus, si de causis naufragii quædam
præmiserimus; & quatenus inde authores
obligentur.

II. Nau-

II. Naufragium vel casu fortuito & vi
ma ore, vel culpa nautarum, vectorum
aut ductoris accidere potest. Si casu for-
tuito, nemo inde tenetur l. 3. §. I. *D. Naut.*
caup. ff. l. 1. §. 4. D. de oll. & ael. l. 26. §. 6.
D. mand. quia vis maior providentiam &
industriam humanam superat, nisi culpa
casum præcellerit.

III. Si naucerus ex convento aut de-
bito navem armamentis bene instructam
non habuerit: si non constituto tempore,
aut si alieno tempore navigarit, vel neglexe-
rit commodè navigandi tempus l. 16. §. 1. l.
36. §. 1. *D. de rei vendic.* si minus idoneis
hominibus navem commiserit d. l. 16. §. 1. si
per intuta loca sciens navigaverit: si per im-
peritiam vel incuriam navem vadis aut
scopulis illiserit; nisi lumine piscatorum de-
ceptus in vada inciderit, portum esse cre-
dens l. 10. *D. de inc. ruin. naufr.* si navem
plus justo oneravit l. un. *C. ne quid on. pub.*
i. & ibi Gothofr. & quocunque modo oc-
casionem naufragio culpâ suâ dederit, in-
de tenetur, vid. cap. 9. §. 1. *LL. Suetic. de*
jure nautic. & cap. 14. eod. Qui enim occa-
sionem præstat, damnum fecisse videtur
c. 10. 11. *leg. Nautic. Rhodior. l. 30. §. 3. D.*
ad leg. Aquil. Benev. Straccha p. 3. de Naut.
1. vid. & inf. lib. III. cap. 8. §. 8. & seqq.

IV. Qui in navi vehuntur & domini
mer.

mercium quoque sunt in culpa, si vel soli vel unà cum nauclero in horum quæ jam dicta sunt quippiam consenserint. Aut si secum peregrè vel per mare portarint, & naufragio amiserint ea, quorum usus illis domi concessus erat; eorum æstimationem præstabunt: quia hîc culpa utentium casum præcessit §. 2. *Inst. quib. mod. re contrah. oblig. l. i. §. 4. D. de obl. & act.* Aliàs in commodato naufragium, velut damnum fatale, non præstatur *l. 18. D. commod. nisi*, cum posset res commodatas salvas facere, suas prætulit *l. 5. §. 4. D. eod.* Sed hac de re plura *inf. lib. 3. c. 2. §. 6. & 7.*

V. Si ductor navis se obligarit ad navim absq; omni damno in portū deducendam, ille verò navem impegerit vado aut latenti saxo, inde tenebitur *art. 38. jur. maritim. VVisbyens. Iure Sued.* etiam ad pœnam capitis hoc factum aliquando extendi potest, pro gravitate damni dati, atque si dolo hoc fecerit *c. 14. de jure naut.* Ipse tamen nauclerus non erit extra culpam, si sciverit ductorem minus esse idoneum, & nihilominus navem ducendam ei commiserit. *l. utiq; §. culpa D. de rei vindic.* Ex procellæ tamen periculo ductor non tenetur *d. c. 14.* quia hic est casus fortuitus, ab eo non præstandus *l. 23. de R. I.* nisi ad vim majorem aut tempestatis periculum se expressè aut genera-

neraliter obligarit. *arg. l. 9. §. 2. D. loc. cond. l. 78. §. 3. D. de contr. emt.*

VI. In ipso naufragio vel naufragii metu levandæ navis gratiæ ejecta, non statim nostra esse desinunt: quia non sunt in derelicto sed in deperdito *l. 44. D. de adq. rer. dom. l. 13. l. 21. §. 1. D. de adq. vel amitt. poss.* nec enim eo animo ejiciuntur, quasi quis ea habere nolit, sed quo magis cum ipsa navi maris periculum effugiat *§. 48. Inst. de rer. div. l. 9. §. 8. D. de adq. rer. dom. Arist. 3. Eth. 1. vid. & inf. lib. 2. cap. 7. §. 5 de jur. marit.* atque si suspicatus fuerit, in quem locum ejecta sint, postea requirat. velut qui onere pressus, in viam rem abjicit, ut mox reversurus eandem auferat *l. 8. D. ad leg. Rhod. de jactu.* Itaque res naufragæ aut ejectæ non possunt usucapi *l. 21. §. 1. 2. D. de adq. vel amitt. poss. l. 7. D. pro derelicto;* nisi derelinquendi animo expulsæ vel jactæ sint, quod sciat jaciens perituras *l. 43. §. 11. D. de furt.* Conjectura etiam de animo derelinquendi capi potest, ut notat Zasius *ad l. 21. de adq. vel amitt. possess.* si quis merces compositas in sacculum religet, & expostas in mare projiciat. quod tamen magis ex eventu rerum derelictarum quam proposito deperdendi judicandum erit: quum in ejiciente res navis levandæ causa semper præsumatur animus retinendi, quamdiu
su-

superest spes recuperandi. *conferatur Zocinus in Pandect. ad leg. Rhod. de jactu n. 10. 11. 12.*

VII. Quod autem apud Bodinum lib. 1. de Repub. c. ult. Legato Cæsaris coram Henrico 2. Francorum Rege conquerenti, duas naves ad littus ejectas, & ab Iordane Vrsino captas esse easque restitui postulanti respondit Annas Mommorancius magister equitum: Ea quæ ad littus fuissent ejecta, *gentium omnium jure* ad Principes qui littoribus imperant pertinere, in eo magis argumento quam vero servivit. Verum quidem est, aliquot gentium instituto sic observatum fuisse, non autem ab omnibus, *ut mox §. 8. & inf. §. 10. probabitur.*

VIII. Nonnulli quidem eruditi ex l. 9. D. ad leg. Rhod. de jactu colligunt, publicanos apud Rhodios olim legem seu morem bona naufraga fisco applicandi habuisse; eosdem in partem illorum venisse pro custodia vel cura eorum; qua de re fusius *inf. h. cap. §. 10.* Quidam etiam huc referunt illud Syriani Rhetoris: *Νόμος τῶν ναυφράγων τῶν τελευτῶν εἶναι;* & illud Curii Fortunatiani: *Naufragia ad publicanos pertinere.* Hunc morem, ut bona naufraga à publicanis aut fisco vendicarentur, etiam viguisse apud Gallos, Anglos, Neapolitanos, Siculos & alios nonnullos, notant Bodinus

nus lib. 1. de rep. c. ult. Selden. lib. 1. Mar. claus. c. 25. & alii.

IX. Cæterum, ut bona miserorum naufragorum in Fiscum trahantur, licet à nonnullis gentibus more receptum fuerit, ab ipsa tamen humanitate & æquitate naturali abhorret. Nonne enim inhumanum & iniquum est, calamitosos absque suo facto re sua privari: & fiscum ex alieno dispendio suum quærere compendium? unde qui cum humanitate aliquod commercium habent, hunc morem ut planè barbarum atque injustum passim damnant. *vid. Grot. de jure belli & pac. 2, 7, 1.* Imò contra Christianam prorsus charitatem est, cujus afflicta fortuna nostrâ ope esset erigenda, eum ulterius deprimere & ad incertitas redigere. *vide Amesium apud Duntb. in casib. consc. 1049.* Sed quidquid hîc inhumanum injustumque habetur, de privatis proprio instinctu absque authoritate pub. res naufragas rapientibus accipiendum esse Principum adulatores aiunt, non de ipsis Principibus ac liberis Rebuspub. quibus bona naufragio ejecta & in littus eorum expulsa, quasi ipsa natura attribuyente, in sinum ipsorum & fiscum cadant. id quoque esse partem dominiî maris: id jure portus & littoris Fisco deberi. Verùm non est, quod hinc maris dominium stabilire velint:

etiam

cum sit injustus acquirendi ritulus, occupare quod aliorum est, non sponte, sed necessitate ejectum. Seldenus lib. 1. Mar. claus. c. 18 p. m. 148. *Divisio illa rerum à pelago extractarum, simpliciter considerata, non magis asserit dominium ullum in ipso mari, quam prada cujuscunque maritimæ ab hostibus erepta decima.* Aut si quis dominium in littus vel mare sibi arroget, portusque isthuc habeat, non tamen majorem habet facultatem res naufragas capiendi & sibi retinendi, quam quilibet alius. Dominium enim littoris, portus, aut maris nulli dat jus alicui suum absque justa causa auferendi.

• *Non concupiscere alienum, & suum cuique tribuere est generalis lex Dei & naturæ, quæ omnes obligat.* Si verò bona naufraga in littus ejiciantur, hoc est singulare Dei & naturæ Deo famulantis beneficium, non permittentium ea spoliū maris aut aliorum fieri, sed competentibus dominis ut solatium amissorum adversæque fortunæ cedere. Bodinus lib. 1. de Repub. ca. ult. *Barbarum, inquit, & antiquis inusitatum est, ut cujus opes ac fortunæ naufragio miserè perierint, & quem nostris opibus sublevare debeamus, ejus reliquias quas ad littus ejectas bonæ fidei restitui oportebat, turpiter diripi patiamur.* Sic tamen vivitur, ut qui portus habent (loquitur de quorundam populorum, non omnium,

omnium, moribus) eam crudelitatem tum in
 cives tum peregrinos exsequantur. Ius quaris?
 error ius facit. at si non peccatur errore, sed
 scientia, scelus est, quod erroris specie praten-
 ditur. Grotius hic memoria lapsus videtur,
 quando in Notis ad lib. 2. de jure bell. c. p.
 c. 7. §. 1. ait: *Quid in mentem venit Bodino,*
ut talia defenderet? Non defendit hæc Bodi-
 nus, ut videmus, sed acriter carpit. Nec est,
 quod patroni hujus moris se tueantur illo
 Iuvenalis:

Res fisci est, quodcumque natat;
 hoc enim habet authores Palphurium &
 Armillatum, delatores & assentatores Do-
 mitiani; velut postea in cap. de jure piscan-
 di fusius probabo. Quanto justius Impp.
 Hadrianus & Antoninu decernunt, licere
 unicuique naufragium suum impune col-
 ligere l. 7. l. ult. D. de inc. ruin. naufr. Et An-
 toninus in l. 2. C. de Naufrag *Si quan-*
do, inquit, naufragio navis expulsa fuerit ad
littus, vel si quando aliquam terram attigerit,
ad dominos pertineat; Fiscus meus sese non in-
terponat. QVOD ENIM IUS HA-
 BET FISCVS IN ALIENA CA-
 LAMITATE, VT DE RE TAM
 LVCTVOSA COMPENDIVM
 SECTETVR? Ex hoc æquitatis fun-
 damento Rex Poloniae Sigismundus anno
 MDXCVIII. decidit, ut res ex naufragio
 re-

receptæ domino illarum restituerentur, ut notat *Lipsky Obs. Pract. t. 2. c. 44. n. 2.* & *Gail lib. 1. Obs. Pract. c. 18. n. 6.* testatur, mandata sine clausula contra consuetudines de bonis naufragis jure littoris Fisco addicendis in Camera Imperiali non semel decreta fuisse.

X. Derelicta tamen bona naufraga, quorum certo tempore non apparet dominus, pro majori parte Fisco inferre, minorem partem inventori pro cura & custodia eorum assignare, æquitati & juri gentium consentaneum videtur. Ius Suedorum hac de re, in *c. 36. de Furt. LL. prov. & c. 14. eod. LL. municip.* ita constituit: Inventor rei naufragæ in littus ejectæ publicè significabit rem inventam, cujus dominus si intra annum & diem compareat, & rem suam legitimis indiciis probet, duas partes recipiet dominus, unam retinebit inventor, (sed dimidium inventæ rei in fundo maris, *c. 15. d. LL.*) Possunt etiam quidam privilegio legi eximi, ut suum recipiant pro æqua asservationis mercede. quod olim hic Lubecensibus & Stralsundensibus indultum est; & Suedis apud eosdem. Si intra annum & diem non advenierit ad suum vendicandum, duas partes capiet Fiscus Regius, tertiam inventor. quod ab æquitatis normâ non videtur alienum.

num. Qui enim in tempore indicat rem inventam, eo ipso testatur facit, se lucrandi aut retinendi animum non habere, nec in aliena calamitate compendium affectare, sed vero domino suum bona fide restitutum, qui si intra præscriptum tempus, quo commodè potuit, se non sistat & suum repetat, pro derelicto habere præsumitur *arg. l. 43. §. 5. 11. D. de furt. l. 1. 2. D. pro derelicto*: & sic tanquam bonum vacans quod possessorem non habet, aut qui jus suum omisit, Fisco cedit; portioque attribuitur inventori, ut industriæ & curæ merces. Quod jus etiam aliarum gentium moribus receptum est. Speciatim de bonis naufragis ita constitutum est in jure Lutico *lib. 3. c. 61. 63. Scanico lib. 8. c. 3. in jure maritimo Danico art. 49. 73. in jure Norvegico c. 26. de jure mercandi*. In pactis pacis inter Magnum Regem Suediæ & V Valdemarum Regem Daniæ anno Christi MCCCXLII I. *In aliquo regnorum nostrorum seu dominiis passi naufragia res amissas liberè, absque impeditioe quorumlibet, recolligant & recuperent, quamdiu non pro derelicto habuerint res amissas*. Simile quid in jure Prussico *lib. 4. tit. 19. art. 5. §. 4. In Edicto Belgarum anno 1447. publicato: in pacto inter Henricum VII. Regem Angliæ & Philippum Archiducem Austriæ anno 1495.*

inito. Quamvis etiam eruditi quidam velint, ut sup. §. 8. tangebatur, lege Rhodiorum simpliciter bona naufraga Fisco fuisse addicta, idque colligant ex l. *Ἀξιωματὶς D. ad leg. Rhod. de iactu*, tamen olim in lege Rhodia constitutum fuisse verisimilius est, ut domino intra præfixum à lege tempus non apparente, præter partes Fisco debitas, partem sibi sumerent pro naufragorum bonorum cura & custodia publicani. Ita quidem Grotius in *Florum* sparsione ad Ius Iustiniani legem Rhodiam explicat: *Solebant, inquit, publicani bona quorum non apparebat dominus, in custodiam suam sumere. Et pro ea custodia partem sibi aliquam vindicare. Ea pars quæ esset, definitum erat lege Rhodia navali, quæ pro ure gentium in illo mari regabat: sicut apud Galliam leges Oleronis: apud omnes Thyransrhenanos populos leges Wisbyenses.* lac. Gothofredus in erudito Commentario ad l. *Deprecatio IX. leg. Rhod. de iactu cap. XI.* hac de re ita iudicat: Potuisse lege Rhodia insularis aut maritimis civitatibus id competere, ut in partem aliquam naufragii venirent, vel ob sumtus in faces ignesque flagrantés pro securitate navigantium, vel ob operam in colligendis & asservandis naufragiis impensam, vel loco portorii aut vectigalis pro mari à latronibus purgato: ut jam non esset prædæ spe-

species ex mente Eudæmonis, sed remuneratio quædam impenſarum & operæ, adeoque mos ſeu lex maris ex inſtituto Rhodiorum. Sed ne modum excederet, Antoninum temperari voluiſſe ſecundum Imperatorum conſtitutiones. Idem Gothofredus quomodo dicta Lex nona ad leg. Rhod. de jactu ſit emendanda & legenda, c. 7. laudati Commentarii oſtendit. Ejusdem legis emendationem aggreſſi ſunt alii viri doctrina eximii Grotius, Petitus, Seldenus & nuper Salmaſius: quorum obſervationes compendio contraxit Cl. Vinnius ad dictam Legem pag. 276. & quæ emendationes menti legis ipſi convenientiores videbantur, obſervavit, uti apud ipſum legere eſt. Ei quoque non ſit veriſimile, lege Rhodia naufragia omnia ſtatim & ſine dilatione fiſco vindicata fuiſſe, quo nihil poſſit excogitari crudelius. cum contra lex Rhodia, ut Legum nauticarum vetuſtiſſima, tantopere commendetur ob æquitatem à Strabone & aliis authoribus.

XI. Si ſubditi vel alii certam quantitatem mercium aut annonæ Principi mittere juſſi ſint, miſſæque naufragio absque poſſeſſorum culpa perierint, ad alia horum vice mittenda minimè obligantur l. 4. *C. de Naufrag.* & ibi *Peck.* quia ſemel munere ſuo functi ſunt, & de naufragio caſu factò

non tenentur ; nisi culpa eorum interve-
nerit. Ita judicatum à supremo Senatu
Mechliniensi , tum & Brabantino , testatur
Christinæus *decis. 66. n. 2. & Vinn. ad d.l.*
pag. 401.

XII. Si quis funem anchorarium data
præciderit opera , quo alligata erat navis,
quæ vi maris aut fluctuum abrepta in nau-
fragii malum inciderit , & aliquis homi-
num naufragio perierit , damni dati & ca-
pitis pœnæ obnoxius erit author , *secundum*
jus Sueticum cap. 5. & 9. de jure nautic. quia
causam mortis præbuit. *l. 15. D. ad leg. Corn.*
de Sicar.

XIII. Si conjuges & liberi naufragio ,
casu quodam fatali perierint , & incertum
sit, quis eorum prior extinctus sit , viri hæ-
redes viro, uxoris uxori succedent in bona
c. 6. Iur. Suet. de hered. Masculi tamen, ut
fortiores , diutius vixisse præsumuntur.
Conf. l. 9 l. 16. 17. 18. l. 22. 23. de reb. dub.
l. 17. §. 7. ad Sc. Treb. l. 26. de pact. dotat.
Carpzov. Iur. for. 3, 17, 10. Finkeltaus Obs.
Pract. 52.

XIV. Quod naufragio perit , hæredi
non legatorio perit, si modò legatarius cul-
pâ careat *l. 30. ad leg. Falcid.* Si tamen hæ-
res certum corpus legatario dare obligatus
sit , nec fecerit, quo minus ibi, ubi id esset,
traderet , si id postea sine culpa hæredis
casu

casu quondam perierit, deterior fit legatarii conditio *l. 26. §. 1. de legat. 1.* Si verò navis ususfructus al. cui legatus sit, quæ postea naufragio deperdita sit, nihilominus præteriti temporis fructus à die legati debentur legatario *arg. l. 12. §. 1. D. de usufr. & arg. l. 62. D. de rei vindic.* Sed si sub conditione *si navis salva redierit*, ususfructus legatus sit, existente conditione exister, deficiente conditione deficiet legatum *arg. l. 21. D. de usu & usufr.*

XV. In deposito naufragii causa, quod interpretes depositum miserabile & necessarium appellant, si fides violata sit, actio in duplum datur contra illum apud quem res deposita est aut hæredem ejus *l. 1. §. 1. D. depositi §. 17. 23. Inst. de Act.* Sed hac de re plura lib. 3 c. 2.

XVI. Procurrere ad prædam ex naufragio rapiendam, Petronio crudelitas dicitur in Satyric. in *l. 3. D. de Fer. atrox injuria* appellatur. in *l. 44. de adq. rer. dom.* & in *l. 43. de furt.* non solum rapina & furti, sed in *l. 7. D. de inc. ruin. naufr.* expressè latrocinii species habetur. Hinc etiam pœnam furti vel quadruplî in jure R. d. l. 44. *D. de adq. r. d. l. 1. 3. D. de inc. ruin. naufr. Nov. Leon. 64. & in LL. Visigothor. 7. 2. 18.* vel bonorum publicationem *l. 18. Cod. de furt.* aliamve pœnam extraordinariam aut graviolem

pro personarum & rerum conditione meretur l. 3 4. 7. *D. de inc. r. n. l. 1. §. 1. 2. ad leg. Jul. de vi priv.* imò ultimum supplicium l. 3. §. 4. *de Sicar.* & nonnullorum populorum statutis pœnam suspendii. Hic autem non solum edictorum severitate, sed etiam seria executione opus est. qua de re memoria dignum exstat factum & Constitutio Andronici Comneni Imp. (apud Nicetam Choniatem lib. 11. *Annal.*) ad quem quum querelæ de impunita naufragorum direptione delatæ essent, & aulæ procures hoc malum pro deplorato haberent, quod vetustate corroboratum medicinam respueret, ille respondit: *Nihil est quin ab Imperatoribus emendari queat: nec ullum peccatum est, quod vires eorum superet. Superiores autem Imperatores aut rem stultè sunt aggressi, aut se dolere injuriis simularunt: non enim inutilibus literis, sed ense coercere hoc malum debuissent: quod, pravos mores non corrigendo, confirmarunt.* Et cum dicto severam pœnam in naufragorum spoliatores statuit, addito etiam supplicii fulmine in negligentes executionem ejus.

XVII. Pium autem & humanum est, verè naufragorum, qui res suas amiserunt, & qui non culpa sua in hanc calamitatem inciderunt, nec eam mentiuntur, rationem habere *arg. l. 37. §. 1. D. de neg. gest. eorumq;*
sub-

sublevare fortunas vel ex publico, ut fecit Theodericus rex Gothorum, apud *Cassiodorum Var. Ep. 4. 7.* & remissione vectigalis *Graef. Iur. pub. 30, 11.* vel dilatione moratoria debiti, de qua *Carpzov. Iur. for. 4, 30. 46.* vel ex communi sodalitatum arca, qualis olim apud Græcos erat. *Casaub. in Character. Ethic. Theophrasti p. m. 199. seqq. Grot. in Luc. c. 6. p. m. 683.* & hodie in bene constitutis Rebus pub. esse solet. Si verò major quædam summa ab amicis corrogata eis suppeditetur. vel debiti remissio à creditoribus fiat, æquum est ipsos restituere, cum ad meliorem fortunam redierint; nisi animò donandi, nec repetendi facta sit. *l. 33. D. de reg. jur.*

CAP. VIII.

De Jure Portus, Portorii & Vectigalis.

- I. Portus descriptio.
- II. Ad portus instaurationem conferenda opera communes.
- III. Portum esse publicum, & inter Regalia referri.
- IV. Finis, usus & privilegia portus.
- V. Inquisitio navium. Litera conductus maritimi.

ritimi. Designatio mercium. Principalis praelationis ius.

VI. Portorium. Vectigal. quis illud instituere & quomodo possit.

VII. Pœna commissi. Eâ quoque hæc teneant.

VIII. Quæ naves sint immunes.

IX. Errore viæ, vi aut tempestate in alienum portum acti, tutum ibi receptum & egressum jure gentium habent.

X. Nisi sint hostes aut piratæ; quos ibi certo modo persequi licet etiam alieni territorii hominibus.

I. **P**ost Fluminum & Littorum jura nunc Ius Portus illis conjuncti se offert. Portus est conclusus locus, quo importantur merces & exportantur, l. 59. de verb. sign. Aliàs statio, quod ibi tuto naves stare possint l. 1. §. 13. D. de flum.

II. Ad portus instaurationem, quia publicæ utilitatis gratia fit, omnes subditi loci conferre operas debent l. 7. C. de oper. pub.

III. Portus intuitu fluminis quo ambitur, & vectigalis quod ex navium statione penditur, est publicus, & hodie Regalibus accensetur. §. 2. Inst. de rer. div. l. 4. §. 1. D. eod. c. un. quæ sint Regal.

IV. Portus, quæ publicus, non solum
mæ-

mercibus exonerandis infervit, sed ut naves
ibi tutum receptaculum habeant, & jure
debito ac securitate fruantur navigantes,
quatenus innocuum iter & stationem quæ-
runt. Hinc Portus & Navalia privilegio
pacis publicæ gaudent *arg. l. 1. §. stationem*
D. de flum. cap. 2. jur. Nautic. Sued. c. 1. §. 1.
de viol. jur. Reg. c. 14. de homic. vol. Et pro-
hiberi nemo libero ingressu aut egressu por-
tus jure gentium potest; nisi quem istius
loci dominus pro hoste habeat, aut me-
tuat ut hostium partibus studentem. Me-
garensium querela quondam justa visa fuit,
quod contra jus gentium & libertatem
Græciæ portu Athenienlium excluderen-
tur. *Diodor. Sicul. lib. 12. Plutarch. in Pericl.*
Cun. in causa postliminii p. 262. Nihil etiam
in littore aut ponte portui proximo fiet,
quo portus aut stationis usus impediatur
l. 1. D. de flum. arg. c. 19. de jure naut. Sued.
Quæcunque naves ex quolibet portu di-
missæ, nullam concussionem vel damnum
sustinebunt *l. un. Cod. de lit. & itin. custod.*

V. Hoc tamen juri portus debetur, &
Principis loci jurisdictioni, ut præfectus
portus inquireat, quæ navis & unde vene-
rit, quid vehat. *d. l. un. Cunen. in caus. postl.*
p. 279. Hoc est consentaneum ei juri, quod
portibus & rei maritimæ passim apud alias
nationes impositum est. Sic Aenea cum

classe sua in Evandri portum delato, Pallas
apud Maronem 8. AEneid.

Quò tenditis? inquit:

*Qui genus? unde domo? pacemne huc fertis:
an arma?*

Vt magister navis à sui loci magistratu literis commeatus ex more hodierno maritimo aut passus maritimi, ut vocant, epistolaque assertoria, vulgò *certificationem* appellant, instructus sit: vel inventario ac designatione mercium omnium navi impositarum in instrumento contractus nautici rite confecta (Gall. *lettres de charte partie*) ac professione speciali, quæ ex visitatione & excussione navis recta deprehendatur, & solutione iusti vectigalis impleatur. Causa est, ne magister navis aliud pro alio, aut sub alieno titulo profiteatur: ne quid illicitum invehat evehatve: ne quid occultet & supprimat: ne quid alienum, quod vectigal debet, suo, quod forte immune est, admisceat: atq; ut evitetur longa detentio, pœna publicationis bonorum aut commissi. quod pactis & juri diversorum populorum atque specialibus Vectigalis ordinationibus congruum est. Naves tamen immunes, & tam mercium ratione quam proprio jure ac privilegio exemptæ, non necesse habent istam mercium professionem apud publicanos, inquisitionem &

visi-

visitationem subire, quam aliæ naves vectigali oneratae subeunt. *Peck. in tit. Cod. de Navicular. & Vinn. ib. pag. 378.* nisi quod quorundam populorum pactis generalem certificationem publicano ostendunt. quomodo hoc cautum sit legibus pacis inter Regna Suediæ & Daniæ *vid. art. 5, 6. & seqq. Pacific. Sueo-Dan.* Nonnullis quoque populorum institutis jus prælationis Princeps loci in mercibus in vectis vi Regalium in portum habet, ut, quod ipsi placet ex mercibus, pro justo pretio emat eligatque præ aliis. velut in jure Sued. *c. 1. de jur. naut. c. 33. de jur. merc.* cautum est. Huc respexit Chytræus in *Chron. Saxon. part. 2. p. m. 211.* ubi de Gustavo I. & Lubec. agit: *Naves ac merces in vectas ac evehendas primum Regis ministris inspiciendas præbere; ac si quid Regi ex mercibus emere aut retinere libeat, jus ἐν πρῶτῳ ipsi concedere cogit.* Idem veteri jure Novæg. *c. 9. de jur. merc.* constitutum fuit.

VI. A portu dicitur Portorium, pecunia quæ Fisco vel Reipub. penditur ex mercibus aut venalitiis quæ huic oneri subjacent. *Cujac. ad tit. Cod. de Vectig. & comm.* Vectigal autem appellatur à vectura, vel invectione & evectione mercium, quod solvi debet non solum pro nudo transitu, sed etiam pro fide & securitate pub. & onere tuendæ navigationis adversus vim & piratas,

tas, & juvandæ per ignes nocturnos ac brevium signa, pro expositione & venditione mercium? *Prem. init. Tract. de Secur. promiss. & Fide pub. p. m. 14. Grot. de jur. bell. e. p. 2, 3, 14. Camden. Hist. Angl. pag. 842.* (Huc etiam referas quam vocant *palorum pecuniam*, de qua in *privil. Amst. p. 28. 29. & in Statut. Dantisc. p. 1. art. 22.*) Vestigal autem instituire est summi imperii *l. 10. D. de publican. l. 2. 3. C. Vestig. nov. 1.* aut quibus hoc concedit suprema potestas; aut quibus tempore memoriam hominum excedente adquisitum est. Hoc non privatæ, sed publicæ, non alienæ sed suæ potestatis ac moderationis pro status pub. conditione Principes esse volunt. *Camdenus p. 3. Hist. Elisab. pag. 351. Principes vestigalia quæ semel intenderunt, vix unquam relaxant; qui hujusmodi Regalia (ut vocant) ad cujusque regni jus & libertatem spectare, nec externæ moderationi subiacere judicant.* Extra necessitatem tamen & utilitatem pub. non augeri, respectumque ad merces habere, leges pacti & modum causæ non excedere fas est. *l. 7, 8, 13. C. de Vestig. Grot. de jur. bell. & pac. 2, 2, 14. Sixtin. de Regal. 2, 6, 45. & 47. seqq.* Sed nec illicitè ac per vim extorqueri debet *l. 6. §. 5. D. de publican. & vest.*

VII. Si quis non professus fuerit omnes
mer-

merces, pro quibus vestigial debetur, in commissum cadunt aut Fisco cedunt occultatæ vel *inscriptæ*, ut veteres loquebantur, id est non scriptæ. Lucilius lib XXVII. Satyr. apud Nonium: *Facit idem quod illi qui inscriptum è portu exportant clandestinum, ne portorium dent.* Item si vetitæ merces advehantur, vel cum illis ad hostile solum navigetur, eadem in commissum cadunt *l. 2. Cod. quæ res exp. non deb.* Pœna verò commissi etiam hæredes defraudantis tenet, si modò vivo eo qui deliquit, quæstio mota sit, & sententia declaratoria subsequuta, qua declaretur illud crimen fuisse commissum *l. 8. l. 14. l. 16. §. 13. de publican. Sixtin. d. loc. n. 171.*

VIII. Naves tamen à vestigiali immunes hîc excipiuntur. quæ immunitas mutuis inter vicinos aut confœderatos pactis institui, vel pro rerum & temporum ratione tolli potest. *Vid. art. 1. 2. seqq. & art. 18. Pacific Sueo-Danic. de anno MDCXLV.* Sed & errore viæ, vi tempestatis, metu piratarum aut aliorum hostium probabili, aut reparationis causa naves ex necessitate in portum actæ vel relatæ, pro non soluto vestigiali, commissio non vindicantur *l. 15. l. 16. §. 8. D. de publican.* nisi quod quarundam gentium instituto pecuniæ aliquid pro tuta statione præstari solet, quam vulgò
Vocant

vocant *pecuniam anchorariam*. vid. art. 12. *Pacific. Sueo Dan.* Merces quoque quas semel in isto portu exonerare ceperunt, ibidem vendere quorundam populorum moribus necesse habent.

IX. Aliàs jactatæ naves mari & expulsæ errore itineris, vi aut tempestate in alienum portum, velut ad alienum præsidium cōfugientes, ibi ex communi gentium jure fidam stationem habere liberèque recedere solent. Hoc jus gentium intuctur Virgilius IV. Georg.

Deprensus olim statio tutissima nautæ.

Et Latinus apud eundem VII. AEncid. sic invitat socios AEnææ :

Sive errore via, seu tempestatibus acti

(Qualia multa mari nauta patiuntur in alto)

Fluminis intrastus ripas, portuque sedetis.

Ne fugite hospitium.

In fœdere pacis & commerciorum inter Henr. VII. Reg. Angl. & Philippum Ducem Burgund. etiam hoc pactum est percussum, ut naves vi aut tempestate in alterius portum depulsæ tutum ibi receptum, liberumque inde egressum haberent c. 21. *dicti fœd.* Libertatem sanè commerciorum & navigationis tollit, & ingentia naturæ munera in injuriam vertit, qui publicam securitatem in portu denegat his, quos illuc longæ navigationis languor, aut tempestatum

vis

vis ex alto appulit. Cum hos in alienam fidem confugere, & ei se ac sua committere necessitas extrema & miserabilis casus adigit, prope est ut hi in eadem causa esse videantur, qui periculi vitandi causa, hoc est naufragii, ruinæ, tumultus gratia res suas apud aliquem deponunt; uti Cunnæus in causa postliminii p. m. 262, 263. eruditè dis-
ferit. vid. & inf. lib. 2. c. 4. n. 6. & seqq.

X. Si verò sint hostiles vel piraticæ na-
ves, aut pro his habeantur, illis accessum
denegari nihil est mirum. unde socii AENEÆ
pelago jactati, tutumq; accessum à Didone
petentes ajunt apud Maronem 1. AEn.

*Non nos aut ferro Libycos populare penates
Venimus, aut raptas ad littora vertere
prædas.*

*Quassatam ventis liceat subducere classem,
Et silvis aptare trabes, & stringere remos.*

Lesbios unicè laudat Pompejus, quod uxori, sibi-
que licet jam à Cæsare victo & pro-
fugo liberum tamen accessum & recessum
dederint, apud Lucanum lib. VII. v. 144.
& seqq. cum hoc voto:

*Da similes Lesbo populos, qui Marte subacti,
Non intrare suos infesto Cæsare portus,
Non exire vetent.*

Quin & hostilium navium continuam per-
secutionem & in eas excursionem in alie-
no freto vel portu excusandam putant, si
per-

periculum sit in mora. Fit enim hoc vim hostis nobis imminentem à finibus nostris propulsandi, non alieni aut vicini territorii fines violandi animo. Et jus ac necessitas defensionis nullum limitem seu terminum agnoscere, omnique injuria carere videtur. *Besold. de jur. territ. c. 3. n. 4.* Sic Trumpius clas- sis Holl. præfectus anno MDCXXXIX. feliciter occurrit classi hostili Hispanorum in portu Duinensi Britannorum, licet illis contradicentibus & prohibentibus; quod potest quisque in suo territorio.

C A P. IX.

De jure piscandi.

- I. Ius piscandi omnibus commune esse primo jure natura, gentium & divino.*
- II. Quod postea inter Regalia relatum, unà cum fructibus ejus.*
- III. Iure Regalium & legibus piscationum non posse tolli omnem piscandi libertatem.*
- IV. Libertatem piscandi in alieno mari aut freto exteris quoque certo modo concedi posse ab illo qui imperium in illud habet.*
- V. Ius piscandi subditis & privatis quatenus competat.*
- VI. Quatenus heredibus competat.*
- VII. Per*

VII. Per piscationem non impediendum esse navigationis usum.

I. **S**ed & hoc Portus beneficium est, ut jus piscandi in eo sit commune; nec in portu solum, sed etiam in fluminibus publicis & mari: quia portus & flumina publica sunt, mare autem commune est. idque primævo jure naturæ, & gentium §.2. *Inst. de rer. div. l. 5. §. 1. D. eod.* quod in jure divino fundatum est *Gen. 1. v. 28. Gen. 9. v. 2.*

II. Verum hoc non simpliciter est naturale, sed in mari nullius ditioni subiecto; atque si in certis locis non aliter lege aut moribus cautum sit: quos observari debere jus ipsum naturæ dicat. Lex enim civilis etsi nihil potest contra jus naturæ permittere aut prohibere, potest tamen libertatem naturalem circumscribere, & vetare quod naturaliter licebat. *Grot. de jur. bell. & pac. lib. 2. cap. 2. §. 5. & cap. 3. §. 8. 9. seqq. & cap. 8. §. 5.* Et Cujacius lib. 4. Obs. c. 2. ait: *Mores ubique jus gentium passim subegerunt, adeo ut ne in flumine quidem publico piscari liceat.* Ex quo enim Principes imperium in aquas ipsorum territorio subiectas sibi vendicant, promiscuæ piscandi libertati fibulam quandam lege sua imposuerunt. Inde factum est, ut piscationes in mari aut flu-

flumine pub. tandem inter Regalia referrentur *c. un. Qua sint Regal.* quæ longâ consuetudine ex tacita civium conventionione firmata sunt : ita ut hodie non amplius de jure quærendo, sed quæsito tuendo disceptetur. *Graef Iur. pub c. 40. n. 3.* Hinc lacus piscatorii in censum domini deferri dicuntur in *l. 4. §. 6. D. de censib.* Et jus piscandi cum Feudo à superioribus conferri *Sixtin. de Regal. 2, 18, 30.* vel aliis ex venia concedi *c. 29. §. 1. de jur. edif. L. L. prov. Suet.* aut alio justo titulo in alium transferri vel piscatio publicè locari pro certis redditibus aut exactionibus Fisco inferendis potest. exceptis tamē quæ hamo capiuntur. Hamorum enim usus in quacunque civitate receptus, in aquis publicis ab omni exactione liber est. *Graef. d. loc. n. 3.* Sic jure Regalium Suetiæ Reges habent suas decimas ex piscationibus publicis, aut alios proventus ex locatione vel concessione piscationum in mari aut fluminibus publicis hujus regni, suosque peculiare tractus aut ductus piscationum, quos *Alveos Regios* aut *Venas Regias* sua lingua vocant. *vid. Recess. Holm. de anno 1643. art. ult.* Sic Regibus Lusitaniæ præter alios maritimos redditus cedunt quoque balænae ejectæ. *Georg. de Cabedo discif. Lusit. par. 2. dec. 48.*

III. Eodem jure Regalium Princeps certum

certum piscandi modum præscribere subditis suis ex usu publico & consensu potest. Ad conservationem enim eorum quæ juris quidem gentium sunt, absque gentium tamen læsione reipub. bono conducunt. Princeps leges proposito suo convenientes ferre potest, uti in halecum captura Ordines Hollandiæ fecerunt, notante *Græfio dicto cap. n. 4.* & alii Principes ac Respublicæ in aliorum piscium captura possunt. Istæ tamen leges omnem piscandi libertatem subditis penitus adimere, omniaque fisco vendicare non possunt, certè non debent. quod Domitianus & ministri ejus tentabant. quo nomine Juvenalis eos urbano sale tangit sat. IV. ubi de rhombo in mari Hadriaco capto, & à piscatore Principi destinato loquitur :

Quis enim proponere talem

*Aut emere auderet ? cum plena & littora
multo*

*Delatore forent : dispersi protinus algæ
Inquisitores agerent cum remige nudo,
Non dubitaturi fugitivum dicere piscem,
Depastumque diu vivaria Cesari, inde
Elapsum, veterem ad dominum deberere-
verti,*

*Si quid Palphurio, si credimus Armillato,
Quidquid conspicuum est pulcrumque ex
aquoque toto,*

Res

*Res fisci est ubicunque natat. donabitur ergo,
Ne pereat.*

Vide colorem ac ingenium calumniæ, quæ fingit rhombum Imperatoris vivario aut piscinæ inclusum, in dominio ejus fuisse, ideoque inde elapsum occupantis fieri non posse, sed domino suo restituendum esse, ubicunque deprehensus recognoscatur. Palfutius autem & Armillatus speciosiori palpo omnia Principis fisco attribuant, quæcunque alicujus pretii in mari reperiuntur. Huc referas illud Ambrosii, quo invehitur in tales Principes Hexaemer. lib.V. cap.XXX. *Piscium jura sicut vernaculorum conditione sibi servitii subjecta commemorant.* Sint priores in mari finibus suis circumscripto aut flumine pub. piscandi partes Principi, sint ipsi magni inde fructus, & sua Regalia. non tamen omnia in Fiscum trahere potest. hoc enim ipsius naturæ beneficio prorsus repugnaret, quæ non Principis solum sed cæterorum quoque hominum causâ pisces comparavit (vid. l.28. §.1. *D. de usur.*) igitur illis quoque partem eorum lubens concedet, quæ natura non invidet aut denegat ceteris hominibus. Seneca lib.IV. de benefic. cap.V. *Animalia omnis generis, alia in sicco solidoque, alia in humido innascentia, alia per sublimem dimissa: ut omnis rerum natura pars tributum*

butum aliquod nobis conferret. Hujus naturalis tributi partem bonus Princeps, incolumi suo jure & piscationum fructu, cæteris haud invitus permittere solet. Seneca lib. VII. de benefic. cap. V. *Sub optimo Rege omnia Rex imperio possidet, singuli dominio.* quæ nimirum justo dominio adquiri possunt. Et cap. VI. *Cæsar omnia habet: fiscus ejus privata tantum ac sua. & universa in imperio ejus sunt, in patrimonio propria.* Absque tamen venia pub. præfectique portus Regii directione piscatio in publico non est permessa, *jure portus Suedico Caroli octavi, art. 14. & 25.*

IV. Quin si exteris ex pacto, vel precario, aut iudulgentia Principis, aut pro certo vectigali piscatura, in freto aut mari ejus ditioni subjecto, velut pastio in agro compascuo ad certum ac determinatum modum concedi potest, atque constituto tempore renovari solet; quidni idem concedatur indigenis? Exteris autem dicto modo concedi posse, statuit Leo Imp. Novel. 56. in fin. *Sicut terrenis locis præter voluntatem domini ex alieno fructus percipere nemini conceditur; sed si quis fructus ex alieno colligit, eos vel benignitate domini percipiat, vel pro loci usu vectigal solvat necesse est. Sic etiam maritimis oris observari præcipimus.* Idem testantur hujus facti exempla. Selde-

nus lib. 2. Mar. claus. cap. 20. pag. 437. *Ex fœderibus cum vicinis Principibus initis toties ejusmodi libertas ita utrinque fuit indulta, ut constante fœdere, velut ager compascuus tam federato utenti quam Anglo domino mare deserviret.* Sic Hollandis jus piscandi haleces in mari Britannico concessum esse constat ex fœdere pacis ac mutui commercii, quod initum est Londini anno MCCCCLIX. inter Henricum VII. Regem Angliæ, & Philippum Archiducem Austriæ, Ducem Burgund. Hollandiæ Comitem; & integrum exstat in Apologia Boxhornii pro Navigat. Holland. inprimis cap. 14. *Iisdem, ut & Anglis aliquando in Scania, Norvegia idem à Regibus Daniæ ac Norveg. indultum esse, ex Annalibus constat. vid. Pontan. lib. 1. Discuss. Histor. c. 21.* Quod autem Grotius lib. V. Mar. lib. p. m. 53. vult *exteris jus piscandi ubique immune esse debere, ne servitus imponatur mari, quod servire non potest (l. 13. comm. præd.)* hoc quidem ita esse oportet, si nudum jus naturæ & gentium ubique sequeremur; & lege vel pacto non aliud constitueretur ab eo, qui imperium in suæ terræ undas sibi arrogat, quâ ratione motus Grotius postea diversum sentit in lib. II. de jur. belli & pac. cap. II. §. V. *De feris, inquit, piscibus, avibus illud notandum est, qui imperium habet in terras &*
aquas

aquas, ejus lege posse impediri aliquos, ne feras, pisces, aves capere, & capiendo acquirere eis liceat: atque hac lege teneri etiam ceteros. Ratio est, quia ad gubernationem populi moraliter necessarium est, ut qui ei vel ad tempus se admiscant, quod fit intrando territorium, ii conformes se reddant ejus populi institutis. Nec obstat, quod saepe in jure Romano legimus, jure natura aut gentium liberum esse, talia animalia venari, (aut capere) hoc enim verum est quamdiu lex civilis nulla intercedit, sicut lex Romana res multas relinquebat in illo primævo statu, de quibus alie gentes aliud constituerunt. In fœdere Regum Galliæ & Angliæ pactum initum, piscaturam utriusque subditos liberè exercere posse toto mari, quod hinc portu Scardeburgensi & Southamtoniensi, illinc Flandriæ extremo & Sequaniæ fluvii ostio terminetur. Tempus item ab autumno intra Januariam, quæ sequerentur, Kalendas coerceri. Ecce limites tum loci, tum temporis piscaturæ positi, uti notat Seldenus in Mari clauso, dicto sup. loco. Modum ergo Principes hic suis & exteris vel ex conventionem, vel vi imperii in suum fretum præscribere queunt.

V. In fluvio autem alicujus privato proprioque ipsi solum domino, non aliis absq; furti crimine piscari licet: is enim ad

privatum non publicum aut communem
 usum ac dominium pertinet *l. 13. in fin.*
l. 14. D. de injur. c. 25. Iuris Suis Bygn. ll.
c. 29. Cius. ll. 9. Et. nisi specialiter tale quid
alii concessum sit à domino; aut nisi usus
amnis pluribus vicinis pro portione adja-
centium prædiorum communis sit. Vid.
Oetinger lib. 1. de jure & contrav. limit. c. 12.
n. 29 & d. c. 25. Bygn. c. 16. 17. Biderbo
Pl. 14. HL. Quamvis verò pisces passim va-
 gantes ludentesque in stagnis, videantur in
 naturali sua libertate versari, atque sic oc-
 cupanti cedere; quod etiam volebat Ner-
 va IC. & solos pisces inclusos piscinæ à
 nobis possideri dicebat in *l. 3. §. 14. D. de ad-*
quir. vel amitt. possess. attamen nostro seculo
 rectius contraria opinio prævaluit, ut pis-
 ces etiam stagnis inclusi à nobis possidean-
 tur & in dominio nostro sint. quippe pis-
 ces non minus stagno privato includuntur,
 quam piscina: nec alio hæc differunt, quam
 quod altera angustior, altera laxior custo-
 dia est. *Grot. de jur. bell. c. p. lib. 2. c. 8. §. 2.*
 Quid? quod termini piscationis limitibus
 distinguere possunt, ut in jure Suetici. *c. 6.*
Bygn. ll. Vid. *Oetinger lib. 2. cap. 3. de jure &*
contravers. limit. ubi verò nulli sunt limites,
 per vices aut pro rata piscari moris est, si
 sit usus amnis pluribus communis qui pro-
 pe ripam prædia possident. *arg. l. 31. §. uno*
ff. de

ff. de neg. gest. & per superiora, init. h. §. Nec adeò ad rem facit, quod pisces non dicantur esse fundi, secundum juris subtilitatem *l. 1 §. D. de act. emt.* fundi enim propriè esse dicitur, quod terræ affixum est, & terra se tenet *l. 17. eod.* satis est quod in piscina & stagno nostro sunt, ejusque tanquam accessio & fructus. Vnde piscatio etiam ad fructuarium pertinet *l. 9. §. 5. D. de usufr.* nisi inundatio longior eam impederit: quod tamen alluvio decedens restituere potest. *l. 23. quib. mod. usufr. am.* Sed & quasi possessionem juris piscandi in diverticulo maris aut fluminis publici sibi privatus longi temporis usu (inprimis qui memoriam hominum excedit) adquirere potest, & alium eodem jure uti prohibere. *l. 7. D. de divers. temp. præscr. l. 45. D. de usurpat.* nisi desinens uti, ante legitimum præscriptionis tempus jus suum amiserit. Si verò maris proprium jus, id est exigua maris portio in privatum fundum, ad exemplum villæ Luculli aliorumque, admissa sit (ut explicat Grot. d. lib. 2, 3, 10.) vel diverticulum maris ad aliquem pertineat, & ille animum possidendi non interrupto plurium annorum usu testatus sit, & tamen prohibeatur jus suum usurpare, interdictum uti possidetis ei competere Paulus dixit: quia ad privatam non publicam

causam hæc res pertinet, & de jure fruendi agitur *l. 14. D. de injur.* quod juri naturæ convenire Grotius dicto loco confirmat. Extra diverticulum verò maris idem juris non erit, ne communis usus impediatur. Ante ædes igitur meas aut prætorium ad mare situm ut piscari aliquem prohibeam, usurpatum quidem est, tametsi nullo jure; adco ut Vlpianus, si quis prohibeatur, injuriarum agi posse dicat *l. 13. §. 7. D. de injur. Grot. Mar. lib. c. 5. p. m. 48.* In lacu tamen qui mei dominii est, utique piscari aliquem prohibere possum. *in fin. l. 13. de injur.* nihil remorante, quod pisces dum in lacu sunt, in naturali sua laxitate versari videantur. *Cujac. lib. 4. obs. c. 2.* lacus enim meus est, ergo & proventus fructusque ejus. *per sup. notata.* Si quis duorum maritimorum fundorum dominus unum vendat, alterum retineat, eique hanc legem vel conditionem det, ne ab emtore contra eum in certo maris loco certarum specierum piscatio exerceatur; quamvis mari quod natura omnibus patet, servitus privata lege imponi nequeat; quia tamen bona fides legem contractus servari exposcit, persona possidentis & in ejus locum succedentis per hanc venditionis legem obligatur. *l. venditor fundi D. comm. prad.* idque naturali æquitati consentaneum est. quod
etiam

etiam in territorio & lege populorum posse locum habere, notat *Grotius cap. 5. Mar. lib.*

VI. Pisces custodiæ causa piscinæ immisos rebus hæreditariis annumerari, & ad possessoris defuncti hæredes pertinere, extra dubium est, per *l. 15. ff. de act. emt. & l. 3. §. 14 ff. de adq. posses.* Sed si pisces multiplicationis causa in stagnum sint coniecti, cedere hæredibus defuncti possessoris aut vasalli eo tempore, quo stagnum mōx est piscabile, Pragmatici notant: fructus enim de proximo recolligendos pro recollectis haberi. *Carpzov. Iur. for. 3, 32, 26.* At si tempus mortis magis est propinquum tempori immisionis piscium in stagnum quam piscationi, tunc pisces unā cum fundo ad novum possessorem pertinent. *Idem d. loc. def. 27.*

VII. Cuicumque verò vel in mari aut flumine publico, vel eorum diverticulo piscari fas & jus est, ita piscabitur, ne per id usus navigationis impediatur. *l. 1. & tototit. D. Ne quid in flum. pub.* Theodericus Rex Gothorum apud Cassiodorum lib. V. Var. Ep. XX. *Comperimus quosdam sepibus cursum fluminis, quantum ad navigandi studium pertineat, incidisse. quod volumus modis omnibus amputare. nec tale aliquid permit-
tatis quenkum ulira presumere, sed invio-*
lato

lati alvei tractus navium relinquatur excur-
sibus. Scimus enim retibus non sepibus esse
piscandum.

CAP. X.

De Jure Stapulæ.

- I. An jus Stapulæ stringat liberum commer-
ciorum & navigationis usum.
- II. Stapulæ & Geranii etymon.
- III. Quid sit jus Stapulæ.
- IV. Unde ortum ducat, quis ejus finis.
- V. Distinguendum à Nundinis. pendet à jure
emporii.
- VI. VII. VIII. IX. X. Quibus modis ad-
quiratur & usurpetur.
- XI. Negociationum libertati non posse præ-
judicare in universum, & mercibus non
expressis Stapulæ jus.
- XII. Excipitur casus necessitatis & annona
caritatis.
- XIII. Obligati ad exponendas certo loco mer-
ces, novas elusiones non quaerent.

I. SED nonne Ius Stapulæ liberum navi-
gationis & commerciorum cursum
sistere aut ei præjudicare videtur, dum certo
loco merces sistit ac moratur? Hoc disqui-

rere operæ est. Sed ordine progrediemur; dum hoc argumentum excuti dignum tractamus: deque ejus origine & naturâ paulò accuratius agemus.

II. Stapula non à *stabulando*, ut nonnulli volunt, dicta est, quasi certis locis merces stabulentur, sed à voce mercatoribus nostratibus usitata *Stapel* appellatur, quod velut in gradus erectionem & coactionem rerum, imprimis mercium signat. Inde alia cognata nomina deducta sunt, ut *Stapa*, quod veteribus Saxonibus forum fuit, & *Staplum* pro tribunali. Cl. Salmasius cap V. Observat. ad Ius Atticum & Rom. Ἀγορὰ παρέχειν dicuntur, qui omnia quorum vita indiget ad victum suppeditant. *Stapam* vulgò dicimus ex antiquo Saxonico *Stapen*/quod forum Latinè expositum in vetustissimo Lexico Latino Saxonico olim videre memini apud Marquardum Freherum Heidelbergæ. Inde facere *stapam*, vulgò dicimus, quod Græcis erat ἀγορὰ παρέχειν, Latinè *commeatum præbere*. Itaque *Stapa* est à *Stapel* quod in foro in acervum essent erectæ & cumulatae hujusmodi res quæ ad annonam vel commeatum spectabant. Et *Staplum* Regis pro tribunali accipitur in Legibus Ripuariorum tit. 33. §. 1. tit. 65. §. 5. tit. 75. ita dictum à Germ. *Stap* vel *Stafel grad*, quod ad illud tribunal, suggestu

gestu quodam erectum, gradibus adscenderetur. inde Svedicum quoque *flöestapul* / *turris*, vel locus campanis destinatus, deductum, & *Stapulstäder* / civitates quæ jure stapulæ gaudent. *Stapula* *jus* alio quoque nomine *jus Geranii* nuncupatur. quid hic esset Geranium, primò dubitavi. Sed ubi penitus vocem excussi, notionem ejus deprehendisse visus sum. Vt enim *Stapel* est vetus vox Gotho-Teutonica, ita hanc quoque esse puto, dictam vulgò *Krane* / quæ signat Saxonibus & Belgis *gruem*, ut & machinam illam tractoriam, quam aliàs rotam aut *tympanum versatile* mechanici vocant, quo circumacto in exoneratione navis sustolluntur & in terram demittuntur vasta onera & graves ac ponderosæ merces. quod à Vitruvio lib. X. de Architectura cap. IV. & à Philandro in Notis ad dictum locum Vitruvii ita describitur: *Tympanum quod Græci etiam μέγρον appellant, est rota ambitus magni generis, cujus circumacta, calcantibus hominibus affixas pro gradibus regulas, axis fune obvolvitur, atque ita onera extolluntur, aut sublata deprimuntur.* Ejusdem meminit Lucretius lib. IV.

Multaque per trochleas, & tympana pondere magno

Commovet, atque levi sustollit machina visu.

Huic

Huic machinæ tractoriæ *gruis* nomen inditum est à formæ quadam similitudine, quod *axem* quasi *rostrum gruis* protendit. *rostrum* verò *gruis* Græcis est *ραγνίον*, inde *geranium* Lat. Est ergo *jus Geranii* per metonymiam idem quod *jus exonerationis*, quæ inter cetera fit etiam illâ machinâ tractoriâ. Huc referas illud Lehmanni in Chronico Spir. lib. 4 c. 22. p. m. 363. Die ander eygenschafft oder gerechtigkeit der Staffel ist von alters gewesen/ vnd noch/ nemlich Kauffhaus/ Krane / Schiffer vnd Rärcher / desgleichen/ Kauffhaus Obhern / Krantenmeister &c. Hoc *jus Geranii*, vel *exonerationis* Germani aliàs vocant *Niederlage*.

III. *Ius Stapulæ* est potestas sistendi in suo foro restringendique merces, speciali emporii beneficio certis civitatibus competentis. Boxhornius in Theatro Hollandiæ, ubi de Dordrecht loquitur, ita describit: *Est Stapulæ jus quo potestas conceditur aliunde in vectis mercibus quasi manum iniiciendi, ab instituto cursu retrahendi, ac denique ita sistendi, ut non prius, quam publico foro diuenditæ ibi fuerint, alio transferantur.*

IV. Est hoc *jus* vetus, cum crescente mercatura introductum, priscisque Græcis dudum usurpatum, ut inf. h. cap. §. IX. indicabo. Inprimis in illis locis institutum, ubi commoditate situs, maris & fluminis pub.

beneficio jus emporii exerceri potuit. Facit jus Stapulæ ad urbium & commerciorum incrementum, ad copiam annonæ & mercium, ad subsidia reipub. opesque parandas. Scopus ejus præcipuus est utilitas reip. aut peculiarium civitatum: ne exteri promiscua rerum necessariarum coemtione indigenarum commerciis incommodent; sed ut ipsi hujus rei quæstum ad se & ad suum forum transferant.

V. Non tamen jus Stapulæ cum Nundinis, quæ statis temporibus celebrantur, est confundendum: cum multæ civitates jus mercatus generalis ac nundinarum habeant, quæ tamen jus Stapulæ non habent; nisi & hoc peculiariter sibi concessum probare possint. unde in definitione juris Stapulæ dixi, *specialis emporii beneficio competere*. Pendet enim jus Stapulæ à jure emporii. Et qui jus emporii, id est jus de exponendis mercibus habet, transeuntes merces ad suum portum & forum trahere potest. Chytræus Saxon. Hist. p. 1. ad annum MDXI. *Vladislaus emporii veteris jura tunc Vratislavia innovavit, ne quis Polonus aut Germanus negociandi causa Vratislaviam præteriret, sed utraque gens Vratislavia merces suas deponere ac vendere cogeretur.*

VI. Illud autem jus emporii non privata autoritate, nec aliquo prætextu juris
aut

aut onerum præstationis in mari, sed certis & legitimis modis adquiri potest & debet: nimirum ex privilegiis superioris qui jura majestatis habet; vel ex præscriptione memoriam hominum excedente, vel ex lege pactisque liberarum civitatum aut rerum pub.

VII. Rex aut Princeps qui nullum superiorem agnoscit (etiamsi forte alterius majestatem comiter observet) Stapulæ jus haud dubiè concedere potest: cum habeat auctoritatem condendæ legis, aut contra eam ex usu pub. dispensandi. *l. ult. Cod. de Legib. Besold. in Thesaur. Pract. in v. Stapselgerechtigkeit.* Si tamen privilegium ex falsa relatione ac importunitate petentis vel obreptitiè in fraudem alterius à Principe impetratum sit, impetranti non præstesse, nec aliis obesse æquius est. *l. 3. C. qui legit. p. f. i. i. h. l. 5. C. si contra jus vel ut p. Edict. Thenderici Regis Gothor. c. 129.* Et quamvis Principis sit æstimare, quem modum sui beneficii esse velit *l. 191 de reg. jur.* non tamen præsumitur alteri jus quæsitum privilegio velle auferre: ne ex beneficio fiat injuria *l. 6. Cod. unde vi. Elb. Leonin. consil. 67. n. 3.* Moris enim non est, beneficia ad alienam injuriam porrigi *l. 4. Cod. de emanc. lib.*

VIII. Insuper antiqua consuetudine &

usu, vel longa præscriptione juris emporii
 stipulæque possessionem vel quasi firmari
 constat. Eam tamen continuam, nec inter-
 ruptam esse oportet: nec ut ei per contra-
 riam observationem vel usum, protestatio-
 nem & interpellationem legitimam sit con-
 traventum *arg. l. 1. 2. Cod. de præscr. long.
 temp. Aretin. consil. 11. n. 4.* Cumprimis
 hic locum habet præscriptio memoriam
 hominum excedens, quæ vim privilegii &
 instar legis habet. *arg. l. 2. D. de aq. & aq.
 pl. Klock de Contribut. cap. 1. n. 27 2.*

IX. Sed & liberæ Respublicæ ac Civita-
 tes, quæ jus imperii habent, de certis mer-
 cibus non aliò quam in suum emporium
 importandis pacisci possunt, aut legem
 condere. Talem Atheniensium legem refert
 Demosthenes in orat. contra Phormio-
 nem, *quæ extremum illi supplicium minita-
 tur, qui Athenis habitans aliò quopiam fru-
 mentum voverit, quam in Atticum merca-
 tum. εἴ τις οἰκῶν Ἀθηνῶν, ἄλλοθὶ πού τινη-
 γήσῃεν, ἢ εἰς τὸ Ἀττικὸν ἐμπόριον.*

X. Ab illis verò, quibus licet, hoc jus ita
 usurpabitur, ut ultra licitum non exten-
 datur, & ut in certis ac specialibus consti-
 tuatur mercibus, & ad certa restringatur
 loca: ne una respub. civitas aut provincia
 monopolium orbis, aut plurium urbium
 & provinciarum (contra *l. un. Cod. de mo-
 nopol.*)

nopol.) exercere velle videatur: neu quod toti corpori debetur, partis alicujus ex privato arbitrio fiat. id enim directè pugnet contra pub. utilitatem & communem societatem: quod ne quidem permisso Imperatoris licet. *d. l. un. C. de monopol. l. 6. Cod. si contra jus vel util. p.* (monopolii tamen limitationem vid. apud Grotium de jur. b. e. p. 2, 12. 16.) Tum & pro mercibus destinato loco exponendis æquum, non nimium exigatur portorium. Pro iisdem in vendendo & emendo justum exigatur & solvatur pretium, non quantum illicita conventionē pactum sit *d. l. un.* quæ est injuria, reparatione digna. *Grot. d. loc.* Sed & invehentes, bonæ notæ merces adferant: quæ in nonnullis locis ab inspectoribus recognosci, & improbæ rejici solent. *Lehman d. Chr. Spir. Limnaus lib. 2. Iur. pub. c. 9. n. 32.*

XI. Licet ergo negociatio & navigatio libera sit in mari & fluminibus publicis navigabilibus, hoc tamen salvo jure Stapulæ intelligi volunt. *vid. Leonin. d. consil. Lindem. in Exeges. de jure protimis. th. 26.* Et quamvis nemo cogi possit, ut hoc vel illo loco exponat merces suas *Mynsing. cons. 19. n. 3.* & contra cogentem mandata sine clausula, ut vocant, decerni obtinerique possint *Sixtin. de Regal. lib. 2. c. 3. n. 40. 41.*

extra territorium enim suum jus dicenti impune non paretur *l. 20. D. de jurisdict. l. 1. §. 1. D. quod quisque jur. & quod juris gentium ac publicè utile est, privatorum pactis mutari nequit l. 38. D. de pact.* attamen Princeps vi imperii in suas terras & portus cogere potest etiam peregrinos in ipsius terris mercatores, ne ad quosvis & vetitos, sed licitos portus naves suas appellant ibique negociantur. *vid. Ordinatio Gustavi Magni de Mercat. art. 1. & diplomata de civit. Stapul.* Et quibus civitatibus hoc privilegium concessum est, ne quis eas prætervehatur aut præternaviget cum certis mercibus, sed ibi merces suas venum exponat, illæ jus & facultatem restringendi merces ad suum portum, etiam invitis dominis mercium, habent. *Beſold. in Theſaur. Pract. d. loc. Mev. in Iur. Lub. lib. 3. tit. 6. art. 7. n. 7 8. 9. 10.* Quod quamvis durum esse & libertati commerciorum præjudicare, alienoque juri derogare videatur; aliud tamen sentiendum erit, si civitas hoc speciale beneficium à Principe rite impetrarit *l. 2. §. si quis à Principe D. ne quid in loco pub. Fab. in Reg. Iur. 191. p. m. 755.* Peregrini quoque in aliquo loco versantes, negociantes & contrahentes, tanquam subditi temporarii, legibus & juri istius loci subjiciuntur. *Grot. de jure b. e. p. 2. 11. 5.*

Illā

Illa tamen pecuniaria jura & beneficia libertati navigandi in totum, aut mercium privilegio non expressarum, arbitrariae evectioni frenum injicere nequeunt. nisi extrema necessitas aliud in singulari casu facere compellat.

XII. Necessitas enim exempta legi in gravi annonæ penuria non solum prohibere potest evectionem frumenti domestici, sed etiam, si hoc non suppetat aut sufficiat, Magistratus in mari navigantes adigere potest, ut in civitates annonæ penuriâ laborantes advehant frumentum ibique pro justo pretio vendant; etiamsi ejus in privilegio de jure Stipulæ mentio facta non sit *l. 1. 2. Cod. ut nem. lic. in emt spec. se exc* Ita Byzantini in pari casu naves frumentarias Atticorum ad se divertit & frumentum venum exponere compulerunt, ut notat Aristoteles 2. *Oeconom. vid. & c. 31. Jur. Suet. de proces. cur.* Cessante tamen necessitate hoc onus relaxandum est, cum non sit perpetuum, sed stante solum necessitate duret. Aliàs negociatores & navicularii domestici, qui annonæ ultrò serviunt, immunitate quadam gaudent in *l. l. R. l. 5. §. 3. 4. 5. 6. D. de jure immun. nec detineri ullo modo, nec exactionem ullam pati debent. l. 1. Cod. de Navicular. & in eam Peck. & Vinn.*

XIII. Qui

XIII. Qui verò ad jus Stapulæ adstringuntur, illis non integrum est, ad hoc declinandum novas vias aut elusiones quærere: ne per indirectum sequantur, quod directò vetitum est. *Nicol. Everard jun. consil. 9. n. 82.* Qui plura de hac materia deliderant, conferre possunt, quæ de controversiis Iuris Stapulæ in Albi inter Reges Daniæ, Duces Holsatiæ & Hamburgenses non semel agitatis Thuanus & Chytræus in suis Historiis posteritati tradiderunt; ut & Acta istarum controversiarum utrinque publicè edita. Item Vbbonem Emmium in descriptione Groningæ pag. 45. 46. seqq. ubi de Groningensium & agricolarum controversia Iuris Stapulæ prolixè agit; & alios qui hanc materiam ex professo tractant. etsi mihi paucos videre contigit.

JOH. LOCCENII
DE JURE MARITIMO
ET NAVALI.
LIBER SECVNDVS.

CAPUT I.
De Navigationis
Securitate.

- I. Continuatio propositi ordinis.
- II. De maris & navigationis incommodis & periculis.
- III. Istorum incommodorum metu non esse faciendam navigationem: cum etiam terrestre iter habeat sua incommoda & pericula.
- IV. Periculorum maritimorum remedia, divina & humana.
- V. Divina quæ.
- VI. Humana triplicia.
- VII. Ratione maris, fluminum & portus.
- VIII. Ratione domini mercium & vectorum.
- IX. Ratione magistri navis & nautarum.
- X. Alia quedam specialia remedia & munimenta adversus hostes & predones maris, procellæ & naufragii periculum, in sequentia capita remittuntur.

I. Post-

I. **P**ostquam navi fabricatæ & instructæ maris viam quasi aperuimus, & jure navigari ostendimus, nunc quibus modis etiam tuta navigatio præstari possit, exponemus.

II. Quamvis autem magna sint maris & navigationis commoda, magna tamen quoque pericula, incommoda & mala circumstant navigantes, metuenda ex procellis, syrtibus, cæcis & latentibus scopulis, hostibus, piratis, aliisque adversis: quæ à Plinio libr. II. Nat. Hist. cap. XLVI. & procem. lib. XIV. & alibi, Propertio lib. II. eleg. VI. & aliis luculenter descripta sunt.

III. Veruntamen ob adversa non aver-
sanda est navigatio: quum ne quidem in
terrâ desint mala, quæ bona comitantur;
ob quæ tamen bona non fugimus. Agri-
cola quidam fertur aliquando ex nauta
quæsisisse, ubi parens ejus & avus mortem
oppetiissent; respondit nauta: vel in navi,
vel in mari. Agricola, Cur ergo, inquit,
tu navem & mare non reformidas & vi-
tas? Nauta reponens, interrogavit rusti-
cum, ubi ejus majores obiissent, respondit
rusticus: Domi & in lecto; cur ergo, in-
quit nauta, domum & lectum non horres
ac refugis? Sic enim se res habet, tam ter-
ra, quam mari curæ, pericula ac metus se
socios

foeios addunt vel invitis. Pulcrè Flaccus
lib. II. Od. XIII.

*Quid quique vitet, nunquam homini satis
Cautum est in horas. navita Bosphorum
Pænis perhorrescit, neque ultra
Cæca timet aliunde fata.*

Idem lib. II. Od. XVI.

*Scandit aratas vitiosa naves
Cura, necturmas equitum relinquit
Ocyor cernis, & agente nimbor
Ocyor Euro.*

Idem repetit lib. III. Od. I. Nonne in terra
iter facientes sæpe quasi terrestre quoque
naufragium faciunt? dum gravi tempestate
suborta in locis solis ac sterilibus, aut in-
fidis arenis in æstate, aut acri hieme, & in
viis superatu difficilibus ipsis nivibus ob-
ruuntur. Nonne quod in mari piratæ, hoc
in terrâ latrones faciunt? præterquam quod
bonorum jacturam modò in bello, modò
incendio, modò alio casu facimus. Petro-
nius Satyrico: *Non sola mortalibus maria
hanc fidem præstant. Illum bellantem arma
decipiunt: illum diis vota reddentem penatum
suorum ruina sepelit: ille vehiculo lapsus pro-
perantem spiritum excussit. cibus avidum
strangulavit, abstinentem frugalitas. Si bene
calculum ponas, ubique naufragium est.* Verè
ergo Hesiodus lib. I. oper. & diet.

*πλείη μὲν γὰρ γαῖα κακῶν, πλείη δὲ θάλασσα.
Plena*

*Plena est terra malis, & plenum est aquor
iisdem.*

IV. Vt tamen ista navigationis incommoda vel evitentur, vel minus infesta ac periculosa sint, adversus ea certis se præsidiiis munire licet: quæ possunt esse divina & humana.

IV. Præsidia divina, & quidem potissima, sunt Dei providentia & cura, ubique tam in mari quam terra præsens. Quum adquisitio rerum ex commodis maris vel navigatio inter benedictionis divinæ partes referatur *Gen. 49. v. 13. Deut. 33. v. 19. vid. & sup. lib. 1. c. 1.* & navis *benedictum lignum* appelletur *Sap. 14. v. 7.* non est dubitandum, quin si navigationem rectè instituentes se Deo commendent, Deus illos tanquam in viâ sua ambulantes servaturus sit. *vid. Psal. 107. v. 23. & seqq. v. 28, 29. Sap. 14. v. 3, 4, 5, 6.* Aut si illis in mari pericundum sit, seria delictorum poenitudine ducti, & Christi merito nixi, Deo animas suas commendent: atque sic in vocatione sua beatè decedent. Si autem fluctibus obruto non contingat sepultura, non adco interest, periturum corpus terra an fluctus consumant;

Cælo tegitur, qui non habet urnam.

Etiam si verò fiat esca piscium corpus, nihilominus æquè particeps erit resurrectionis

nis mortuorum & cœlestis gloriæ in Christo Salvatore decedens, atque alterius corpus in terrâ putrescens, vermiumque cibus. de quo divina testimonia omni exceptione majora habemus: *Servat omnia ossa ejus; unum ex illis non frangitur.* Psal. 34. v. 21. Et Apocal. 20. v. 13. *Reddidit mare mortuos, quos habebat.*

VI. Post divina præsidia sunt humana, quæ hominum ingenio atque industria parari possunt; vel contemplatione maris, fluminum, & portuum; vel domini mercium & vectorum; vel magistri navis & nautarum intuitu considerata.

VII. Contemplatione maris, fluminum & portus præsidia humana ita se pensitanda obferunt: Vt impedimenta maris & fluminum tollantur, & omne id prohibeatur, quo deterior navigatio reddi possit. de quo in *tit. Dig. de Flum. & Ne quid in flum. pub.* Vt flumina, ubi commodè fieri potest, purgentur, retentur & profundiora reddantur, illorum jussu & autoritate, quorum ea de re potestas est. Ne saburra navium in mare aut flumen exoneretur, in fraudem & detrimentum profundi, sed aliò avehatur. quod etiam *jure naut. Hanseatic. art. 39.* cautum est. Vt non solum phari, speculæ & ignes nocturni, ad indicandum portum tutumque accessum, aliaque brevium

vium signa excitentur, sed etiam vasa grandia ad fundum lapidibus & catenis defixa, & supra undas eminentia certis intervallis disponantur: unde profunditas maris exploretur, pulvini, syrtes ac vada evitentur, & ad istorum vasorum metas cursus innoxius dirigatur. E re quoque est, prohiberi naves istis vasibus alligari, ne loco transmoveantur. Iste autem modus vasa in flumine prominentia habendi (quod in transcurso notandum) non semper arguit dominium in mari aut flumine publico: cum etiam ab illis qui dominium tale sibi non vendicant, usurpari soleat in securitatem navigationis, & libertatem commerciorum illis in tali loco concessam. Ne navibus periculum sit à balenis, ubicunque illis mare est infestum, remedium fertur navigantibus, castoreum dilutum aqua & in mare effusum. Hoc tanquam aconito petitus grex balenarum, totus repente dissipatur & in profundum fertur; uti testatur Zieglerus in Schondiaë descriptione p. m. 485. Magistratus & præsides provinciæ præcaveant, ne piscatores noctu lumine ostenso fallant navigantes, quasi in portum aliquem delaturi, eoque modo in periculum naves & qui in eo sunt deducant *l. 10. D. de inc. ruin. naufr.* Utile quoque est, ut qui præcedunt & vela laxant, ignem in summâ
navi

navi habeant, ad evitandum incursionis periculum; & navis prætoria, quoties opus est, plura luminum insignia præferat. qua de re in Cap. seq. Ut fragmenta navium aut alia signa isthic, ubi perierunt naves, intacta relinquantur: quibus exitiosa navigantibus loca significantur; quod Regis Arabiæ edicto olim cautum memorat Diodorus Siculus lib. III. Biblioth. Hist. Si non adsit portus naturalis aut satis commodus, ita arte extruendus est, ut expeditum ac tutum præstet navigantibus accessum. quo nomine laudatur Trajanus Imp. in Arcu ipsius honori Anconæ in portu erecto, uti est in Inscriptionibus Gruteri CCXLVII. 6. his verbis:

IMP. CÆSARI. DIVI.
NERVÆ. F. NERVÆ.
TRAJANO. OPTIMO. AUG.
GERM. DACICO. PONT.
MAX. TR. POT. XVII. IMP.
VIII. COS. VI. PP. PROVI-
DENTISSIMO. PRINCIPI.
SENATUS. P. Q. R. QUOD.
ACCESSUM. ITALIÆ. HOC.
ETIAM ADDITO. EX. PE-
CUNIA. SUA. PORTU. TU-
TIO-

TIOREM. NAVIGATIONEM. REDDIDERIT.

Portus etiam ita exstruendus est, ut naves in eo ad anchoras stantes tueatur ab tempestatibus: ne sit

Statio male fida tarinis;

neve fiat, quod Propertius ait 2, 28.

Cum saepe in portu fracta carina natet.

Modum verò exstruendi tutum portum accuratè describit Vitruvius lib. V. de Architectura cap. XII. Aggeres contra vim aquarum exstruantur, littora & ripæ muniantur: ut isthic commeantibus hominibus & adjacentibus oppidis ac urbibus periculum absit. cuius operis famâ in veteri lapide laudantur M. Aurelius Antoninus, & M. Aurelius Alexander *Inscript. Grut. CLXIII. Conf. tit. D. de rip. mun. & tit. Cod. de alluv.* In portubus & ostiis fluminum disponantur stationes & excubiæ: ut hostium aut piratarum ingressus aut exitus prohibeatur; aliave navium pericula & insidiæ avertantur. Ita Dido apud Maronem 1. *Æn.* laboravit

fines custode tueri;

& apud Lucanum lib. IX. Ptolomæus rex Ægypti in suis littoribus speculatores constituit. Lucanus d. lib. v. 472.

Iam

*Iam rapido speculator eques per littora
cursu,*

*Hospitum adventu pavidam compleverat
aulam.*

Solent etiam apud nonnullas gentes nava-
lia & stationes, in quibus classes, & vires
nauticæ adservantur, curiosis populi & pe-
regrinorum oculis, ut olim apud Rhodios
(teste Strabone) occlusæ esse: ne res ad ho-
stem aliosque, qui eas ignorare debent, te-
merè dimanent.

VIII. Dominus mercium operam dabit,
ut fidum ac peritum navis magistrum, na-
vemque probè fabricatam & armatam eli-
gat, cui merces suas committat. Ex mo-
nito Hesiodi exiguas naves laudet, sed ma-
gnas oneret; non solum lucri causa, sed
ut merces magis in tuto sint. Non tamen
omnem suam substantiam navi imponet,
sed plura domi relinquet. Nec omnes mer-
ces aut pecuniam uni navi credere sapien-
tis est, sed per plures naves dividere præ-
stat: ut, si una pereat, reliquæ in salvo sint,
secundum illud in Gnomologia Gruteri:

Tua omnia uni nunquam navi credito.

Quod desumptum ex illo Comici in Adelph.
a. 2. sc. 2. *Potius quam venias in periculum
servesne an perdas, totum dividuum face.* Ve-
ctores cum Antisthene, quantum possunt,
ea sibi viatica parent, quæ cum naufragio
simul

simul enatent. Si ignorantes in piratica nave vehendi sint, in tempore, si possint, inde c'ain discedant; aut si hoc non possint, satius est ipsos aurum, quod penes se habent, quam vitam perdere. Aristippus cum aliquando navigaret, accepissetque navem, in qua erat, piraticam esse, depromptum aurum numerabat, dein quasi imprudenti & invito lapsū ē manibus jactavit in mare; ingemuitque graviter. sic evasit vitæ periculum. postea dixit: *Præstat hoc ab Aristippo perdi, quam Aristippum propter illud.* Vectores nec per se nec per res suas impedimento sint aut remoræ laborantibus nautis, præsertim ubi imminet periculum. quieti silentium nautis sine certamine ad ministeria exequenda præstent; ut Scipio suos milites apud Livium monebat. *vid. quoque art. 18. Iur. marit. Caroli 9.*

IX. Magister navis, cui totius navis cura præcipuè mandata est, præ ceteris adhibere diligentiam & sollicitudinem tenetur rebus quibus præest. inde enim dicitur magister *l. 57. D. de V. S.* Tam sedulam curam navis & mercium in ea gerat oportet, quam diligens solet paterfamilias rerum suarum. Idem peritos rei nauticæ, fideles & industrios ministros conducatur; eos benè regat & curet. Ipse vigilans & sobrius navem ingrediatur, cave atque ne per suorum im-

pru-

prudentiam, fraudes & incuriam, aut per suam temulentiam & negligentiam occasio cuicunque periculo præbeatur. Ex avaritiâ navem non nimis oneret, ne onere ipso deprimatur. Quidque suo & comodo loco reponat; ut, ubi opus fuerit, in promptu sit; nec incommodet navi. Hesiodus lib. 2. op. & dier.

Φόρον δ' εὖ πάντα τίθει.

Bene onus quodcunque locato.

Columella lib. XII. de re rust. cap. 2. *Ubi tempestas incescit, & est rite disposita navis, suo quidque ordine locatum armamentum sine trepidatione minister promit, cum est à gubernatore postulatum.* Foros navis puros & liberos ab impedimentis habeant nautæ: ne hæc obstant laborantibus. Ne longius differant navigationem. comodo & minus periculoso tempore navigent: quale est æstivum, cujus beneficio ventorum acerbitas mitigatur. Tempore verò hyemis navigatio sæpe periculosa, semper incerta est, ut dicitur in l. 6. Cod. de offic. rect. prov. Germanicus Cæsar in Phænom.

Hiems portu fugienda peritis.

Confer Hesiodum 2. op. & dier. inprimis Vegetium rei milit. lib. 3. cap. 9. de comodo & incommodo navigationis tempore. Si socii itineris Apostoli Pauli, hîc ejus consilium sequuti essent, in tantum

F

maris

maris discrimen non venissent *Act cap. 27.*
 Ignota maris aut fluminis majoris loca,
 vel aggestione arenæ vel latentibus saxis
 infesta, ne quis temerè naviget absque du-
 ctore & fundi exploratore. *vid. Polyb. lib. 4.*
Hist. p. m. 309. Præfagia tempestatum fi-
 deliter observet, ut malum, quod minan-
 tur, in tempore, quantum potest, præca-
 veat ac prævertat. Synesius de insomn.
ἀρτίκμιστα πλεῖ. Inconsideratè navigat, nulla
signa observans. Serenitati cœli & tran-
 quillitati maris ne nimis fidat: eodem die,
 quo luserunt naves, sorberi possunt. *Lucre-*
tius lib. 2.

Infidi maris insidias viresque dolumque

Vt vitare velint; neve ullo tempore credant,

Subdola cum ridet placidi pellacia ponti.

Ad pixidem nauticam, tabulas hydrogra-
 phicas & brevium signa cursum rite diri-
 gant gubernatores, aliaque sedulò faciant
 nautæ, ad quæ ex fide officii obligantur: ut
 post Dei opem, navem salvam in portu
 sistant. Naufragio autem imminente, mi-
 seris vectoribus scaphâ excipiendis cito suc-
 currant: ut prius periculo subducant ho-
 mines, deinde bona, quæ possunt. quo
 nomine ipsis peculiare industriæ præmium
 debetur.

X. Alia specialia subsidia, ac munimenta
 adversus hostes & prædones maris, tem-
 pestatum

pestatum & naufragii periculum sunt Societas navalis bellica, piratarum persecutio, jus postliminii, assicuratio, ut vocant aliaque hujusmodi. quæ cum diffusio- rem contineant materiam, in sequentibus Capitulis ordine tractabuntur.

C A P. II.

De Societate navali bellica,
vel Admiralitate,
ut aliàs vocant.

- I. Societas navalis, vulgò Admiralitas. hujus etymon.*
- II. Antiquitas, & causa Societatis navalis.*
- III. Conductio navium Admiralitatis ad usum belli, vel defensionem adversus hostem.*
- IV. Collegium Ammiralitatis.*
- V. Ad quid obligentur socii clasfis.*
- VI. De ordine internavigandum, & pugna navali strictim.*
- VII. De detrimento & commodo communi pro rata.*

I. Societas navalis vel bellica vel pacata est. Bellica est, coitio plurium navium armatarum ad vim piratarum & hostium propulsandam, si occurrat. Græcis

dicitur *σύμπλοια*, vel *ὁμῶπλοια*, quod conjunctim una classe navigetur. Hodie vulgò dicitur *Admiralitas* ab *Admiralis* vel *Thalassiarcha* aut maris præfecto, qui præest Collegio Ammiralitatis vel Societatis navalis. *Admiralis* verò vel *Amiralis* nomen ab Aarabico *emir*, seu *amira*, quod *dominum* vel *præfectum* signat, deducendum putant. *vid. Voss. de vit. serm. 2, 2.*

II. Est antiqua hujusmodi Societas navalis, non heri aut hodie primum inventa. Siquidem jam sua ætate Salomo rex Hebræorum Societatem quandam classicam cum Hiramio Rege Tyrionum inivit. Et dictio illa Græca *ὁμῶπλοια* indicio est, jam olim apud Græcos in usu fuisse. nec apud illos solum sed etiam Romanos. cujus rei locupletem testem Tullium habemus, qui lib. XVI. ep. I. ad Atticum ita scribit: *Dymæos agro pulsos, mare infestum habere nil mirum.* loqui cum de Dymæis piratis patet. Mox subjungit modum occurrendi illis: *In ὁμῶπλοία Eruti videatur aliquid præsidii esse.* Idem epist. 4. d. lib. *Hæc navigatio habet quasdam suspiciones periculi: itaque uti constituebant ὁμῶπλοία.* Ex his simul liquet, quænam causæ olim fuerint & adhuc sint hujusmodi Societatis navalis, nimirum ut adversus piratas, hostes aut alios invasores naves negotiatorum tutetur illisque securitatem

ritatem viæ præstet; vel etiam rempub aut portus defendat. idcirco tot armare naves solent, quot opus esse vident vel magistratus loci, vel privati mercatores, auctoritate tamen vel permissu magistratus: inde hæc *Societas bellica* nuncupatur *Grot. de jur. bell. e. p. 2, 12, 4.* à qua differt *Societas navalis pacata*, de qua inf. §. VII. & lib. III. cap. VI.

III. Aliquando naves à Collegio Ammiralitatis conducere solent extranei bellum navale gerentes, & sibi adungere ad firmandum vires, ac defensionem adversus hostes; & quidem suis sumtibus ac conventa mercede, quam jura permittunt *arg. l. 9. §. 1. D. quod met. caus.*

IV. Collegium verò Ammiralitatis, quale etiam in hoc Regno luculenter constitutum est, auctoritate publicâ tractat negotia, quæ ad classem publicæ extructionem, armaturam & expeditionem spectant; una cum Navalium & portuum munitione & conservatione. Habet idem suum forum ac tribunal peculiare, quo res ad justitiam & disciplinam navalem facientes devolvuntur.

V. A collegio Societatis navalis emissi navium socii obligantur vel patriæ suæ, vel communi causæ ad fidam & stabilem conjunctionem, auxilium & defensionem tam

munitarum quam non munitarum navium, siue hoste, siue pirata, aut alio fatali casu ac periculo ingruente; idque ex fide juramenti & conscientiae suae. Separantes se à Societate classis bellicae ante tempus, aut in ipso rerum discrimine, vel arbitrariam, vel corporalem poenam pro delicti conditione, ex vigore disciplinae militaris subire solent.

VI. Quomodo verò ordines inter navigandum à prætoria & proprætoria navi, reliquaque classe sint observandi, qua ratione peculiari vexilli erectione aut velorum adductione, aut tormenti explosione, aut nocturno insigni plurium luminum, quando imminet hostis, vel ignota classis, vel tempestas oritur aut nebula, signum ad præcavendum periculum dari debeat, & quæ alia huc spectant, hæc certis articulis exprimi solent, quales etiam in Archivo Admiralitatis hujus regni adservantur. *vide quoque edicta Ordinum Holland. anno 1644. edita, quæ sua lingua Placcaten vocant tom. 1. pag. 323. & seqq. & 429. 430.* Item quomodo in pugna navali acies instruenda sit, venti commodum hosti intercipiendum aut inutile reddendum, hostiles naves adoriendæ, aut insidiis circumveniendæ, præda cautè agenda, aliaque hujusmodi ad artem aut disciplinam militiæ navalis spectantia,

stantia, aliis ex professo hæc tractantibus, ipsique experientiæ relinquo.

VII. Quamvis in societate navium pacata vel negociatoria, ubi confertur pecunia cum pecunia, lucrum & damnum sit commune, tamen hoc non ita observatur in societate navali bellica, sed legibus & pactis differt. In societate navali adversus piratas utilitas communis est ipsa defensio, interdum & præda pro rata. Moris etiam est æstimari naves & merces in illis, atque ex his summam confici: ut damna quæ eveniunt, & vulneratorum impendia ferantur à dominis navium & mercium, pro parte quam habent singuli in ea summa. quod juri naturæ consentaneum est. *Grot. de jur. bell. e. p. 2, 12, 25. arg. LL. Wisigothor. lib. V. tit. 5, c. 5. Ordin. de Admiral. in constit. & privil. Amsterod. p. 450. Edicta Ordin. Holl. tom. 1. pag. 323.*

C A P. III.

De Piratis.

- I. *Piratas esse publicos hostes, quatenus à privatis invadi possint, aut aliis superiorem agnoscentibus.*
- II. *Persecutio piratarum in alieno territorio quousque licita.*

- III. Capti ab illis retinent suam libertatem. Non debent esse pignori redimentibus eos à piratis. quod cum limitatione accipitur.*
- IV. Num Magistratus loci ex damno. à piratis dato teneatur.*
- V. Contrahens cum pradone in quantum obligetur.*
- VI. Num piratis fides publica debeatur. num illis jurata fides servanda sit.*
- VII. Inter pradones communi dividendo iudicium locum non habere. Rapta ab illis bona ubicunque reperta, vindicari posse.*
- IX. Pena piratarum, & receptatorum.*

I. **C**VM in præcedenti Capite dictum sit, societatem navalem adversus piratas coiri, de Piratis quæ in jure occurrunt & nostri sunt instituti, in hunc locum rejicere placuit. Licet autem olim rudi seculo & inter barbaros prædari, virtutis militaris ab otiosis exercendæ materia quædam, & maris gloria sit habita, tamen scimus prædones maris ipso jure diffidatos esse, ut loquuntur, i. e. quibus feida vel bellum indictum est, *Vinn. ad Peck. de LL. Nautic. p. 370.* quia sunt publicæ fidei & juris gentium violatores, & tanquam hostes publici, ob insignem illam malitiam quam exercent in mari in deprædandis alienis

alienis navibus , & tollenda libertate navigationis & commerciorum. Vnde etiam à privatis invadi possunt & apprehendi propria autoritate. *vid. Jus Suetic. c. 42. de viol. jur. Reg. L L. prov. c. 24. jur. civit.* salvâ tamen Magistratui loci jurisdictione criminali , & instructione de modo persequendi piratas. Ita Cæsar privatus adhuc piratas , à quibus captus fuerat , classe tumultuaria persecutus est , ipsorumque naves partim in fugam conjecit , partim merfit ; & cum Proconsul neglexisset in eos animadvertere , ipse in mare reversus eos cruci suffixit. Sed hoc eo forte referri posse putat Grotius lib. 2. de jur. b. e. p. cap. 20. §. 8. ubi judicia nulla sunt , ut in mari. Satius tamen est navigantes instrui mandatis à publica potestate ad persequendos piratas , quoscunque in mari deprehenderint , & proximo judicio sisti : ut data occasione uti possint , non quasi ausu proprio , sed ut publicè jussi. *Grot. d. loc. §. 14.* Civitatibus tamen superiorem agnoscentibus jus persequendi piratas in fluminibus publicis illas alluentibus & puniendi à suprema potestate , tuendæ liberæ navigationis & commerciorum causa , concedi posse & concessum fuisse , experientiæ fide comprobatur.

II. Piratarum , quos Magistratus per suos in suo territorio cœpit persequi , con-

tinuare persecutionem potest etiam in alieno territorio, ibique eos comprehendere: ita tamen ut ibi iudicio fistantur, nec in propriam jurisdictionem, nisi cum istius loci Magistratus consensu, deducantur *l. 1. C. ubi quis de curiali c. 1. §. si iudex de pac. tem. Gail lib. 1. de Pace pub. c. 16. n. 25. seqq. Id c. 9. de Arrest. imp. n. 12. VVehner in Pract. observ. verb. Greybutter.*

III. A piratis capti, liberi manent, nec jure fiunt capientium servi *l. 19. §. 2. D. de captiv. & postl. rev.* Nec redemptus à piratis debet esse pignori redimenti eum. Liberi enim hominis obligatio non eo valet, ut jus pignoris in eo constituatur velut in his quæ quis de bonis suis obnoxia facit *l. 6. C. quæ res pign. ob. l. 12. C. de obl. & act.* In causam tamen pignoris detineri potest, donec solvat pretium; licet ista detentio eum in servitutem non detrudat *l. 3. §. 3. D. de hom. lib. ex h. l. 20. §. 1. qui test. f. p. l. 2. C. de postl. rev.* Itaque redemptus omninò obligatur aut datum pro se pretium redemptori, si potest, statim restituere, aut idoneè pro se cavere, aut, si ita velit redemptor, laboris obsequio vicem referre; incolumi tamen ipsius libertate & jure postliminii. *l. ult. C. de postlim.* Sed & unus pro uno aut pluribus captis ea conditione mitti potest, ut pecuniam pro se & reliquis adferat, & nisi redeat,

redeat, ut retenti pro eo solvant, in quem magistratus iudicium ubicunque conveniri poterit, *dabit l. 21. D. de neg. gesti.*

IV. Num ex piratarum in mari passim grassantium aut publicè in hostes emissorum facto, ob prædas in amicos, socios aut eos qui neutrarum sunt partium actas, Magistratus loci teneatur? est quæstio juris pub. aut gentium, & ventilatione digna. Certis modis eos vel extra bellum vel in bello teneri certum est, quidquid etiam coloris vel excusationis hîc quidam obtendant; si nimirum non fecerint, quæ jure gentium debent, nec adhibuerint, quæ possunt, ad eos prohibendos. Cum Romani (apud Polybium lib. 2.) per Legatos de injuriis Illyriorum apud Reginam eorum Teutam expostulassent, & piraticam in Italos ab illis exercitam imposterum prohiberi desiderassent, responsum acceperunt à Regina, *cura sibi fore, ne qua Romano populo publicè ab Illyriis fieret injuria; ceterum ut impediatur, quo minus privatim quam potest quisque utilitatem è mari capiat, hoc verò Regibus nequaquam in more esse.* Verùm quid ex hoc Reginæ responso aliud colligas, quam eam suis etiam extra belli necessitatem prædandi licentiam concessisse? & hoc morem Regium scilicet vocat. Si rectius sentire voluisset, satis scire potuisset, hoc

verè Regium esse, quibuscunque possis
 benefacere, & non solum à suis, sed etiam
 peregrinis vim & injuriam prohibere, de-
 bitaque severitate plectere. qui verò scit &
 prohibere potest, nec prohibet, ipse quo-
 que in culpa est. Vnde Grotius ait de hoc
 facto lib. 2. de jur. b. e. p. c. 21. *Teuca Re-*
gina Illyriorum non accipitur excusatio, quod
diceret non à se, sed à subditis piraticam ex-
erceri: neque enim prohibebat. vid. & Alb.
 Gentil. lib. 1. de jur. bell. c. 21. *Injustitia*
esse, non solum si ipse inferas injuriam, sed
etiam si ab iis quibus infertur, non propulses,
si possis, Cicero 1. Offic. docet. Et 3. Off.
Sibi ut quisque malit, quod ad usum vite
pertinet, quam alteri adquirere, concessum esse
non repugnante natura. Illud verò naturam
non pati, ut aliorum spoliis nostras facultates
& opes augeamus. Neque verò hoc solum na-
tura, sed & legibus populorum ita constitu-
tum esse, ut non liceat sui commodi causa no-
cere alteri. Sed & si belli maritimi neces-
tas incumbat, præstat delectis domesticis,
aut militibus nauticis mercenariis, qui sub
duce & disciplina degant, aut sociorum
ope, quam colluvie pessimorum hominum
piratis adversus hostes uti, qui licentiam
spoliandi nacti, facile præscriptos mandati
fines excedunt: ut ne quidem amicis, aut
aliis, à quibus vel ipsi vel eorum patroni
 nun-

nunquam læsi sunt, parcant. quod ipsa re
compertum, cum quædam Vandalicæ ci-
vitates, aliis molitionibus ad liberandum
custodiaMargaretæ Regina Albertum Re-
gem quondam Suediæ frustra adhibitis, co-
ëgissent copias piratarum ad deprædandum
in mari Suedos, Danos & Norvegos, &
portus ipsis ad distrahendam prædam pa-
tefecissent, id non solum magnæ apud vi-
cinos invidiæ; sed & maximo iisdem aliis-
que detrimento fuit: dum effreni ista licen-
tia tandem in quosvis promiscuè navigan-
tes usi sunt piratæ. adeò ut necesse esset
vim illam una cum ipsis authoribus è mari
Balthico junctis regnorum & maritima-
rum civitatum viribus profligari. Ex ne-
glectu ergo tenentur magistratus, si, dum
pro onere tuendi maris vectigal accipiunt,
suas naves præfidiarias, & excursorias ad
explorandam maris securitatem, ad pur-
gandum illud à piratis in mari non habe-
ant; aut si ipsi piratas adversus hostes emise-
rint, ad coercendam eorum contra socios
& amicos licentiam non ea adhibeant, quæ
possunt ac debent remedia: quo nomine
damnati sunt olim ab Amphictyonibus Scy-
rii. Quæsitum aliquando ex factò est apud
Belgas, cum Ordines potestatem præda-
rum in mari ex hoste agendarum per co-
dicillos plurimisedidissent, & eorum non
nulli

„ nulli res amicorum rapuissent, desertaque
 „ patria mari vagarentur, ac ne revocati
 „ quidem domum redirent, an rectores
 „ eo nomine tenerentur: aut quod malo-
 „ rum hominum usi essent opera, aut quod
 „ cautionem non exigissent. Responsum
 „ est, eos in nihil amplius teneri, quam ut
 „ noxios, si reperiri possent, punirent aut
 „ dederent: præterea in bona raptorum jus
 „ reddi curarent. Nam ipsos injustæ præ-
 „ dationis causam non fuisse, nec quicquam
 „ de ea participasse: prohibuisse etiam le-
 „ gibus, ne amicis noceretur. Cautionem
 „ ut exigerent, nullo jure fuisse obligatos,
 „ cum possent etiam sine codicillis omni-
 „ bus subditis hostem spoliandi potestatem
 „ facere; quod & factum olim esset: neque
 „ talem permissionem causam esse cur da-
 „ mnum datum esset sociis, cum possent
 „ privati etiam sine permisso tali naves ar-
 „ mare & in mare progredi. Mali verò an
 „ futuri illi essent, provideri non potuif-
 „ se: neque verò vitari posse, quominus
 „ & malorum opera utamur, alioqui nul-
 „ lum colligi posse exercitum. Neque verò
 „ si quid milites aut terrestres, aut nautici
 „ contra imperium amicis nocuissent, re-
 „ ges teneri. quod Galliæ & Angliæ testi-
 „ moniis probatum. Ut verò sine culpa sua
 „ ex ministrorum facto quisquam teneatur,
 non

non esse juris gentium, ex quo dijudican-
da esset hæc controversia, sed juris civilis,
nec generalis, sed adversus nautas & alios
quosdam ex rationibus peculiaribus in-
troducitur. In hanc partem & his argu-
mentis à supremi auditorii iudicibus con-
tra Pomeranos quosdam pronuntiatum
est; ad exemplum rerum in causa non dispa-
ri ante duo secula judicatarum. *Grot. de
jur. bell. e. p. 2, 17, 20.* Sic, cum Gallicus
apud Reginam Angliæ Legatus conquestus
esset, Montgomerium Anglorum auxiliis
contra fœdus ad Rupellam navigationem
suscepisse: & Mercatores Anglos Rupella-
nis obsessis rem annonariam subministras-
se; respondit Regina, se fidem fœdere in-
terpositam sanctè servare & servaturam.
auxiliares illos piratas esse & extorres; in-
jussu suo solvisse; signa e mentira prætu-
lisse, atque ut in eos animadvertere-
tur, se peroptare; *apud Camdenum ad
annum 1573.* Si verò quorundam subdi-
torum piraticam exercentium ita perpetuum sit maleficium ac juri naturæ con-
trarium, ut, quod faciunt, credantur face-
re omninò magistratu suo improbante, &
in eos judicium postulari non possit, ab his
res recuperare & ultionem exposcere lice-
bit tanquam à deditis. At alios innocentes
eo nomine armis impetere, est contra
pacem.

pacem. *Grotius de jure belli & pacis* 3, 20, 32.

V. Si vecturas navium alienarum, quas prædo, tanquam putativus dominus, ut loquuntur, locavit aut exercuit, à conductore acceperit, aut eo nomine quid ei solutum sit, hoc quidem conductorem, qui cum eo bona fide contraxit, liberat; nisi sciens prædonem esse ei solverit, tunc enim ipsi domino obligatur. Si verò contrahens cum ipso domino vel ejus servo, prædoni solvat, non liberatur. *l. 55. D. de condict. indeb. arg. l. 88. D. de solut. & ad utramque legem Gothofr.* Item prædoni commodati & depositi actionem jure gentium competere statuit jus R. si dominus non appareat *l. 64. D. de judic. l. 16. commod. l. 1. §. 39. l. 31. §. 1. D. depos.*

VI. Sed dubium esse potest, num piratis jurata fides servanda sit: quia *pirata sublati commercii rumpunt fœdus generis humani*, ut de illis loquitur Florus 3, 6. Et ut Tullius 3. *Offic.* monet; *Pirata non est ex perduellium numero definitus, sed communis hostis omnium: cum eo fides esse non debet, nec jusjurandum commune.* Si quid ergo metu expresserint, repeti potest. Verum quidem est, non eam juris communionem cum pirata esse, quæ cum hoste est. unde fide publica frui indignus est, quam ipse violat.

Ab-

Absurdum est prædones securos esse, ait lex 13. de noxal. act. Hinc etiam piratæ jus legationis non habent, nisi illud fide data nanciscantur. Grot. de jur. b. e. p. 2, 18, 2. Paschal. Legati c. 12. Attamen si fidei datæ juramenti quoque religio accesserit, ea non solum hominem homini, sed ipsi Deo obligat: contra quem metus exceptio non est, ut contra hominem. Promissum ergo juratum in re permissa servandum est, vel ideò, quod affirmatio religiosa est, quæ nulla elusione temerari debet. Tullius d. lib. *quod affirmatè quasi Deo teste promiseris, id tenendum est*. Et in c. si vero 8. de jurejur. dicitur: *Non nos alicui dare materiam volumus veniendi contra proprium juramentum, ne autores perjurii videamur*. Anton. Fernand. in Theol. moral. p. 55. *Qui latroni (piratæ) minitanti mortem promisit cum juramento centum (quod facere secundum se nullum est peccatum) tenetur sub juramento promissum implere*. Sed adi Grotium hæc accuratè & fusè exsequentem in dè jure bell. & pac. lib. 2. c. 13. §. 15. & lib. 2. c. 17. §. 19. & lib. 3. c. 19. §. 2. 3. 4. 5.

VII. Utut prædones rapta æqualiter dividant, tamen inter eos communi dividundo judicium locum habere negatur in jure R. l. 7. §. 4. D. comm. div. nec si precario possideant, nec si clam: injusta enim

enim est possessio. precaria verò iusta quidem, sed quæ non pergat ad iudicii vigorem. Quin & bona piratarum naufraga impune subriperè permisit Frid. Imp. l. 18. *C. de furt.* ubi tamen auctoritatem & dispensationem superiorum intervenire satius est: ne alia pro aliis forte sutripiantur. Res autem à piratis raptæ, ubicunque repertæ vindicari possunt à vero domino. *vid. cap. seq. 4. §. 4.* aut si is, qui piratis iterum eripuit, probare possit, sibi ejus rei dominium iusto titulo ante adquisitum esse. Ei tamen qui suo sumtu possessionem rei alienæ adeptus est, tantum ex naturali æquitate est rependendum, quantum dominus ipse ad rem recuperandam libenter impensurus erat. Ipsa enim facti possessio, præsertim recuperatu difficilis, est aliquid æstimabile, & in hoc dominus post rem amissam censetur factus locupletior. *Grot. de jur. b. e. p. 2, 10, 9. & 3, 9, 16.* Quamvis hæc lege civili aut statutis populorum pactisque aliquantum varient. *Grot. d. loc. §. 17. & in Not.* ubi LL Hispanicas & Venetas in hanc rem ad testimonium citat. *vid. quoque Ius Lub. Lib. 6. t. 4. a. 2. & tit. 5.* Hujusmodi tamen leges non obstant exteris, quo minus res suas vindicent. Hoc etiam est utile institutum, ut piratis ad portum aliquem appellentibus non permittatur illic vendere
bona

bona spoliatorum, nec aliis emere, sed naves & bonis istis sub arctissimo & tuta custodia positis, reserventur rapta in utilitatem lætorum & aliorum quorum interest, illis restituenda, si sufficientibus documentis, vel in eorum defectu jurata assertione probent esse sua *vid. pact. commerc. inter Hen. R. Angl. & Philippum Burg. cap. 16.*

VIII. Piratæ capti & damnati, ultimo supplicio solent affici, eorumque bona publicari. quam *generalem consuetudinem* Pechius ad l. 10. D. de inc. r. n. n. 3. vocat. Nec aliud meruerunt publicæ fidei violatores, & innocentium sanguinis ac fortunarum prædones. Si tamen ita invaluerint, ut formidabiles se fecerint, rectè recipi ac defendi, pœnam quod attinet, censet Grotius de jur. b. e. p. 2, 21, 6. quia intersit humani generis, ut si aliter non possint, impunitatis fiducia à maleficiis devocentur. Sed aliud dicendum erit, si armis debellari possint vel ab illis, in quorum ditione grassantur; vel cum vicinorum Principum auxilio. Nec piratæ solum, sed & receptatores eorum capitis pœna obligantur. *arg. l. 3. §. 3. D. de inc. ruin. naufr. c. 42. de viol. jur. reg. LL. prov. Sued.* Pessimum enim genus hominum sunt receptatores, sine quibus diu nemo latere potest. Atque si apprehendere possint prædones istos, & tamen

tamen pecunia vel subreptorum parte ab illis accepta eos dimittant, meritò severiori pœna digni sunt *arg. l. 1. de recept. l. 1. C. de his qui latr. vel al. cr. r. o.* Quin & eonomine urbes aliaque loca bello impetita & expugnata constat. Iulitroum in Pomernia, olim piratarum quoque receptaculum, V Valdemarus rex Daniæ expugnavit & solo æquavit. Hamburgenses agri Haderleriani partem Septentrionalem, in qua Ritzebuttela arx, præfecti sedes, sita est, juxta Albis ostium, ante ducentos amplius annos, inferioris Saxonie Ducibus armis ea occasione extorserunt, quod piraticam facitantes isthic foverent; ut refert Vbbo Emmius lib. 2. rer. Frisic.

C A P. IV.

De jure postliminii navium.

I. Unde Postliminium dicatur.

II. Quid illud sit.

III. Num adhuc sit in usu.

IV. Quæ naves aut res non habeant jus postliminii.

V. Quæ habeant.

VI. VII. VIII. IX. X. Navis tempestate in communis amici portum acta, num habeat jus postliminii, si eam hosti cui ademta

De Iure Maritimo Lib. II. 141
adempta est, postea repetitum veniat à
communi amico.

XI. Num res in hostium navibus reperta, cen-
senda sint hostiles, & capientium fiant.
ut & res hostiles cum amicorum navibus.

I. **S**I verò naves nostræ ab hostibus aut
piratis captæ sint, num jus postliminii
habeant, è re est disquirere. Postliminium
ita dictum est quasi postilimen, *ἐπ'αύροδον*.
Scalig ad Festum in Postliminium; vel à post &
limine, quod sit reditus in pristinum limen
aut fines suos. Vnde eum qui ab hostibus
captus est, & in fines nostros postea per-
venit, postliminio reversum rectè dicimus.
§. 5. Inst. quib. mod. jus pat. pot. solv. &
Grot. de jur. b.e.p. lib. 3. c. 9. §. 1. 2. ubi de
vocis origine plura.

II. Postliminium ita describit Paulus IC.
in *l. 19. D. de capt. & post. rev.* Postlimi-
nium est jus amissæ rei recipiendæ ab ex-
traneo, & in pristinum statum restituendæ,
inter nos ac liberos populos regesque, mo-
ribus legibusque constitutum. Nam quod
bello amissimus, aut etiam citra bellum,
hoc si recuperemus, dicimur postliminio
recipere. Idque naturali æquitate intro-
ductum est, ut, qui per injuriam ab extra-
neis detinebatur, is ubi in fines suos rediis-
set, pristinum jus reciperet,

III. Et si

III. Etsi de mobilibus (inter quæ etiam refertur navis *l. 20. §. 4. D. quod vi aut clam*) generalis est regula, ut postliminio non redeant, sed in præda sint, tamen ab hac regula olim excepta fuisse quæ in bello usum habent: ut recuperandi spe homines ad ea alacriores redderentur *Grot. d. loc. §. 14.* Hujusmodi sunt naves longæ & onerariæ: non verò piscatoriæ, actuariæ & aliæ naves voluptatis causâ paratæ. *Cic. in Topic. AEl. Gallus apud Festum in Postliminium. Marcellus in l. 2. D. de captiv. e. p. r.* Salmasius tamen in observat. ad Ius Attic. & Rom. pag. 740. etiam lusorias naves, sed ad belli usum paratas hoc jus habere notat. Sed scire, refert, num illi d. jus postliminii, quale apud veteres erat, adhuc in usu sit. Equidem Grotius dicto loco §. 15. & 19. hoc jus hodie inter Christianos evanuisse notat, sublata ejus necessitate ob restitutam vim ejus cognationis quam natura inter homines esse voluit. Nisi quod locum habere possit, si res sit cum gente tam barbara, ut sine indictione belli aut justâ causâ omnes externos & res eorum hostiliter tractare pro jure habeat.

IV. Sed hodie naves ab hoste captæ, communi inter Christianos & Europæos populos, sive jure sive consuetudine, postliminio non recipiuntur, si hostis eas non

eadem die navali pugna iterum amiserit, sed per viginti quatuor horas in potestate victoris fuerint. Tunc enim verè captæ & proprii juris factæ censentur. *Grot. de jur. b. e. p. 3. 6, 3. Cunaus in causa postliminii p. m. 266. 267. 273. 274. Graef Iur. pub. c. 4. n. 25.* Ea quæ piratæ nobis eripuerunt, non opus habent postliminio: quia jus gentium illis non concedit, ut jus dominii mutare possint. *arg. l. 24. l. 27. D. de captiv. & post. r.* quo innixi Athenienses Halonesum quam ipsis prædones, prædonibus Philippus eripuerat, ut *redditam* à Philippo, non ut *donatam* volebant accipere. Sic emendandum apud Grotium in mea edit. de jur. b. e. p. 3, 9, 16. pro *redditas*, & *donatas*, ut facile liquet.

V. Si verò tales sint res, quæ aut se ipsas ingenio aut fuga aliave arte hosti subduxerint, aut virtute & vi militum nostrorum hostibus pulsas superatisve ereptæ iterum sint, aut ab hoste redemptæ, aut gratis dimissæ, si mox intra fines aut præsidia propria esse caperint, aut si ad regem socium amicumve devenerint, non solum quoad personas, sed etiam ex paritate rationis, quoad res captas postliminio idoneas, statim postliminio rediisse videntur *l. 5. §. 1. l. 12. 19. §. 3. l. 26. D. de capt. & postl. rev. Cunaus in causa postlim. p. m. 248. 249. & seqq.*

seqq. Idem p. 256. hoc commune jus gentium esse ait.

VI. Sed quid si navis mercibus onusta hosti jure belli adempta & occupata, adversis ventis aut tempestate per plures dies nullo hoste insequente provecta, in communis amici portum devenerit, num repetens jus postliminii habebit, vel num licebit repetenti eam navem cum mercibus in territorio communis amici recipere, an verò occupantis erit & manebit? Posteriorē sententiam, quæ juri gentium & consuetudini convenientior, præ priori amplectendam arbitramur. Illam cum solidis rationibus & prolixè defenderit Cl. Cunaus in peculiari Dissertatione de causa postliminii, pro Genuensibus contra Turcas, quanta possum brevitate contraham, & quod ad præsens institutum apprime faciat, cum nonnullis à me observatis hîc apponam. Rationes autem præcipuæ hæc sunt: qui vi tempestatis repulsus fines proprios attingere nequit, si cum præda ab hoste capta ad regem aut rempub. sociam aut amicum confugerit, apud eundem tutum receptum habebit. Ut enim victor intra propria præsidia tutus est, ita si amici fidem elegerit, & in ejus præsidia se & sua contulerit, etiam illic publico nomine tutus erit *arg. l. 19. §. 3. de capt. & postl. r.* Is verò cui res illæ jure belli

belli ademtæ sunt, frustra eas in communis amici territorio repetitum venit. quod enim bellifors occupanti dedit, in pacato loco apud communem amicum meritò sibi servabit; nisi aliter pactis conventum sit: ut quod alter bellantium ab altero captum in portum communis amici deduxerit, in eo postliminii jus sit. ut factum est in secundo fœdere quod inter Romanos & Carthaginienses ictum refert Polybius lib. 3. his verbis: *Si qui Carthaginiensium aliquos ceperint, quæcumq; fœdere scripto juncti sint Romani; qui tamen sub Romanorum imperio non erunt; hos in populi Romani portus ne deducunt.* Carthaginiensibus & eorum amicis par jus fore, ibidem additur.

VII. Qui verò nullo hujusmodi pacti vinculo obligatus ad communis amici, cui pax cum utraque parte est, portum pervenit, ex publica causa tutus est. Et serum est atque inutile, hostem tentare in alieno territorio vi suum alteri adimere; aut cum communi amico agere, ut sibi restituat. Nihil enim hostile aut violentum vel ipse molietur, vel alterum agitare intra suos fines contra alterum patietur, quem fide publica in portum suum admilit. Dux Carthaginiensium abstinuit manum à Scipione in Syphacis portu, apud Livium lib. 28. Nec Syphax quicquam alterutri, quod

G

captum

captum ante ab altero esset, ademisse & alteri restituisse dicitur. quippe hostilem actum ab extraneo exerceri in alieno portu & quidem communis amici, pugnat contra reverentiam, quæ portui alieno debetur, & communis amicitiae respectum. Amicum verò ab justo hoste captum alteri auferre, ut alteri adjiciat, quid aliud erit, quam effectum rerum extra territorium suum utiliter ab amico gestarum, in territorio suo rescindere & inutilem reddere: & uni nocere, ut alteri prosit? cum tamen utriusque partis amico jus utrique integrum relinquere fas sit. Et cum Princeps non solum tanquam publicus hic fidejussor sit, ut securè tutòque in ejus territorio vivatur, sed etiam violentiæ ultor adversus quoscunque, præstetque publicam apud se securitatem omnibus, non sinet fœderatorum alteri vim fieri ab altero: multo minus ipse alterius fœderati gratia vim faciet alteri: ne inde injuriarum occasio nascatur, unde remedia nascuntur *l. meminerint Cod. unde vi*. Et cum in portu communis amici utrique hosti tuta debeat esse statio, non videtur ea esse tuta, in qua alteri adimitur, quod jure belli in mari captum possidet. *Cun. d. loc. p. 258, 259, 260, 261.* ubi hoc firmat rebus judicatis Gallorum & Hollandorum, in paribus causis

sis, ex communi jure gentium & civili decis.

VIII. Sed adferuntur argumenta in contrariam sententiam. 1. ab hostibus capta non prius fieri capientium, quam intra præsidia deducta sint *l. postliminis §. 1. de captiv. Grot. de jur. bell. e. p. 3, 6, 3. & 3, 9, 16. Alb. Gentil. advocat. Hisp. lib. 1. c. 1. 2. 6. 7.* At respondetur, istam legem *postliminii* loqui solum de captis civibus eorumque servitute, secundum jus vetus recepta, non verò de cæteris rebus in bello captis, quæ jure gentium fiunt capientium per solam possessionis apprehensionem *l. § 1. de adq. rer. dom. l. 1. §. 1. de adq. vel. am. poss.* Nec obstat, quod Cunaus alibi non solum personas, sed & res captas ex paritate rationis huc refert. p. m. 249. Res enim tales intelligit, quæ *postliminio* recipi possint. quod non semel in suo Responso de causa *postlim.* adferit, p. 248. 249 250. quidquid verò clarissimi interpretes disputent de prædâ prius in præsidia deducendâ, quam fiat possidentis, aliud tamen consuetudine & moribus Europæorum hodie observatur, ut nimirum præda capientium fiat, & præsertim naves hostium, de quibus hic sermo est, si à victore per diem & noctem possessæ fuerint, ut sup. h. cap. §. IV. dictum est.

IX. Objicitur 2. quod exutus nave & mercibus hostis, tamen animum eas in continenti recuperandi retinuisse præsumatur: atque sic adhuc in possessione sit, si non quoad corpus, tamen affectionem *l. 3. §. 6. l. 8. D. de adq. vel amitt. poss.* Sed ad hoc reponitur: Si quis vi & armis possessione dejectus sit, is utique eam amisit *d. l. 3. §. 9.* Præterea si quis statim animo recuperandæ prædæ hostem insecutus sit, & ita fugientis vestigia presserit, ut is, ubi iterum de præda jam jamque dimicandum cernit, in portum regis amici se recipiat; eo casu conflictus perdurasse, & animus possessionis in continenti recuperandæ adesse præsumitur; non verò, si quis nullo hoste insequente per dies plures prædam possederit, & intra amici portum deduxerit. *Cun. p. 253.*

X. Objicitur 3. Non licere res hostiles captas per alienum territorium ducere. *Alb. Gentil. lib. 1. Hisp. adv. c. 6. & lib. 2. de jur. belli c. 22.* quia mutato territorio, mutatur potestas: & ibi locum habet postliminium *l. 5. §. 1. 2. D. de capt. & postl. rev. vid. & Besold. de jure territ. c. 3. n. 4.* Attamen mutato territorio, non mutatur fides & securitas publica, cujus causa, ceteris paribus, ubique favorabilis est. Et quousque postliminium hodie sit in usu, jam sup. §. 3. 4. 5. dictum est. Sed utut sit, hoc ta men

eo produci non potest, ut ob tempestatis causam & ex alia necessitate quis, cum præda justis armis in mari capta, in portu amici ad anchoras stare prohibeatur. quod tamen jus gentium permittit, & ex alterna humanitate proficiscitur, & inter innoxias utilitates est, quæ utenti commodæ, concedenti non molestæ sunt *l. 1. §. 11. de aq. plur. Cuneus d. resp. 277. 278. 279.*

XI. Res in hostium navibus repertæ præsumuntur esse hostiles, donec contrarium probetur. Si verò probetur non esse hostiles, capientium non fiunt, etsi apud hostes inventæ: præsertim si domini hostium non sint subditi, nec hostilis animi. Si verò hostis in illis rebus jus aliquod habeat quod possessioni connectatur, ut pignoris, servitutis, retentionis, occupantibus adquiri possunt. *Grot. de jur. b. e. p. lib. 3. c. 6. §. 5. 6. 26.* Sed nec amicorum naves in prædam veniunt ob res in illis hostiles; nisi ex consensu dominorum navis id factum sit *arg. l. Cōtem. II. D. de publican. Zuar. de usu mar. cons. 2. n. 6.* alioqui res ipsæ solæ, non naves, in prædam veniunt. *Grot. in Not. ad d. loc. §. 6.*

CAP. V.

De Aversione periculi,
vulgò Adsecuratione.I. *Vocum excussio.*II. *Veteribus non planè ignotum fuisse hunc contractum. hodie notiozem esse.*III. *Num sit licitus, & qualis.*IV. *Definitio ejus.*V. *Quid nomine periculi hîc veniat.*VI. VII. VIII. *Forma adsecurationis.*IX. *Quando incipiat & desinat Asscuratio.*X. XI. XII. XIII. XIV. XV. XVI. XVII. *Quid & quantum hîc utrinque præstandum, vel non præstandum.*XVIII. *Satisfactio de periculi pretio.*

I. **O**fferunt se reliquâ præsidia adversus navigationis periculum, & quidem ordine *Aversio periculi*, ita dicta, ut non obscurum est, quod aliquis alterius periculum in mari aversum it, aut in se recipit. Aliàs nuncupatur *Sponsio*, Lusitanis *Aposta*, teste Petro Santerna Lusitano in Tractatu de Asscurat. vulgò *Adsecuratio* appellatur, & mercatoribus contractè *Asscurantie*; quod nimirum alter alterum ex convento securum reddat de periculo navis &

& mercium. veluti *securum* aliquem *facere* dicimur, cavendo pro eo quod à nobis petitur *l. 1. ff. qui satisd. cog.*

II. Hunc contractum olim vix cognitum, nunc inter receptissimos esse, notat Grotius de jur. b. e. p. 2, 12, 3. in fin. Veteribus tamen non planè ignotum fuisse constat ex illo Livii lib. XXII. *Ut quæ in naves imposuissent, ab hostium tempestatisque vi publico periculo essent.* Simile quid lib. 25. Præcipuè ex isto Suetonii in V. Claudii c. 18. *Negotiatoribus certa lucra proposuit, suscepto in se damno, si cui quid per tempestates accidisset.* Inprimis apud mercatores hodie receptissimus est, & magis illorum foro quam juri R. aliive cognitus. Idcirco non ægrè feret Lector, si non solùm quæ à Jurisconsultis de hoc argumento observata, sed etiam quæ statutis florentissimorum emporiorum & praxi mercatorum recepta sunt, breviter annotem. quæ sequi ita licebit, quatenus ipsi æquitati, consuetudini regionum legibusque non refragantur. eadem pro rerum, temporum & locorum conditione justè moderari ac dispensari superiori auctoritate integrum erit.

III. Est hic contractus licitus: quia fit de re licita, & ex pacto legitimo: dum unus in se suscipit sortis periculum, quam alteri salvam præter etiam cum conditione lucri

licet minoris, pro certo pretio suscipienti in se periculum solvendo. Et hoc fit citra labem usurariam, & fraudem ullam. Et si enim illi, cui fors salva, minus lucrum accedit, majus illi qui periculum in se recipit, tamen idem respondebit periculo, arbitrio boni viri. Et est contractus quidam separatus à mutuo, uti fusè ostendit Zoësius in *Commentario ad Digesta tit. Pro socio n. 25.* Et si verò P. Santeina part. 1. de Assècurat. n. 7. velit transire in formam emtionis & venditionis, ob pretium quod datur ratione periculi; quia tamen non habet plenè naturam emti venditi; dum convenitur quidem de pretio, non verò pro merce aut re quadam vendenda, sed pro periculi aversione præstando, potius est contractus innominatus; aut præscriptis verbis Facio ut des; ut: *suscipio periculum, ut des pecuniam;* vel, ut alii volunt, stipulatio *Bald. in l. 1. col. 4. C. de SS. Trin. Molin. de Usur. q. 3. n. 92. 98. Grot. d. loc. Tabor Partit. elem. jur. 3, 4, 38.*

IV. Sit ejus talis descriptio: quod sit Aversio periculi stipulatio vel cautio idonea de præstanda indemnitate rei vel sortis alienæ circa casus fortuitos, pro certo periculi pretio.

V. Sub nomine periculi, de quo fit cautio, comprehenditur omnis casus qui accidit
in

in mari, à tempestate, ab hostibus, prædonibus, repræfaliis ut vocant, aliisque modis usitatis & inusitatis, citra fraudem & culpam contrahentium, aut domini mercium vel navis. *Grot. introd. jur. Holl. part. 24.*

VI. Adsecuratio (liceat vulgo receptam vocem retinere) vel purè & simpliciter, vel sub certis conditionibus, ut plerumque, fit *arg. l. 4. §. D. de naut. fæn. & cum cæti pro periculo pretii stipulatione.* Adsecuratio simpliciter facta de primâ navigatione intelligi debet. *Santerna p. 3. de Affec. n. 30. & seqq.* Sermo enim simpliciter prolatus de uno & primo actu accipiendus est *arg. l. 89. §. 1. D. de verb. signif.* Periculi pretium & communi æstimatione peti solet. *Grot. de jur. bell. e. p. 2, 12, 23.* Licet autem de eo inter contrahentes ex æquo & bono vel arbitrio bonorum virorum convenire possit, tamen ex mercatorum consuetudine communiter septem pro centum, præmii adsecurationis loco, pacisci moris est. *Vid. artic. 1. Const. de solut. præm. adsecur. in Privileg. Amst. p. m. 197. col. 1. & in ordinat. Annt. verp. de Affecur. pag. 445.* Sed cum in Formulâ Adsecurationis secundum hodiernum mercatorum stylum conceptâ, quæ exstat in dictis Privil. præcipua contineantur, quæ spectant ad substantiam hujus contractus, eam ex Belgico in Latinum ser-

monem verſam hic in gratiam lectoris ap-
ponere placuit :

Nos ſubſcripti promittimus & obligamus
nos ad avertendam periculum , vel (ut vulgò
loquuntur) aſſecurandum, velut aſſecuramus
omnes & ſinguli tenore huius viris NN. ad
ſummam mercium ſubjectam NN. in corpus
navis cum tormentis ſuis, instrumentis, alio-
que apparatu & huic adheren tibus, pertinen-
tis ad NN. vel alium. Navi nomen eſt NN.
capax amphorarum NN. cuius magiſter eſt
NN. Illius periculum præſtabimus ab hora &
die, quo ſolverit dicta navis, & appulerit
cum tormentis, munitione, instrumentis, &
que eis annexa ſunt in portum NN. (vel ut a-
liæ quædã Formulæ habent : ab hora & die,
quo prædictæ merces deportatæ ſunt in portum
NN. vel navalia, inferen ti dictæ navi cauſſa.
& durabit iſthæc aſſecuratio, donec dictæ mer-
ces pervenerint in portum NN. & exoneratæ
atque in ſalvo fuerint, absque ullo detrimento
& incommodo.) Nominatæ autem navi lice-
bit navigare prorsum, rursus, dextrorsum, læ-
vorſum, & ab omni latere ; atque ex necesſi-
tate vel ſponte ingredi tales portus, qui nau-
clero & nautis commodi bonique videbuntur.
Cavemus etiam vobis de omni periculo maris,
tempeſtate, igni & vento, amicis, inimicis,
arrestis & detentionibus à Rege, Principe,
Repub. quacunque faciendis, de represaliis; de
nequitia

nequitia vel incuria naucleri & nautarum, aliisque casibus qui huic navi contingere possint, cogitatis vel incogitatis, usitatis vel inusitatis, nullis exceptis. Nos vestri loco constituimus, ad vos tutos praestandos ab omni damno & incommodo. Atque si praedictae navi malum (quod Deus avertat) acciderit, obstringimus nos hocipso vobis vel vestris mandatoriis ad omne detrimentum, quod passi estis, resarciendum, nimirum singuli pro rata summa nominata, tam primus quam ultimus affecurator, idque intra proximum trimestre, ex quo, ut decet, certiores facti fuerimus de periculo & damno. In quo casu damus vobis & aliis omnibus plenam potestatem, tam ad damnum quam lucrum nostrum vobis invicem suppetias ferendi, in servanda praedicta navi eique annexis, in onerando vel exonerando, in iuvando quibus opus fuerit, aut vendenda nave pretioque ejus distribuendo, si res ita postulet, absque expectatione nostri consensus & veniae. Solvemus etiam expensas cum causa damni dati, sive quid servatum fuerit, sive minus & de expensis factis fidem habebimus ei, qui illas fecit, ad praestitum ab ipso iuramentum absque omni contradictione. Contenti etiam sumus, ut NN. velut nobis fidem dedit, solvat nobis pretium aversi periculi vel affecurationis, post tres proximè sequentes menses, nimirum septem (vel NN.) pro centum. Ut

verò omnis prolixitas evitetur, æquè æstima-
bimus observabimusque hunc Assecurationis
contractum, atque si coram Iudicibus factus
esset; & tam firmum ac ratum habebimus, at-
que si omnes in eo clausula ita essent formatae,
ut sibi quisquam eas imaginari posset, in ve-
strum commodum & nostrum detrimentum.
Omnia absque fraude & dolo &c. In rei fidem
obligamus nostras personas & facultates tam
præsentes quam futuras, renunciantes, ut
honestos homines decet, omnibus cavillationi-
bus & exceptionibus, quæ huic contractui ad-
versa esse possint. Actum: NN.

VII. Assecurationem in scriptum, ut so-
let redactam oportet exprimere nomen
nautæ, navis, ubi onerata sit, què navigare
velit. Item determinare mercium qualita-
tem, quantitatem, numerum & mensuram,
& quidem bona fide factam in navibus
amicorum (non hostium) in præsentia te-
stium; aut coram Notario & publicis per-
sonis. Non etiam sunt dissimulandæ mer-
ces, aut plures quam revera in navi sunt,
singendæ. Suscipiens enim periculum pro
iis solum tenetur, quæ tempore periculi
aut naufragii in navi fuerunt. Nec alie-
næ pro suis asssecurationi offerendæ sunt,
nec vetitæ & illicitæ pro licitis indican-
dæ; pro quibus si forte ab ignoran-
te promissore periculi cautum sit, is cui
cau-

cautum est ad earum æstimationem agere prohibetur: quia in dolo fuit; aut si integræ & salvæ domum venerint, susceptori periculi pretium pro iis petenti non denegabitur. ille enim bona fide pactus est. *Santer. p. 3. n. 13. seq. 43. seqq.* Tormenta & apparatus bellicum assecurare volens, vel etiam carinam, hæc omnia ante discessum à peritis æstimari curabit. quæ tamen æstimatione non præjudicabit averfiori periculi, si probare possit, æstimationem ex affectu, collusione aut alia mala arte majorem æquo factam esse. *art. 10. Ordinat. Antverp. de Assecur.*

VIII. In hoc contractu bona fide verandum est, ut natura ultro citroque obligationis postulat. dolus commissus cum æstimatione damni arbitrariè puniri solet, vel gravius pro ratione delicti. Itaque in fraudem primi Assecuratoris vel emolumentum assecurati bona non cavebuntur uno inscio pluribus locis, aut supra constitutum. Vel si citra fraudem pluribus locis assecurata sint, prior assecuratio velut sufficiens pro omnibus bonis solum rata erit. *vid. fusius art. 14. 15. ordin. Antverp.* Ultimus assecurator tantum in aversione periculi participabit, quantum primus, sive damnum sit sive luerum. *art. 25. Assec. Amst.* Si contrahentium alter rem de qua agitur,

agitur, aut salvam quo destinabatur pervenisse aut periisse sciverit: quia propria materia hujus contractus est damnum sub ratione incerti, contractus erit nullius momenti. *Grot. 2, 12, 23. Elb. Leonin. consil. 22. n. 7.* Excipe tamen si assicuratus sibi caveri curasset in eventum boni aut mali nuntii: in quo casu assicuratio rata erit, si susceptor periculi probare nequeat, ei cui cautum est ante cautionem constituisse de damno aut jactura, & assicuratus vel is cui cautum est ab ea suspicione se juramento liberare paratus sit (*art. 6. 21. Ord. Amst. de Assetur.*) Si assicurator sit factus malæ fidei, ejus contractui renunciari & de integro cum alio contrahi potest. Vel si, antequam factus malæ fidei, sit suspectus de non solvendo, cautionem cautionis præstare debet, ut dominus mercium servetur indemnis, ad similitudinem fidejussoris indemnitis. *arg. l. decem. 116. de V. O. l. 8. §. 12. D. de fidejuss. Santern. d. loc. n. 55. 56.*

IX. Assicuratio initium habebit à tempore mercium in navalia translatarum ut imponantur navi, & durabit usque dum merces in destinato portu salvæ sint exoneratæ, nisi aliter convenerit: aut aliud lege definitum sit. Exoneratio verò non ultra quindecim dies (nisi cum periculo domini) differetur, exceptis necessariis obstaculis, quæ

quæ probanda. *art. 13 Affecur. Antverp.*
 Si affecuratio ab uno portu ad alium facta
 sit, absque mentione mercium in terram
 exonerandarum, inchoabitur à tempore
 impositarum navi mercium, & finietur
 tempore navis destinatum portum ingres-
 sæ: *cum ibi stetit in salvo ad anchoras per vi-*
ginti quatuor horas. d. art. 13. quod eo fine
 inter mercatores observari probabile est,
 quia navis in ipso quoque portu vel ostio
 periclitari, ut dicitur in *l. 4. D. ad leg. Rhod.*
de jactu, & aliquando pati potest; secun-
 dum illud Propertii lib. 3. el. 6.

Fallit portus & ipse fidem.

nec semper verum est, quod Anacharlis per-
 contanti, *quæ securissima navis esset*, respon-
 dit: *Ea quæ in portum venit.* Proinde ad diem
 & noctem pro damno in portu, donec mer-
 ces in salvo sint caveri voluerunt constitu-
 tiones. Affecuratio non ad præteritum sed
 futurum & imminens periculum & da-
 mnnum extenditur. Nam præteriti periculi
 susceptio ac rerum jam deperditarum pro-
 missa securitas, ex juris communis disposi-
 tione non habet vires: tum quia res, ad
 quam fit securitatis promissæ relatio, tem-
 pore quo fit promissio non existit, aut non
 est in nostro commercio: tum quia nihil
 continet præter aleæ ac vanæ sponsonis
 speciem, quæ non fundatur super aliqua
 justa

justa causa, sed duntaxat super inopinata & inconsulta captione alterius contrahentium: quæ tanquam reip. damnosa, & ad inconsultos contractus respiciens, à jure non probatur: maximè si pura sit, nec conditionem pro causa habeat. *Dd. in l. à Titio D. de V. O. t. in l. quibus D. de aleat. Elb. Leonin. conf. 22. n. 2. 3. 4.* Imò si conditionem adjectam habeat, tamen conditio in præteritum collata nulla est *l. 10. §. 1. D. de condit. Inst.* sed vel statim perimit obligationem, vel omnino non differt. *§. 6. Inst. de V. O. l. 100. D. eod.* Attamen si in præteriti damni notitiam non pervenerit assecurans, permittitur talis assecuratio, in *Constit. Amsterod. art. 20. de Assecur.* non verò quæ fit in sponsonem vitæ hominum aut itineris *art. 24.*

X. Aversor periculi vel assecurator, ex conventa conditione se generaliter ad pericula maris aut navigationis obligans, de quovis casu etiam improvise tenetur; nisi culpa domini mercium aut navis interverit, *ut sup. dixi §. 5.* ut si non fecerit quod diligens & cautus faceret, aut quod ex pacto debet: si quid per negligentiam, imperitiam aut moram admiserit. Itaque si assecurator caverit de periculo respectu illius temporis, quo navigatio minus erat periculosa: navarchus autem vel dominus na-
vis

vis ob frivolam causam vel per negligentiam distulerit navigationem in alienum tempus, navigationi valde incommodum: & sic obortâ procellâ merces cum navi perierint, non erit hoc periculo asscuratoris, sed domini navis, nisi aliud convenerit. Mora enim cuique sua, non alii nocere debet *Reg. Iur. Can. 25*. Item si contra pactum navarchus mutaverit destinatum iter, absque necessitate, lucrisui causâ; idque inscio aut invito periculi susceptore; aut navigarit mare infestum piratis vel hoste, idque præsciverit, sed nolente & excipiente hunc casum asscuratore: vel non diligens cursum ad eum portum de quo convenerat, navem illicitis mercibus oneravit, quæ publicatæ sunt, ad id non tenebitur asscurator *arg. l. 3. C. de naut. fœn.* Item si magister navis extra directum cursum proprio consilio, non compulsus tempestate jactum fecerit, non erit periculo asscurantis. quia ad pericula in ordinariâ viâ contingentia se obstrinxit, vel ad extraordinaria pericula ex necessitate, non culpa nautæ accidentia. Hic itaque mercator regressum habebit ad nautam. *quintin. Veits. de contrib. p. m. 465. col. 1.* Ille verò dolus etiam pœnâ arbitrariâ dignus est, si is cui præstatur ab alio periculum, fraude sua effecerit, ut res in navi perirent, & e mentitus sit, casu vel naufragio

fragio periisse: ne ipse, sed alter qui cavit de periculo, damnum subeat. Velut olim quidam publicani apud Romanos Posthumius & L. Pomponius fecere, cum populus R. cavisset de periculo à vi tempestatis, in rebus portatis ad exercitus Rom. illi ementiti sunt facta naufragia; & ea ipsa quæ vera renunciaverant, fraude ipsorum facta erant, non casu. in veteres enim quassatasque naves paucis & parvi pretii rebus impositis, cum merissent eas in alto, exceptis in præparatas scaphas nautis, multiplices fuisse merces ementiebantur. cujus fraudis populus severus vindex fuit, ut refert Livius lib.xxv.

XI. Aliàs ex jactu mercium tenetur asscurator vel receptor periculi, quia jactus & perditio propter casum æquiparantur l.4. ff. ad leg. Rhod. de jactu. Cum autem locus sit contributioni propter istum jactum, sublevabitur asscurator in tanto minus solvendo, quam dominus fuerit consecutus. *Santerna part. 4. de Asscur. n.44.*

*XII. Ex casu contingente in ipsa navi culpa magistri navis, ut si merces non bene reconditæ, nec diligenter servatæ, ab humore aut muribus corruptæ fuerint, inde non asscuratorem, sed navarchum teneri volunt. Si verò merces à tempestate aut pro-

procella humidæ & corruptæ fuerint, inde tenebitur affecurator. *Quint. VVeitsf. de Contrib. p. 460. in fin.*

XIII. Quod verò Santerna part. 4. de Affecur. n. 19. & seqq. statuit, damnum tertii nimirum gubernatoris culpa datum non liberare affecuratorem à præstatione periculi: quia factum tertii non impediatur obligationem committi; certum quidem est in jure fieri, si se generaliter ad omnes casus etiam culpa nautæ datos obligarit. Aliàs non nisi de casib. fortuitis tenetur; nec de culpa gubernatoris; sed ipse nauclerus, si (ut in præsentī casu) non idoneo gubernatori navem commiserit l. 16. *D. de rei vindic. conf. art. 27. Affec. Amst.*

XIV. Si in una & eadem navigatione merces transferantur ex una navi in aliam, & novissima deperdatur cum mercibus, num promissor vel affecurator tenebitur de tali periculi eventu. Hic inspicienda est forma affecurationis, an in ea mentio sit facta novissimæ navis, an minus. Si mentio facta sit, utique ex lege conventionis tenetur, modo absque dolo & culpa alterius iste casus acciderit. Si mentio non facta sit, non tenetur. Si tamen merces in scapham tractæ fuerint navis onustæ levandæ causa, quia intrare flumen vel portum non poterat, ut magna navigia portibus se gravatim

tim insinuant, uti Petronius in Satyr. loquitur; eaque scapha submersa sit, iste casus perinde æstimabitur, atque si in ipsa navi accidisset. *l. navis ad leg. Rhod. de jact.* (præsertim si promissor caverit de damno, usque dum navis appulerit ad portum) secus, si hoc alia de causa contigerit. *Santerna p. 3. n. 36. 37. 38. 39.*

XV. Si damnum non excedat unum pro centum, asscurator non tenebitur ad præstationem damni, *ut est in Statuto Amster. de Asscur. art. 26.*

XVI. Si quis curavit sibi asscurari vel caveri de bonis, quæ postea ipsi missa non sunt, aut minus mercium navi impositum quam cautum est, aut exercitores ob certam causam mutent consilium expediundæ navis ac itineris; atque hoc significetur intra quatuor menses à data Asscuratione; repetere licet ab Asscuratore pretium aversi periculi; dato ipsi pro molestia dimidio de centum. *ut est in art. 16. Statuti Antverp. & art. 22. Stat. Amsterod. de Asscur.*

XVII. Si naves cum pretiosis mercibus in exteris locis arresto detineantur, sex mensium spatium vel ex remotis ac longe distitis locis annum (ex remotioribus biennium) præstolabitur dominus navis aut mercium, donec ista navis pro deperdita
aut

aut publicata habeatur. salvæ autem merces interim alii navi imponentur ad continuandum iter. Si verò sint res fungibiles, aut quæ utendo consumuntur, æque arresto detentæ cum navi, non expectabitur dictum tempus, sed postquam assecurator de eo certior factus est, & hoc legitimè indicavit, actionem suam persequetur. *art. 8. 9. Ordinar. vel Statuti Amster. de Assetur.*

XVIII. Assecurator satisfaciet assecurato post tres menses, aut ob moram interesse præstabit, ex quo intra dictum tempus nihil fando audivit de navi & mercibus, quæ jam pro deperditis habentur. *art. 5. & 25. Stat. Amst. de Assec. Grot. Introd. Iur. Holl. part. 24.* Plura apud Santernam, & in Statutis Amsterod. & Antverp. Belgica lingua scriptis *pag. 191. & seqq. & pag. 444. & seqq. edit. de anno 1639.* de hoc argumento legi possunt. Potiora hîc excerpta sic admitti volo, quatenus foro mercatorum, moribus atque æquitati sunt conformia.

C A P. VI.

De Fœnore nautico.

I. De appellationibus Fœnorii nautici.

II. Quid propriè sit & quætriplex.

III. Ar

III. *An sit licitum.*

IV. *In qua re consistat.*

V. VI. *De quantitate ejus.*

VII. *Modus cautionis de fœnore nautico.*

IIIX. *An navarchus pro lubitu possit obligare carinam fœnore nautico.*

IX. *Quando navis sit periculo creditoris, quando non.*

X. *Pœna pecuniæ trajectitiæ ex mora.*

XI. *Quando usura solum ordinaria & communes non fœnus nauticum hîc peti possit.*

XII. *Exemplum rei judicatae de Nautico fœnore.*

I. **C**VM Fœnus nauticum mixtum quid sit ex contractu mutui, & periculi averſi ut notat Grotius de jur. bell. c. p. 2, 12, 5. de eo quædam hîc ſeorſim obſervabimus ſtatim poſt caput antecedens de averſione periculi. Quod attinet notionem vocis *Fœnoris*, non ſemper uſuram pecuniæ creditæ, & quidem illicitæ, ſed etiam aliquando rem ipſam, quæ mutuo data eſt, & æs alienum ſub uſura contractum ſignat. Ita hîc fœnus nauticum non uſuram nauticam, ſed pecuniam fœneratam ſub uſuris nauticis eſſe, utrumque cum redierit navis, ſolvendum, ex authoribus & jure probat Salmaſius cap. 2. de Uſur. pag.

pag 23.24. Appellatur alias *maritimum fœnus*, *usura maritima*, *periculi pretium*, quod pro periculo, quod in se recipit creditor, detur. item *trajectitia pecunia*, vel *nautica pecunia*, quod navi trans mare vehatur Si domi vel in eo loco, ubi traditur, consumatur, non erit *trajectitia pecunia*. l. 1. h. t. Nostratibus dicitur *Remerie* / *Bodmerie* / *Bodemerie* / *Bëddemerey* (tam variè enim pronunciatur) à *carina* vel *fundo* navis ita primum appellata, (cum etiam lingua Gallorum antiqua & Britannica *Bodo* vel *Bodun* fundum aut profundum signet, teste camdeno in Britannia p. m. 149.) in quem navis fundum magister navis mutuo accepit pecuniam. Sed postea pro quavis nautica pecunia aut nautico fœnore per synecdochen accepta est.

II. Nauticum fœnus nihil aliud est, quam talis pecunia, quam creditor, recepto in se dubii eventus periculo, alicui sub certis usuris, tanquam periculi compensatione tradit. Fœnus illud est duplex, terrestre & nauticum. Terrestre, quod debetur pro pecunia terrestre iter facientibus credita. Nauticum quod navigantibus, ut patet, datur; & est periculo creditoris l. 3. *D. de naut. fœn. lib. 1. cap. eod. lib. 62. D. de rei vindic.* De quo hic præcipuè tractatio instituitur. Alii nauticum proprium, terrestre minus

minus proprium vel quasi nauticum vocant. De quo in l. 5. *D. de naut. fœn. Sichard. in tit. Cod. eod. n. 2. Borcholt in Tractatu de Naut. fœn. c. 2. 3. Rittershus p. 3. Exp. Nov. cap. 11. n. 3.*

III. Sed in disceptationem venire potest, num huiusmodi fœnus sit licitum. Illicitum videri nonnullis possit, quod fœnus, ut mordax & homines exsugens, jure divino & humano prohibeatur. Quo referri quoque canon lib. v. Decret. tit. 18. De Vfuris cap. 19. queat, qui sic habet: *Naviganti veleunti* (sic enim emendandum pro *navigandi, eundi*) *ad nundinas certam mutuant pecunie quantitatem, eò quod suscepit in se periculum recepturus aliquid ultra sortem, usurarius est censendus.*

Verum enimverò hîc propriè non versari damnatum fœnus, sed compensationem aliquam periculi, quod creditor contra naturam mutui in se recipit, partim ex §. 1. & 2. h. cap. patet, partim inde liquet; quod naturali rationi est conveniens, ut incommoda & pericula lucrum aliquod comitetur lib. 10. ff. de reg. jur. præsertim ubi ipsa sors ob anceps maris discrimen periclitari aut intercidere potest. Gregorius lib. v. Epist. c. 136. *Valde durum est, ut quis, unde nullum sensit commodum, sustineat injuste dispendium.* Ipse Paulus ita vult uni esse relaxa-

relaxationem, ne alii afflictio sit. 2. Cor. 8. 13. Vid. quoque Chemnit. part. 2. Loc. Theolog. cap. 6. de Vfur. p. m. 432. & 458. 459. Et Molinæus de Vfur. q. 3. n. 92. ait: *Hoc approbant omnes Theologi, ut creditor possit aliquid accipere ultra sortem pro susceptione periculi.* Ibid. hoc plurium Theologorum testimoniis firmat.

Quod verò attinet Canonem *Naviganti ult. de Vfur.* si rectè emendetur, salva res erit. Hoc autem modo emendandum viderunt Fachinæus lib. 2. Contro. jur. cap. 48. Hordlederius & Zinzerlingus ad l. Periculi pretium §. de naut. fœn. *Naviganti vel eunti ad nundinas certam mutuans pecunia quantitatem, e. q. 1. f. f. p. r. a. ultra sortem, usurarius NON est censendus.* Sic negativè concipiendum esse, & sensus verborum jubet, & confirmat illud, quod ubi dubium est, an is qui mutuò dat, ultra sortem tempore solutionis aliquid recepturus sit, ibi justam & licitam esse usuram idem Pontifex in sequentibus ejusdem capitis tmematibus disertè adfirmat, ut & Alexander 3. c. 6. eod. Indè Heigius part. 2. qu. 1. n. 137. ait: *Etiā de nautico fœnore pacisci jure (Canonico) licet.* quamvis autem hæc conciliatio subtilis sit, & possit videri vero propior, tamen cum sit divinatoria, Jurisconsulto non digna, &

omnes textus affirmativè legant , ut testatur Zœsius *in tit. de nautic. fœn. n. 4.* eam non admittendam censet. Nihilominus in ea est sententia , quod non obstante dicto canone, fœnus nauticum etiam jure canonico sit licitum , non tam ratione mutui , quod capitur ultra sortem , quam nomine justî periculi. *d. loc. n. 3. & 4.* Accedit auctoritas juris civilis , toto tit. Dig. & Cod. de Naut. fœn. & Doctorum. Sichardus in tit. Cod. de naut. fœn. n. 4. *Usuram nauticam propter periculum quod quis in se suscipit esse permissam.* Et ita Guido Papæ in decis. 572. in fin. dicit sua ætate esse decisum. Et mox : quod sint permissæ usura nauticæ , facit incertitudo & periculum. nam plerumque propter incertitudinem quadam permittuntur : quæ si certa essent , non permetterentur. Et Molinæus comment. de usur. q. 3. n. 91. *Quod justissimum sit fœnus nauticum, liquet propter multitudinem & magnitudinem periculorum quæ versantur in mari : & propter exiguitatem & vilitatem pretii videlicet centesima respectu tantorum & continuorum periculorum totius sortis.* His addas exempla sapientum , Zenonis ; Menippi , Catonis , qui fœnus nauticum exercere , à secta sua & supercilio Stoico non alienum duxerunt ; uti testantur Diogenes Laërtius in vita Zenonis & Menippi.

pi, & Plutarchus in vita Catonis.

IV. Solet pretium hujus periculi ut plurimum in numerata pecunia consistere, quamvis etiam in mercibus ex ea comparatis, si periculo creditoris navigent, ex convento consistere queat *l. 1. D. de naut. fan.* Et si merces ipse solebat comparare, in illis non solum damni, sed & lucri ratio habebitur *l. 2. §. 8. in fin. D. de eo quod certo loc. d. O.*

V. Veteribus legibus non fuit definita quantitas usurarum maritimarum: unde factum est, ut sæpe modus excederetur. quod non obscurè indicat Lex. 26. Cod. de Usur. his verbis: *Nec eam excedere, licet veteribus legibus hoc erat concessum.* Nimirum indefinitum periculi pretium leges veteres ea de causa reliquerunt, ut licerèt contrahentibus, prout majus aut minus appareret maris periculum, ita Majores aut minores usuras stipulari ac promittere, ut notat Cl. Salmasius cap. 9. de modo usur. p. 380. Ea mente dixit Paulus IC. lib. 2. Sentent. tit. 14. §. 3. *Trajectitia pecunia propter periculum creditoris, quamdiu navigat navis, infinitas usuras capere potest.* ad quem locum ita notat interpretes Anianus: *Quia maris periculo committitur, in quantas convenerit usuras, hanc pecuniam stare creditor potest.* Aliquando ergo majores

omnes textus affirmativè legant , ut testatur Zœsius *in tit. de nautic. fœn. n. 4.* eam non admittendam censet. Nihilominus in ea est sententia , quod non obstante dicto canone, fœnus nauticum etiam jure canonico sit licitum , non tam ratione mutui , quod capitur ultra sortem , quam nomine justî periculi. *d. loc. n. 3. & 4.* Accedit auctoritas juris civilis , toto tit. Dig. & Cod. de Naut. fœn. & Doctorum. Sichardus in tit. Cod. de naut. fœn. n. 4. *Usuram nauticam propter periculum quod quis in se suscipit esse permissam. Et ita Guido Papa in decis. 572. in fin. dicit sua ætate esse decisum. Et mox : quod sint permissæ usura nauticæ, facit incertitudo & periculum. nam plerumque propter incertitudinem quadam permittuntur : quæ si certa essent , non permitterentur.* Et Molinaus comment. de usur. q. 3. n. 91. *Quod justissimum sit fœnus nauticum, liquet propter multitudinem & magnitudinem periculorum quæ versantur in mari : & propter exiguitatem & vilitatem pretii videlicet centesima respectu tantorum & continuorum periculorum totius sortis.* His addas exempla sapientum , Zenonis , Menippi , Catonis , qui fœnus nauticum exercere , à secta sua & supercilio Stoico non alienum duxerunt ; uti testantur Diogenes Laërtius in vita Zenonis & Menippi.

pi, & Plutarchus in vita Catonis.

IV. Solet pretium hujus periculi ut plurimum in numerata pecunia consistere: quamvis etiam in mercibus ex ea comparatis, si periculo creditoris navigent, ex convento consistere queat l. 1. D. de naut. fan. Et si merces ipse solebat comparare, in illis non solum damni, sed & lucri ratio habebitur l. 2. §. 8. in fin. D. de eo quod certo loc. d. O.

V. Veteribus legibus non fuit definita quantitas usurarum maritimarum: unde factum est, ut sæpe modus excederetur. quod non obscurè indicat Lex. 26. Cod. de Usur. his verbis: *Nec eam excedere, licet veteribus legibus hoc erat concessum.* Nimirum indefinitum periculi pretium leges veteres ea de causa reliquerunt, ut licerèt contrahentibus, prout majus aut minus appareret maris periculum, ita Majores aut minores usuras stipulari ac promittere; ut notat Cl. Salmasius cap. 9. de modo usur. p. 380. Ea mente dixit Paulus IC. lib. 2. Sentent. tit. 14. §. 3. *Trajectitia pecunia propter periculum creditoris, quamdiu navigat navis, infinitas usuras capere potest.* ad quem locum ita notat interpretes Anianus: *Quia maris periculo committitur, in quantas convenerit usuras, hanc pecuniam dare creditor potest.* Aliquando ergo majores

res fuerunt usuræ pro magnitudine periculi ; quo sensu accipiendus Petronii versus :

Qui pelago credit , magno se fœnore tollit.
 aliquando minores , si exile esset periculum. Eodem modo apud Græcos fœnus nauticum pro ratione periculi propioris aut remotioris incrementum accepit majus aut minus , ut fusc observavit Salmasius cap. 5. de modo usur. p. 188. 218. & alibi. Sed Iustinianus in imperio Rom. ad centesimam reduxit in *l. ult. Cod. de Usur. i. e.* ut una uncia singulis mensibus , atque ita duodecim pro centum toto anno præstarentur. Et hæc legitima usura dicta est , ut est in Scholio veteri lib. 23. Basilic. tit. de Usuris : *Νόμιμος τίκος ἐστὶ διαπεντήσ πρὸς δρεσίζοντος ἢ τοι. ἐπικινδύως , ἑκατοστῆος.*
Usura legitima ejus qui trajectitiam pecuniam trans mare vehendam fœneratur , id est cum periculo suo , centesima est. Legitima nuncupatur usura , quod lege vel constitutione Imp. introducta , visa est sufficere ad pensandum creditoris periculum.

Sed postea Iustinianus Nov. 106. approbavit quasdam pactiones in fœnore nautico usu receptas , quibus contrahentes excedebant usuram centesimam : quam Novella 110. iterum abrogasse , & ad centesimam secundum *l. 26. Cod. de usur.* redu-

reduxisse, volunt interpretes Novellarum, Cujacius ad dictas Novell. 106. & 110. & lib. 27. Obs. c. 37. Rittershusius Expos. method. Novell. part. 3 cap. 11. n. 7. Gudelinus lib. 3. de jure noviss. cap. 3. Salmasius autem Novella 110. centesimam abrogatam, & antiquam licentiam, in quantas quis vellet usuras trajectitiam pecuniam paciscendi ac mutuo dandi, restitutam statuit c. 9. de modo usur. pag. 377. Quidquid sit, cum Imperator in Nov. 106. adferat, dubitatione hujus rei orta, se convocasse naucleros, eosque interrogasse quæ antiqua hujus rei consuetudo fuerit, illos verò sanctè testatos esse, *modos esse varios talium mutuum*; utique in liberis Rebuspub. & ex conventionem paciscentium adhuc variare possunt: ut habita ratione temporis navigandi, locorum ad quæ navigatio dirigitur, & periculi quod suscipitur, majores aut minores usuræ præstentur: ita tamen ut extensio non admittatur, nisi expresse constet de veritate & paritate periculi, ne sit prætextus fraudi usurariæ. Molin. de Usur. q. 3. n. 94. neve fiat, quod Manilius lib. 4. Astronom. in admodum avarum danistam jactat:

*Navigat & celeres optando fortibus annos,
Dulcibus usuris, æquo quoque, tempora
vendit.*

Hos versus de anatocismo accipiendos putat Scaliger in Notis ad Manilium p. m. 315. quamvis etiam hic sermonem de traiectione pecunia esse adfirmet. Sed Salmasius in cap. 3. de modo usury. τὸ *æquum* hic vult idem esse, quod *sortem* τὸ κεφάλαιον, τὸ ἴσον. Nam in mutuo τὸ ἴσον redditur, & præterea pro auctario usura de qua convenit. quo sensu τὸ ἴσον Lucæ c. 6. v. 34. accipi videntur.

Possumus tamen aliud sensum dare verbis illis poëtae, inquit Salmasius ib. pag. 93. *& forsitan veriore.* Non solum inquit optando celeres annos sortibus, hoc est celerem sortis exæquationem, dulcibus usuris vendit tempora, sed etiam æquo illa vendit, id est, æqualem summam exigit ei quam mutuo dedit. quod sævus horrendum est, sed olim in traiectione pecunia usitatum, quo centum pro centum aliquis accipere dicitur. Sint ergo tales usuræ, quæ legem non offendant, aut, deficiente lege, æquitatem. quò etiam Ius canonicum, de quo sup. in c. *Naviganti* spectasse videtur, quod non vult qualibet periculi susceptione licitum fieri receptum ultra sortem, sed ea tantum, quæ verè talis est, ut nimirum pecunia conventa respondeat periculo. *Zæf. .d. loc. n. 4. in fin.*

VI. Quando traiectione pecunia ea conditione mutuò data est, ut sit extra periculum

culum creditoris, vel quando post præstitutum diem & impletam conditionem desit esse periculo creditoris, centesima majores usuras non deberi respondit Papinianus. Sed quando nave navigante pecunia trajectitia est periculo creditoris, majoribus, usuris jure R. stipulari licet, quandoque etiam duplo sortis. Nimirum in stipulatione servi, pecuniæ trajectitiæ & aliarum rerum Domini procurandarum causa cum debitore ad navigationem missi, si ejus operæ in dies singulos, ut solebat, æstimentur, pro iis duplex centesima in stipulationem deduci & in fine navigationis creditori præstari eodem jure potest. duplum tamen excedere non debet. Quod etiam lege Aegyptiorum ita constitutum erat. *vide Diodor. Sicul. lib. 2. l. 4. D. de naut. fœn. ejusque legis fusioem interpretationem apud Cujacium lib. 5. Obs. c. 38. Salmasium c. 8. & 9. de modo usur.*

Potest etiam judex in eo quod certo loco dandum aut recipiendum est, ordinarium usurarum modum excedere, & non solum rei, sed etiam actoris utilitatis rationem habere; ut solet in arbitrariis actionibus §. 31. 33. *Inst. de Actionib.* Ita si trajectitiam pecuniam creditor dederit Ephesi recepturus, ubi sub pœna debebat pecuniam vel sub pignoribus; & distracta

pignora sunt vel poena commissa morâ: vel fisco aliquid debebatur, & res stipulatoris vilissimo distracta est; in hanc arbitriam, quod interfuit creditoris, veniet actionem, & quidem ultra legitimum modum usurarum. sed & in mercibus ex more comparandis, lucri, non solius damni habebitur ratio; ut est in *l. arbitraria §. nunc de officio D. de eo quod certo l. d. o.*

In alia quoque quam de pecuniæ trajectitia pactione, potest plus pecunia data postulari, si aleam amittendæ sortis subjerit creditor, *l. periculi pretium §. D. de naut. fan.* cujus legis prolixam & eruditissimam explicationem habes apud Salmasium dicto cap. 9. de modo usur. pag. 394. & seqq. & Zinzerlingum in peculiari ad istam legem commentario. quæ hic longius persequi, nostri non est instituti: cum de pecunia trajectitia hic tantum agatur.

VII. Caveri moris est creditori de trajectitia pecuniâ sub conditione, vel nudo pacto vel per stipulationem, aut syngrapham, aut pignoribus & hypothecis, vel mercibus in navî pignori acceptis, in fidem sortis creditæ & usurarum debitarum *l. 4. 6. 7. D. de naut. fan.* Pignorum verò persecutio perempta est, si navis ante conditionis eventum perierit aut non salva in portum venerit *l. 6. h. t.* Deficiente enim prin-

principalis obligatione, deficit etiam accessio ejus, pignus. Navigationis periculum interdum à creditore suscipitur usque ad certum portum, aut præfinitum navigationis tempus *l. 4. D. de naut. fœn. l. 1. C. eod.* vel usque ad reditum, non abitum, interdum in omne navigationis tempus, tam ad abitum quam reditum. Illud ἐφ' ἐπερχόμενος, hoc ἐφ' ἀμφοτερότερος, Græci appellabant. conf. *l. qui Romæ §. Callimachus de verb. obl. & ibi Gothofr. & alios.*

VIII. Magister navis non potest prohibitu obligare navem sumto fœnore nautico: præsertim hoc non potest, secundum *statuta Hanseatica de jure maritim. art. ult.* in eo loco ubi degunt exercitores, aut absque eorum consensu vel mandato. Sed in peregrinis locis hoc N. pro rata ejus quod in navi habet, ipsi licet, necessitate & salute navis sic exigente. quo casu novissimum pecuniæ nauticæ instrumentum præfertur aliis similibus instrumentis in concursu plurium diversi temporis creditorum: quia per illam postremam pecuniam factum est, ut navis ex portu abiret. Si verò diversi creditores pecuniam dederint non nautæ, sed mercatori sub obligatione mercium quibus navem oneravit, inter eos jus prælationis ratione temporis locum non habet, sed omnes simul concurrunt.

runt. ita Amstelodami in Camera fœnoris nautici servari, testatur Vinnius in *Pec-
kium ad LL. Nautic. quem vid. pag. 95.* Hæc tamen statutis aliorum populorum a-
liquantum variant. *vid. art. 68. Iur. mar. Dan. statuta Dantisc. p. 3. c. 3. a. 19. Statut. Hamburg. a. 1. 2. 3. 5. 7. p. 2. 4. 18.* Si
verò magister navis absque necessitate, de-
dita opera navem fœnore nautico onera-
rit, ex damno dato exercitoribus navis te-
netur, *secundum statuta Hanseat. civit. de
jure maritim. art. 55.*

IX. Si navis fœnore nautico obligata,
sine culpa debitoris casu fortuito perierit,
erit periculo creditoris, ex eo die quo
navem ad destinatum locum navigare con-
venit. *l. 3. D. h. tit.* Idem lege Rhodia &
Attica cautum fuisse, notat Salmas. cap. 5.
de mod. usur. pag. 199. & 208. Sed abs-
que tali conventionem infortunium naufra-
gii ad debitorem pertinet *l. 4. C. h. t.* Sed
& qui convento tempore non navigat, vel
aliò quam debet, navigat, ad eum tra-
jectitiæ pecuniæ periculum spectat. nisi
temporis ac navigationis præferendæ po-
testatem à domino expresse acceperit. Vi-
de *l. 122. §. 1. ff. de verb. oblig. & ejus le-
gis interpretationem apud Cujacium lib. 2. Ob-
serv. c. 11. & Salmasium cap. 9. de modo usum-
rar. pag. 359. & seqq.* Si verò, creditore
navigiū

navigii in certum locum destinati periculum suscipiente, debitor illicitis mercibus navi exceptis majoris lucri causa aliò naviget, & ibi merces aut navim per confiscationem amittat, hoc non erit periculo creditoris, sed debitoris: cum non ex marinæ tempestatis discrimine, sed ex *præcipiti audacia*, & *incivili debitoris avaritia* (ita leg. videtur) acciderit *l. 3. Cod. de naut. fœn. vid. & Demosth. orat. contra Dionysodor.*

X. Aliquando pœna pecuniæ trajectitiæ promitti solet, quæ ex morâ committitur, etiam mortuo debitore & jacente hæreditate *l. 9. D. h. tit.* Peti tamen non potest pœna pecuniæ trajectitiæ, si creditor in mora accipiendi præstituto & expresso die fuerit *l. 8. D. eod.* Alioqui si interpellare cœpisset, & valetudine impeditus interpellare desuisset, pœna non committeretur. *l. 23. ff. de oblig. & act.* Si nemo adsit, qui à parte debitoris interpellari pecuniæ trajectitiæ causa possit, id ipsum protestatione coram bonis viris complectendum, quæ loco petitionis seu denunciationis erit *l. 2. D. h. t.* Debitor verò liberatur, si per eum non steterit, quo minus id quod debebat, dicto die solveret. *l. 105. de V. O.*

XI. Postquam navis salva domum rediit, mercatori indulgentur viginti dierum induciæ ad distrahendâs merces &

conficiendam pecuniam, quam creditoribus suis solvat, una cum usuris. Quod si pecunia credita diutius maneat penes debitorem, reliqui temporis post illos dies elapsos non amplius maritimæ usuræ, sed communes usitatæque solventur: quia tunc desit esse periculum creditoris l. 4. l. 6. *D. de navit. fœn. l. 1. C. eod. Nov. 106. Cujas. lib. 27. obs. c. 37. Salmas. c. 3. de mod. usur. pag. 91. & c. 8. p. 308.*

XII. Subjiciam hic exemplum rei judicatae de Nautico fœnore, quod ante tredecim annos in judiciis Regiis hujus regni discussum est, velut mihi amicus per literas bona fide retulit: *Navi NN. à R. H. per negligentiam naucleri confiscata, nauclerus nullam scit elabendi rimam, donec institor (Factor) Mercatorum H. ultrò pollicitatur se navim illam liberaturum; modò det ipsi obligationem ad modum nautici fœnoris pro sorte 4000. marcarum. Nauclerus in angustiis constitutus ejusmodi syngrapham dat factori, eum tamen ne teruntium quidem ab eo accepisset. Interim in collegio Admiralitatis ejus loci in quo navis erat, de ea disceptatur, & navis libera declaratur. Mercatores H. nihilominus pecuniam secundum obligationem datam, à nauclero & ejus principalibus efflagitant primò in judicio Gotheburgensi, ubi per interlocutoriam res ita deciditur: quamprimum*

num *H.* mercatores probaverint, pecuniam nauclero ab ipsorum factore esse numeratam, debere & eum & ejus principales illam *H.* mercatoribus cum debitis usuris refundere. ad cujus interlocutoria impletionem sex mensium spatium illis indultum est. quo elapso redeunt, & pecuniam sine ulla interlocutoria impletionem iterum postulant, aut navem unà cum mercibus tanquam hypothecam loco pecunia. Repetitur in judicio interlocutoria, in eaque concluditur, & sententia fertur, à qua mercatores *H.* appellant ad Regium Iudicium Gothicum. Interim dilatione ad priorem interlocutoriam implendam & alia documenta afferenda data & elapsa, secundum Gotheburgenses pronunciatur, sique liberi & immunes ab intentione actorum declarantur, actores verò debere damni sui, si quod passi sunt, restitutionem à Factore repetere. Adversus hanc *R.* judicii sententiam *Revisio* à victis petita est, sed irritò conatus, cum sententia *R. Iudicii* Gothici sit ibidem confirmata, excepta solummodo litis expensarum adjudicatione.

C A P. V I I.

De Jactu.

I. Quid sit Iactus.

II. III. Quando & quomodo faciendus.

IV. In

IV. In quibus rebus locum habeat.

*V. Pro derelicto non esse habendum, quod
qui salutis causa eiecit.*

VI. De temerario aut lascivo jactu.

VII. Homini in mare projecti pœna.

I. **S**I naufragii periculum in propinquo sit, solet ei, quum non aliud superest remedium, jactu occurri. *Iactus* nomen aliquando pro jactu retis, hic verò pro jactu mercium accipitur, qui navis levandæ causa fit: aliàs *jactura* authoribus dicitur ut fufius notavi ad Curtium; Sued. Kast.

II. Iactus faciendus non nisi metu præfente & iusto naufragii, atque laborante nave l. 2. D. ad leg. Rhod. de jactu l. 6. D. de mort. c. donat. Vani autem timoris iusta excusatio non est nec restitutio l. 184. D. de reg. jur. ut si ex inani & non timenda re in animo meticulosi hominis pavor oriat. Iustus autem metus est, si subita aut gravis procella tam vehementer jactet navem ut minetur naufragium, nisi jactu mercium allevetur: hic necessitas imperat jactum; unde dicitur in l. 2. §. 2. D. h. t. tempestate gravi orta, necessario jactura facta erat; aut si saxo vel fundo illidatur navis. exemplum inter alia habemus *Iona* ● l. 7. §. 1. Actor. c. 27.

III. Si

III. Si quidam vectorum ejicere merces velint, quidam recusent, plurium consensus hic obtinebit *c. 11. LL. Sued. de jure nautic.* Nam de majoris partis sententia jactum fieri, est consuetudinis nauticæ. Si verò ipsi mercatores ac vectores nolint in jactum consentire, vel absint, tunc si navarchus probet præsens periculum sociis navalibus, aut ipse unà cum gubernatore navis ac principe ministrorum nauticorum secundum Leges marit. V Visby. aut secundum alios, ex consilio majoris partis nautarum consentiat in jactum, domumque reversus cum trinâ manu nautarum jurato testari possit de præsentipericulo & necessitate, etiam invitis mercatoribus jactus fieri solet & potest. *art. 20. Iur. maritim. V Visbyens. & Statut. nautic. Westcapell. Quintinus V Veitse de Contrib. p. m. 464. Vinn. in Peck. ad leg. Rhod. de jact. pag. 195. 222.* Idem observandum, si navis metu naufragii exarmari, malus vel anchora navis aut rudentes amputari debeant. *arg. l. 2. §. 1. in fin. ad leg. Rhod. de jact.*

IV. Prius autem ejiciendæ merces majoris ponderis & minoris pretii. Sallustius *orat. vel Ep. 2. de rep. ord. Si quid adversi coortum est* (in navigatione) *de illis potissimum jactura fit, quæ pretii minimi sunt.* Et prius merces navì clam inscio navarcho
impo-

impositæ aut suppressæ, quam aliæ. c. 13. *LL. Suetic. de jure naut.* Indicanda etiam in tempore sunt bona cistis inclusa, antequam cistæ ejiciantur: quod nisi fiat, solæ cistæ quales extrinsecus apparent, non bona quæ in illis sunt, in æstimationem veniunt. *art. 40. Jur. maris. VVisb. Grot. Introd. jur. Holl. part. 29. vid. & in fin. c. 13. Jur. naut. Suet.* Propriæ quòque res potius quam alienæ, in quas nihil juris habemus, jaciendæ sunt. Si quis tamen rerum suarum servandarum causa alienas in mare projiciat, tenetur magistro navis ex conducto, & hic ex locato tenetur iterum domino mercium: ut detrimentum pro portione communicetur *l. 2. h. t.* non obstante, quod in *l. 14. D. de præscr. verb.* ulla actione teneri negatur: quia fecit hoc ex magna & necessaria causa, nimirum se & navem cum suis mercibus servandi, non ex Levitate & dolo. eatenus ergo non tenetur. quod colligere est ex istis legis verbis: *Si sine causa id fecisset, in factum, si dolo, de dolo tenetur.* AEquum tamen est, damnum ejus cujus merces jactæ sunt, contributione eorum, quorum merces servatæ sunt sarciri. *l. 1. 2. h. t. Vinn. in Peck. ad leg. Rhod. de jact. pag. 196. 197. 198 quem vide.* Si verò jaciantur alienæ merces, quas magister navis ex benevolentia & amicitia, nullum

nullum pro iis pactus naulum, transvehendas recepit, de iis non tenetur. *Statut. Prussic. lib. 4. tit. 19. art. 2. §. 3.*

V. Si quis jactum fecerit eo animo, ut si saluum fuerit, habeat, occupanti cedere nequit: quia jaciens non habuit animum derelinquendi. Itaque qui scit hoc & invenit, furti tenetur. Si verò hoc animo inveniens occupet, ut saluum faciat domino: aut si simpliciter vel derelinquendi animo jactatum (quod non facile præsumitur, nisi proberur *l. 25. D. de prob.*) occupet, furtum non facit: quod enim nullius est, cedit occupanti. *l. Falsus §. si jactum D. de furt.* Sed jactu levandæ navis causa ex necessitate fit. Seneca: *Necessitas est, quæ navigia jactu exonerat*; nec jacentes hanc mentem habent, ut res jactas pro derelicto habeant, idèò dominorum eæ permanent §. 48. *Inst. de rer. div. Lyklama lib. 7. Membr. ecl. 47. §. I.* Verum cum de hac re lib. 1. *Iur. maritim. cap. 7. §. 6.* fusius egerim, hîc brevior ero.

VI. Hactenus de jactu qui necessitatis causa fit. sed temerarius ac lascivus jactus est, si quis culpa vel dolo quid in mare ejecerit. Vt, si quis calicem alterius ex nave in profundum per negligentiam labi patiatur, aut nummos alteri excusserit, ut in flumen cadant, aut aliud quid de nave deje-

dejecerit, in factum actione, vel de damno dato tenetur *l. 14. §. 2. de præscr. verb. l. 55. in fin. de adq. rer. dom. l. 27. §. 21. ad l. Aquil. l. 6. §. 3. de his qui dejec.*

VII. Si quis hominem in amnem aut mare præcipitaverit, ita ut pereat, est pœna capitis *c. 14. de vulner. volunt. Iur. Suet. civit.* Et Quintilianus declam. 350. *Si quis in aquas præcipitatus sit, eadem lege vindicabitur, qua ille qui ferro percussus sit.* Si non pereat, est pœna pecuniaria *c. 3. de jure nav. Suet. conf. l. 7. §. 7. D. ad leg. Aquil. §. 11. Inst. eod.* Si quis alium cum armatis hominibus navi sua dejecerit, est vis publica; aut si mandarit per alium dejici; quæ vis intendit pœnam. *l. 1. §. 7. D. de vi & vi arm. l. 3. §. ult. l. 4. D. ad leg. Jul. de vi pub. Straccha part. 4. de Nav. n. 5.*

C A P. VIII.

De Contributione.

- I. De appellationibus, & re ipsa præsentis argumenti.
- II. Ejus origo & æquitas.
- III. Quotuplex sit.
- IV. V. VI. VII. Qui & quando contribuere teneantur.

VIII. De

VIII. IX. X. XI. De aestimatione rerum, pro quibus contributio debetur.

XII. Retentio mercium pro contributione.

XIII. & seqq. In quibus casibus cesset contributio.

I. **Q**Vando merces è navi ob dictam superius causam jactæ sunt, damnum hoc contributione relevari solet. Hujusmodi contributio aliàs tributum vel collatio, mercatoribus *Avarie* nuncupatur, vel *Haverie* / non à Græco *βάρος*; aut *βάρις*, ut putat V Veitſius in suo de contributione Tractatu, sed vel à Gallico *havre*, ut Boxhornius in epist. ad Vinnium derivavit, vel quod idem, à Teutonico *Haven/ portus*: unde & *Haveren* vel *Haverie* expresse in Statutis Hanſeatic. de jure maritim art. 37. & in jure Hamb. part. 2. t. 16. a. 4. 7. dicitur. velut enim alias quasdam voces in foro mercatorum usitatas ipsis mercatoribus debemus, ita & hanc, ex ipsius rei occasione, ut solet, natam. Quid enim aliud est Avaria, quam id, quod ab his quorum merces & bona in *portum* salva delata sunt, in eos confertur, quibus merces & bona sua jactu perierunt? ut rectè observavit Boxhornius dicto loco. Firmat illud, quod in jure Lubec. lib. 6. tit. 2. de jactu dicitur: jactum æstimandum esse

esse pro quota mercium, quanti æstimari possunt in *destinato portu*, als das Gut geladen möchte in der Haven dahin sie zu segeln bedacht waren / *ubi etiam statim solutio fieri debet.* quamvis autem contributio etiam pro alio detrimento, de quo postea, fieri possit, tamen præcipue ob iactas & deperditas merces fit: unde & Suedicè *Rast-geld* / Belgicè *Verp-geld* / Germ. *Verff-geld* appellatur.

II. Hæc contributionis ratio primum lege Rhodia existimatur esse instituta, ex mente legis 1. *D. ad leg. Rhod. de iactu.* AEquitas tamen ejus evidens & naturali rationi consentanea jure scripto est antiquior: ut nimirum omnium contributione farciatur, quod pro omnibus damnum contigit; præsertim contributione eorum qui amissis rebus aliorum suas salvas retinuerunt alioqui perituras, atque in hoc facti sunt locupletiores. Idcirco etiam ab aliis gentibus approbata, in mores legesque eorum recepta est: ut & jure Suedorum c. 11. 13. *de jure nautic.*

III. Contributio vel Avaria, ut vulgò vocant, duplex est, communis & grossa sive grandis, ut eam ex communi mercatorum stylo vel praxi dividit, & describit Vinnius in *Peck. ad legem Rhod. de iactu* pag. 193. sequentibus verbis: *Avaria communis est* 1. *Pecunia*

Pecunia quæ datur piscatoribus aut aliis personis locorum gnaris, ut navem salvam cum mercibus intacto constituent. 2. quod solvitur ab iisdem, dum prætervehuntur arces sive in fluminibus sive portibus. 3. quod solvitur pro navibus è flumine aut portu educendis. Hæc contributio vel Avaria dicitur communis, quod hæ impensæ sarciantur communi contributione mercium pro rata valoris cujusque; navis autem ipsa in hanc contributionem non vocatur. Avaria grossa vel grandis est, cum quedam merces jaciuntur in mare levanda laborantis navis gratia, aut armamenta navis, malus, anchora, rudentes, communis periculi removendi causa, dejiciuntur vel ceduntur voluntate navigantium: atque hoc damnum contributione omnium, ipsius etiam nautæ resarcitur. Vid. art. 12. 20. 21. 61. L. L. V Visbyens. Quintin. V Veits. tract. de Avar. Grot. 3. introd. ad jurispr. Bat. 29.

IV. Omnes autem quorum interest jacturam factam esse, cum cæ vita, res & navis eorum servatæ fuerint, conferre oportet, sive ponderosas, sive leves merces, quibus navis non oneratur, ut, aureos nummos, gemmas, margaritas, annulos navi imposuerint. adeò ut ne vestimenta quidem alicujus excipiantur, puta quæ cistæ inclusa, aut pro sarcina sunt; nec alia quæcumque cap. 11, 13. jur. naut. Suet. ne qui-

quidem res alienæ aut pignori obligatæ. *Vinn. d. loc. p. 232.* Ratio est quod hoc tributum *ob servatas res* (ita emenda pro *ob servata res*) debent *l. 2. §. 2. ff. ad leg. Rhod. de jactu.* Quin ipse navis dominus proportionè obligatur, quando navem suam habet salvam *cap. 11. LL. Svecic. de jure naut. d. l. 2. art. 20. jur. marit. VVisby.* Nautis verò ac ministris nauticis illud maritimum *VVisbyense* tantum unum vas immune relinquit *d. art. 20.* & ne quidem illud, si negligentiores fuerint in servanda nave. Quædam statuta non nisi certas illis sarcinas immunes à contributione concedunt.

V. Contributio ab omnibus præstanda est, non solum quando jactæ sunt merces, sed etiam quando navis pecuniâ numeratâ aut mercibus onusta à piratis aut hostibus expugnata vel capta, redimenda est: quia ista redemptio servavit navem cum numis & mercibus *l. 2. §. 3. de jactu.* Si ergo navem à piratis captam nauta redemerit, promissa certa pecuniæ summa, pro qua ipse interim captivus detineatur, liberandus erit communibus impensis, pro rata æstimationis cujusque mercium & ipsius navis. *Vinn. ad leg. Rhod: de jact. pag. 217.* quòd verò prædones uni vel alteri abstulerunt, is perdit cujus id fuit: cum res suo domino percat, & casui fortuito imputetur.

nec is confert, qui merces suas redemit. Hic enim particulare solum periculum est, ergo illorum tantum, quorum res fuerunt, damnum erit. *d. l. 2. §. 3. in fin.* Si verò tota navis expugnata & redempta sit, commune est periculum & communis utilitas: itaque omnes ad redemptionem obligati erunt. *Klock. de Contribut. c. 17. n. 302. & seq. c. 19. n. 337.* Hinc etiam commune detrimentum per hostes aut piratas illatum, & quidem extra incuriã nautarum, secundum communem praxin computatur ut avaria vel contributio grandis, in omnes naves & bona. *Statut. marit. Hansf. art. 37. Grot. Iur. H p. 22.* Item si malus aut aliud navis instrumentum voluntate vectorum, vel ob metum naufragii casum sit, ut navis cum mercibus liberetur, æquitas contributionis habebit locum *l. 2. §. 1. in fin. l. 3. l. 5. §. 1. ad leg. Rhod. art. 21. LL. Visb. c. 35. & 43. LL. Rhod.* Contributio quoque deberi putatur, si voluntate vectorum, aut majoris partis consensu navis in littus impacta sit. *Vinn. d. loc. pag. 208.* aut aliàs casu fundo illisa sit. *c. 11. Iur. Nautic. Sved.*

V I. Si navis pluribus mercibus onerata portum intrare nequeat, ideoque merces in levio rem navem aut scapham trajectæ sint, quæ submersa est, illi qui in navi reliquas merces salvas habent, hoc

mer-

mercium damnum contributione sarcient: quia per hoc illorum merces servatae sunt *l. 4. D. de jactu.* & cum consensu mercatorum aut vectorum hoc factum praesumitur aut probatur *l. 13. §. 1. D. locati.* Si verò invito domino & absque necessitate, culpa nautae merces in deteriore navem translatae sint, eaque navis cum mercibus perierit, cum nauta erit domino actio ex locato conducto *d. l. 13.* Aliud verò statuendum, si id sine dolo & culpa ejus factum sit *l. 10. §. 1. de jactu.* Sed hac de re plura inf. lib. 3. cap. 5. §. 7. Si navis in tempestate, jactu mercium unius mercatoris levata, in alio loco submersa sit, & aliquorum mercatorum merces per urinatores pro certa mercede extractae sint, contributio praestabitur illi cujus merces jactae sunt ab iis, qui postea per urinatores merces suas salvas receperunt *l. 4. §. 1. de jactu Paul. lib. 2. Sent. 7. §. 2.* quia jactus factus est ob navim & residuas merces servandas. Atque si jactus non esset factus, mercator (cujus jactae merces) commodum vel retinendi vel recuperandi in totum aut ex parte habuisset, ut reliqui mercatores: quod commodum ipsi per jactum est ademptum: ergo à reliquis pro portione resarciendum. *Quint. Weitz. de contr. p. 463. col. 1.* ubi hoc in quotidiana praxi observari testatur.

VII, Hoc

VII. Hoc generatim notandum, duo hîc concurrere debere, ut contributioni locus sit, jacturam rerum ex una parte, & conservationem rerum ex altera! parte. eique cujus res jactæ sunt præstandam esse contributionem ab his quorum res per hanc jacturam servatæ sunt, ut ista contributione damnum eorum resarciatur. Vnde Paulus ait 2. Sent. tit. 7. §. ult. *Collatio intributionis ob jactum salva navi fieri debet.* Utilitas quoque & æquitas suasit, ut quod de jactu cautum erat, interpretatione porrigeretur ad simile damnum ex alia causa datum, *Vinn. d. loc. pag. 206.* Quo percepto, ut ait, non erit difficile de aliis quæstionibus quæ hîc incidunt, judicare.

VIII. Res autem jactæ sic æstimandæ sunt, ut tam salvæ quam amissæ res cum navi in æstimationem veniant, non quanti istæ merces emtæ sunt, sed quanti jam sunt (forfan adspergine minoris pretii factæ) & quanti bonorum peritorumque virorum arbitrio æstimari vendique possunt; deductis inde prius vecturæ & aliis necessariis expensis. *art. 28. L. L. Visbyens. l. 2. §. 4: de jactu Vinn. d. lib. pag. 219 220. c. 10. formam Island. L. L.* Quibus omnibus in unum collatis fiat contributio pro rata bonorum cujusque tam deperditorum quam servatorum. Hîc autem pro-

I

portio

portio dupla observabitur, velut innuit
l. 4. §. 2. d. t. t. & pluribus explicat Baldui-
 nus in hanc legem. E. c. Ieci decem, tu
 tua servasti, quæ etiam sunt decem, Sejus
 sua quæ sunt viginti, & Sempronius sua
 quæ sunt quadraginta. In collatione ad sar-
 ciendum jacturæ damnum Sempronius
 mihi tribuet quinque, Sejus duo & unius
 dimidium: tu unum & alterius quadran-
 tem: ego tantundem acceptum mihi fe-
 ram. Sic contributio respondebit jacturæ.
 Hoc quoque usu observari notat V Verfli-
 us in Tract. de Avaria, ut, si jactura a mer-
 cium facta sit, antequam dimidium itine-
 ris navis confecerit, amissæ merces non
 pluris æstimentur, quam quanti emtæ sunt.
 dimidio vero itinere jam superato, eo æsti-
 mentur pretio, quo venditæ fuissent loco
 destinato. Idem moribus Belgarum, Bri-
 tannorum & Francorum dudum observa-
 tum notant viri docti & communi consue-
 tudine nonnihil recessum esse à distinctione
 Juris consulti in *l. 2. §. 4. ad dictam legem*
Rhod. de jactu, textumque ad usum com-
 munem accommodandum videri. Sed &
 malus, anchora aut rudentes necessitatis
 causa cæsi, ut jactæ merces æstimabuntur,
 secundum jus maris V Visbyense *art. 21.*
 Nummorum æstimatio fiet secundum in-
 ternam bonitatem. *Grot. par. 29. introd. jur.*
Hel. p. 86. IX. In

IX. In gravi tempestate jacta est cista in qua mercator ait pretiosas gemmas fuisse reconditas, quomodo inde æstimatio & contributio facienda erit? Hic inspiciendum erit instrumentum contractus nautici, quod *charte partie* vocant, & *rationarium* scribæ nautici, quantum pro vectura solverit dominus illius cistæ, pro quantâ mercede locarit & ubi deposuerit in navi, à quo inclusas gemmas emerit, quantum vectigal pro iis expenderit, cum similibus circumstantiis; & in tantum æstimanda erit ejus arca. Alias si de contentis in arca nihil constet, nec dominus ante jactum ea indicaverit magistro navis, tunc in censum communium bonorum venit, & ut extrinsecus apparet, velut cista solum æstimatur. *art. 40. jur. mar. Visby. quint. Veit. tract. de Nav. sup. c. 7. §. 4.* Quod vero lex Suetica in c. 13. de jure naut. vult jacta bona cistæ inclusa æstimari & contributione sarciri, ut præsentem pecuniam; hoc interpretandum videtur secundum *caput. 11. eod.* ut æstimentur pro rata vel quota, ex *ter Martatati* / ut ibidem in genere de omnibus jactis dicitur, & quatenus de illis constet, aut jurato vel per alia documenta adscribitur.

X. Si magister navis ex Hispania veniens nondum plenam operationem (Lading) habeat

beat, ad quam explendam recipiat in Anglia pannos, quos unà cum mercibus Hispanicis coactus fuit jacere, quæritur an domini mercium Hispanicarum, qui nihil participarunt ex pannis Anglicis, postea in navem receptis teneantur contribuere in prædictam jacturam? Quod affirmatur, si fecerit hoc volentibus dominis mercium Hispanicarum & cæteris sociis. Si verò fecerit hoc magister navis illis invitis ac protestantibus de casu & damno extra cursum & viam ordinariam dato, inde tenebitur ipse magister navis. *Veitse p. 465. col. 1.*

Si verò mercator pro plena mercede totam navim conduxerit, cum ea conditione, ut magister navis alias merces non recipiat in navem, quam ipsius: magister autem navis nihilominus quasdam sarcinas aut merces acceptarit, easque in foris navis collocarit, quas postea coactus est jacere, quæritur num conductor navis ad earum contributionem teneatur? Teneri videtur, quia ejus merces per jacturam sarcinarum in foris positarum salvæ manserunt, quæ tamen in communi periculo fuerunt. Ex quo enim sunt commoda, ejus incommodum ferre æquum est, ut ait Bacchis apud Terentium. Quintinus *Veitius* hîc adfert exemplum de duobus convivis qui solvere tenentur hospitii sumtus

sumtus convivii, licet de eo expresse non convenerit. quod tamen non satis appositum videtur. Contribuenti tamen datur reconventio adversus navis magistrum, quod contra pactum venit. quamvis enim magister navis possit aliquid in sua navi facere, quod in pacto non est expressum, modò faciat sine damno & periculo alterius; non tamen in præjudicium tertii qui jus quæsitum habet, facere potest. *vid. Quintin. 465.*

XI. Etiam si corpora hominum libera nullam recipiant æstimationem. *l. 2. §. 2. ad leg. Rhod. de jactu*, tamen si quis in ministerio navis aut conflictu cum piratis aut hostibus, læsus, vulneratus aut occisus fuerit, hujus detrimenti reparatio cum plena mercede & vectura sumtibusque sepulturæ computari, & communi contributione navis & mercium sarciri solet, ex arbitrio bonorum & peritorum virorum. *art. 37. Statut marit. Hanseat. art. 28. leg. naut. Caroli V. art. 2. leg. nautic. Philippi 2. Reg. Hisp. de jactu. Vinnius ad leg. Rhod. de jactu. 213.* Si verò eò debilitatis sit redactus miles vel minister nauticus, ut victum sibi quærere non amplius possit, ex publico aletur. *d. art. 37. L. L. marit. Hanseat.*

XII. Quamvis illi quorum merces jactæ sunt nullam eo nomine actionem habeant

adversus ceteros, quorum simul cum nave merces servatæ sunt : quia nullus hic contractus aut quasi contractus initus est, neque delictum admissum ; tamen contra magistrum navis ex locato agere possunt ratione locationis mercium vehendarum : & is cum alijs quorum merces salvæ sunt, ex conducto, ut eorum merces retineat donec portionem damni pro rata præstent. aut, si adsint qui nullas merces vel sarcinas in navi habeant, tamen magister navis cum ipsis agere potest, quatenus locum in navi conduxerunt, ac mercedem pro sui transfectione promiserunt. Licet verò dicatur : qui non habet, quod perdat, ejus periculo nihil est *l. 12. D. de furt.* ideoque nulla actione teneri videantur ; tamen vi-ram vel corpus perdere poterant, quod servata navi servatum est. atque si non aliud, tamen vel colligata vestimenta, vel pecuniam secum in itinere habebunt, cujus nomine pro rata conferent. Ius autem retentionis hic æquissimum est : ne si nauta singulos vectores persequi deberet, contributio eludatur : cum sint homines plerunque ignoti, & qui aliò properent, & nave egressi disfluant ac diffugiant *l. 2. D. ad leg. Rhod. de jactu*, & in eam fusa interpretatio consulenda *Balduini, Peckii, Vin-
nii, Cujacii 3. Obs. 2.* Si quis autem ex ve-
ctoribus

etoribus solvendo non sit, hoc detrimentum magistri navis non erit: nec enim fortunas cujusque nauta excutere debet. *l. 2. §. 6 de tit.* quod ita accipiendum est, non solum magistri navis, sed commune omnium detrimentum fore, qui in navi fuerunt, & ex lege Rhodia ad contributionem vocantur. *Vinn. d. loc. p. 235.*

XIII. Reliquum est ostendere, in quibus casibus cesset contributio. Et primò dubium esse potest, si jactu facto alicujus res quæ in navi remanserunt, aspergine vel effluxu deteriores factæ sint, num & ille conferre cogatur? Primo intuitu non videtur debere conferre: ne afflicto addatur afflictio, duplicique oneretur damno & collationis, & quod res ejus deteriores factæ sunt. Defendendum tamen est, hunc conferre debere, quia præstat rem deteriorem, quam nullam habere, & quidem conferre pretio præsentis rerum, id est æstimatedis rebus, quanti hodie sunt, non quanti erant, cum navi imponerentur. E. c. Si viginti aureorum meræ duorum fuerint, & alterius, res aspergine vel effluxu deteriores factæ decem esse cæperint, ille cujus res integræ sunt, pro viginti conferet, hic pro decem. Ita fiet, ut non afficiatur duplici damno is cujus res deteriores factæ sunt, cum non nisi detracto deterioratio-

nis pretio conferat. Inprimis tamen inspicendum est & distinguendum, ex qua causa deteriores factæ sint, an propter jactum, & sic collationi pro rata æstimationis locus erit (nam & quod deterius fit, ex parte perit. *l. 9. §. 3. ad exhib.* & totum tamen perditum non est) an verò culpa nautæ, quod non bene stiparit & picarit navem, aut non diligenter asservarit merces, nec contra asperginem marinam ciliciis bene texerit: aut, si navis sentina nimis oppleatur, non statim significet iis qui merces in navi habent, ut eas exponant; aut sentinam in tempore non exhauserit: hic contributioni locus non erit, sed nauta cum exercitore, tenebitur. *c. 34 leg. nautic. Rhodior. & c. 38.* Præterea distinguendum, an plus sit in collatione an damno contribuentis. Pone mercatorem conferre debere decem aureos, si damnum datum non fuisset; damnum autem adasperginis æstimari duobus aureis; hic plus est in collatione quam damno. Igitur deductis illis duobus aureis, conferre cogetur octo. Si vero damnum sit decem aureorum, collatio duorum, hic quia plus est in damno, quam collatione, dicendum est, cum conferre non debere. Sed ei potius subveniendum esse, & in eum pro rata conferendum, qui deteriores ob jactum res habere cœperit,

rit, ab illis qui res suas servaverint. prout hæc latè Papirius Fronto & Callistratus exsequuntur in *l. 4. §. 2. ad legem Rhod. de jactu.*

XIV. Si jactum fieri necesse sit, quod magister navem plus æquo oneravit, aut perperam collocavit merces in foris, hoc detrimentum non sarcietur communi contributione, sed ad exercitorem & magistrum navis pro rata pertinebit *arg. l. 27. §. 23. D. ad leg. Aquil. l. 30. §. 2. D. locat. Grot. introd. jur. H. 3, 29. Vinn. ad Peck. 236.* Solius verò exercitoris damnum erit, si ejus voluntate & periculo merces foris imposuerit magister navis. hic tamen quod in hoc consenserit, nec foros puros & non impeditos reliquerit, pro parte multabitur.

XV. Si per imperitiam, aut non adhibito perito loci ductore scopulis illisa navi jactus sit faciendus, id damnum erit magistri navis. *Vinn. ad legem Rhod, de jact. p. 236.*

XVI. Cessat præterea contributio, si nave à piratis expugnata aut capta merces promiscuè & sine delectu à piratis vi raptæ sint, perdit enim quisque quod ejus fuit: quia nec voluntate aliorum amisit, nec ipse volens. *l. 2. §. 3. de jactu & ibi Accurs. vid. sup. §. 5. nisi aliud convenerit.* Sed si nau-

clerus inducat piratam ad specialia bona rapienda, & alia relinquenda, contribuendum erit nomine ablatorum: quia propter demonstrationem raptarum mercium alii consecuti sunt, ut suas salvas haberent.

Quintin. VVeits. de contrit. p. 462.

XVII. Cessat collatio, si conservatis mercibus deterior facta sit navis, aut à magistro navis exarmata, non requisito consensu vectorum, nec instante periculo naufragii. dissimilis enim earum rerum causa est quæ navis gratia parantur, & earum pro quibus mercedem aliquis accipit. Nam etsi faber incudem aut malleum fregerit, non imputabitur ei qui locavit opus *l. 2. §. 1. de jactu*. Eadem ratio est, si navis quæ adversa tempestate aut ictu fulminis depressa, deterior reddita, aut armamentis quibusdam exuta aliò naviget, ibique onus recipiat, hi quorum onus est, nautæ pro damno non conferent. Si enim finis harum impensarum respiciatur, magis navis instruendæ quam servandarum mercium causa factæ sunt *l. 6. d. tit.* Veluti si faber malleum, aut architectus securim fractam refici curaverit, hoc faciet suis, non conductoris operæ sumptibus.

XVIII. Cessat porrò contributio, si res jactæ, postea salvæ apparuerint aut restitutæ sint, vel naufragio liberatæ sint; etiam si
navis

navis perierit. Contributionis enim æquitas tunc admittitur, cum jactus remedio cæteris in communi periculo, salva nave; consultum est *l. 5. de jact.* & quod quisque ex naufragio servat, velut ex incendio sibi servat *l. 7. eod.* Si verò jam contributio facta sit, illi qui contribuerunt agent ex locato cum magistro navis, ut is ex conducto experiat, & quod exegerit, reddat *l. 2. §. 7. d. tit.*

XIX. Si navis jactu levata postea nihilominus tempestate pereat, nihil contribuendum est, nisi merces perditæ extrahantur. Contributioni enim locus nisi salvis rebus esse non potest quibus deperditis perinde ab obligatione jactus liberantur vectores, atque debitores interitu speciei. *VVesenbec. paratit. ad leg. Rhod. de jactu n. 5. ex l. 23. de V. O.* hic tamen lex 37. de ~~20~~ magis est accommodata, quam lex 23. *eod.* à VVesenbecio citata.

XX. Si scapha, in quam pars mercium, navis onustæ levandæ causâ (de quo casu sup. h. cap. §. 6.) trajecta est, cum illis mercibus salva sit, & navis perierit, contributio non habet locum, sed tunc demum, cum per jactum navis servata est *l. 4. vers. contra si scapha ff. de jactu.* Navi autem amissa collationi locus non est *l. 4. §. 1. l. 1. D. eod.* Et hoc est quod Paulus ait lib. 2.

Sent. t. 7. *Nave perditâ, conservata cum mercibus scaphæ ratio non habetur.*

XXI. Cessat denique collatio in cibariis quæ quis in itinere consumendi causa navis imposuit: quæque, si alia cibaria in navigatione defecerint, necessitatis causa in commune conferenda sunt. l. 2. §. 2. *de jactu.* Grot. *de jur. b. e. p.* 2, 2; 6. Sed & contributio cessat in necessariis vestibus, quas quis corpore suo gestat, & quæ ordinatio cultui & amictui corporis serviunt; exceptis monilibus & aliis hujusmodi. *Vinn. ad leg. Rhod. de jactu.* pag. 213. Cui plura de hoc argumento scire lubet, adire poterit *Quintin. VVeitsii Tractatum de Avaria Belgicè scriptum.* quamvis inde potiora excerpta, suisque locis inserta, & communi usui applicata sint.

J o h.

JOH. LOCCENII
DE JURE MARITIMO
ET NAVALI
LIBER TERTIVS.
CAPUT I.

De Donatione mortis causa,
Testamento, Legato nau-
tico & Successione.

- I. De modis acquirendi, per transitionem.*
- II. Quæ donatio mortis causa.*
- III. Quotuplex.*
- IV. Conditiones mortis causa donati.*
- V. VI. Testamenti nautici privilegium, probatio.*
- VII. Legati nautici objectum & modus.*
- IIIX. Conditiones ejus.*
- IX. Num omnes implenda sint.*
- X. Successionis inter consortes navis privilegium jure Rom.*

I. **E**Xtremum hujus opusculi laborem
Lector mihi concedet, ut, viâ maris
apertâ & tutâ, qua datur, exponam quid à
privatis mare navigantibus ac negocianti-
bus vel proprietatis acquirendæ, vel mu-
ruæ obligationis causâ exerceri & contra-
hi jura dicent ac permittant, Dominium

rerum vel jure gentium vel civili quæri, recognoscimus ex principiis juris, & jure gentium inter cetera Occupatione, Accessione, Emptione, de quibus partim sup. ex occasione dicere occupavi lib. 1. c. 6. §. 3. 8. & c. 7. §. 6. 7. partim inf. hoc lib. ulterius dicam. Jure civili per præscriptionem, Donationem, hæreditatem. De Præscriptione, quatenus huc facit, lib. 1. c. 6. §. 1. & cap. 7. §. 6. c. 9. §. 5. c. 10. §. 8. actum est. De Donatione, præsertim quæ mortis causa fit, Testamento, Legato, & Successione breviter hic, quantum nostrum admittit institutum, & jura de illis singularia quædam tradunt, agemus. reliqua de modis acquirendi, ex communi jure, quæ hic repeti nihil necesse est, recognosci possunt.

II. Mortis causa donatio est, quæ fit in eventum mortis, vel, ut in jure describitur, quæ fit propter mortis suspensionem, cum quis ita donat, ut si quid humanitus ei contigisset, haberet is qui accipit. In summa mortis causa donatio est, cum magis se quis velit habere, si supervixerit, quam cum cui donat; magisque cum cui donat, si moriatur donans, quam heredem suum. §. 1. *Inst. de donat. l. 1. D. de mort. caus. donat.* Quod Iurisconsultus ibidem illustrat exemplo Homerij ex Odys-

scæ

scæ lib. 17. de muneribus Menelai, quæ Telemachus donat Piræo.

III. Hujus donationis tres species fecit Iulianus lib. xvi 1. Digestorum: 1. cum quis nullo præsentis periculi metu contritus, sed sola cogitatione mortalitatis donat. 2. Cum quis imminente periculo commotus ita donat, ut statim fiat accipientis. 3. Si quis periculo motus non sic dat, ut statim fiat accipiens, sed tunc demum cum mors fuerit insecuta. l. 2. *D. de mort. c. don.* Præterea mortis causa donare licet non tantum infirmæ valetudinis causa, sed periculi etiam propinquæ mortis vel ab hoste vel prædonibus vel ab hominis potentie crudelitate aut odio, aut *navigationis in-eunda* causa l. 3. *ead.* de qua hic propriè sermo est.

IV. Si quis ergo mortis causa donans, in itinere maritimo decesserit, huic donationi locus erit. Non enim videtur perfecta donatio mortis causa facta, antequam mors insequatur, ut dicitur in l. 3 2. *D. h. tit.* Si verò salvus ex navigatione domum redierit, donatio hæc revocatur. nisi cum ea conditione facta sit, ut nullo casu sit ejus repetitio l. 13. §. 1. *in fin.* l. 35. §. 4. *d. tit.* sed hic causa donandi magis, quam mortis causa donatio, & instar donationis inter vivos est l. 27. *d. tit.*

V. Te-

V. Testamentum à nautis in navi quoque modo factum, ratum erit. illi enim jure militari testari possunt: cum nautæ in classibus sint loco militum *l. un. §. 1. D. de bonor. possess. ex testam. mil.* idcirco eodem hic privilegio gaudent, quo milites: & quæ de militari testamento jura tradunt, etiam huc commodè referri possunt.

VI. Veruntamen ut constet de seria ac destinata voluntate testantis nautæ, siue in scriptura siue nudis verbis expressa, ea probabitur assertionem hominum ad hoc ab ipso convocatorum *arg. §. 1. Inst. de testam. mil.* aut, si de illa dubitetur, jurata eorum assertionem jure Sued. *arg. c. 17. Iord. Doer. & Revis. LL. pro. Sued. sub Carolo 9. ad caput. 7. tit. LL.*

VII. Cum donatio mortis causa legatis in testamento relictis quoad effectus connumeretur *l. 4. Cod. de donat. causa mortis.* æquè legatum subsistit, atque donatio mortis causa, siue quis navem, siue fructus ejus, ut naulum leget *l. 39. §. 1. de legat. 1.* aut vecturam *l. 29. de har. pet. un. Cod. de rei ux. act. §. 7.* aut corpora numerorum aut rerum in arca *l. 51. D. de legat. 1.* Sive quodcumque aliud modò fiat in præsentia testium; atque sic non opus habet insinuatione *d. l. 4. c. de don. c. m.*

VIII. Num lignis legatis etiam tignâ
& alieq

& afferes ad ædificandam navem paratæ continebuntur? Non videntur, nisi hoc voluisse testatorem constet. Lignum enim, propriè & strictè loquendo, comburendi causa comparatum est *l. 55. de legat. 3. & § 5.* Sed si materia legata sit, quæ ad ædificationem navis necessaria est, aliud dicendum. Si vero materia legata, navis ex ea facta sit, non vindicabitur *l. 88. §. 1. eod.* Aliud enim est materia, aliud compositum aut constructum ex materia.

IX. Naves etiam in instrumento fundi, vel instructo fundo legato continentur quatenus exportandorum fructuum causa comparatæ sunt *l. 12. §. 1. ff. de instr. vel instr. leg.* Instrumento piscatorio legato non solum retia, nassas & fuscinās, sed navicellas quoque contineri Aristo ait, quæ piscium capiendorum causa comparatæ sunt *l. 17. §. 1. de instr. vel instr. leg.* non vero pisces, ut olim *d. l. cum liberi homines*, aut servi, quales hodie, non sint in bonis nostris, ideoque alienari nequeant. *conf. quoque l. 27. eod.*

X. Legati conditiones in futurum tempus proprie conferuntur. Nulla est proprie conditio quæ in præteritum aut præsens tempus confertur, ut: Si navis in portu stat. *l. 10. §. 1. De condit. inst.* nam si conditio vera non sit, non valet; si vera sit,

fit, statim tenet. quæ enim per rerum naturam certa sunt, non morantur obligationem, licet apud nos incerta sint. §. 6. *Inst. de verb. oblig. l. 37. D. de reb. cred.* Pone ita legatum esse: *Si navis ex Asia venerit*, & ignorante testatore navis venerit ex Asia, testamenti facti tempore, pro impleta habebitur. *l. 2. l. 10. §. 1. D. de cond. & demonstr. vid. & sup. lib. 2. c. 5. §. 9. in fin.*

XI. Non omnis conditio, quæ testamento aut legatis adjecta est, statim implenda est; nisi talis sit, quæ impleri debeat. Etiam si enim suprema defuncti voluntas pro lege sit habenda, quatenus juri & bonis moribus est consentanea; non tamen inhumanæ aut inhonestæ conditioni parendum est *l. 14. 15. D. de cond. instis. E. c.* quidam in suo testamento hæredem scripsit sub tali conditione, *Si corpus ejus in mare abjiciat.* quærebatur cum hæres institutus conditioni non parvisset, an expellendus esset ab hæreditate? Modestianus respondit, laudandum esse magis, quam accusandum hæredem, qui corpus testatoris non in mare secundum ipsius voluntatem abjecit, sed memoriâ humanæ conditionis sepulturæ tradidit *l. 27. D. de cond. inst.* ubi sic notat Gothofredus: *Conditio inhumana, quæ humanitati contraria est, tanquam*

quam juri contraria spernitur. Aliud verò statuendum erit, si aliud more maritimo observetur; aut si navi in remoto loco versante, contagionis aut morbi periculum ex fœtore cadaveris diu insepulti in navi jacentis metuendum sit. Ita Franciscus Draucus Angelus, qui totum orbem circumnavigarat, cum tandem in itinere Americano fatis concessisset, nautico funere in mare tormentis displosis demissus est eo fere loci ubi primum fatis monstratus secundis successibus inclarescere cepit; ut refert Camdenus in Historia Elisabethæ ad annum 1595. Plura de legatis nauticis per occasionem *sup. lib. I. cap. 2. §. 6. 7. & cap. 7. §. 13. 14.* notata huc quoque referri possint.

XII. Si quis navicularius sine testamento & liberis vel successoribus defunctus sit hæreditas ejus jure R. non ad fiscum, sed ad corpus naviculariorum, ex quo fatali sorte subtractus est, defertur. *l. 1. Cod. de hered. decur.* quod est singulare juris Romani. Cetera communi juri successionis conveniunt.

CAP. II.

De Contractibus nauticis,
qui re fiunt.

I. De Obligatione.

II. Credens aut mutuò dans pecuniam in navim armandam aut reficiendam, an ius tacita hypotheca habeat.

III. Credentis in cibaria nautarum, & in merces sibi obligatas privilegium.

IV. Mutuum naufragio aut incurfu piratarum perditum restituendum.

V. De diligentia in servanda navi aut scapha commodata.

VI. Num casus fortuiti in re naviganti commodata sint præstandi.

VII. Num in naufragio res commodata aut deposita præferenda sit propria.

VIII. De deposito naufragii causa.

I. **A** Donatione mortis causa, testamento & successione descendimus ad obligationem magistrorum navis & vectorum, vel ex contractu vel delicto. Sed de contractu prius, qui præcipuè vel re vel consensu fit. re, ut mutuum, commodatum, depositum, pignus. Consensu, ut emptio ven-

venditio, locatio, conductio, societas, mandatum; velut ex elementis juris liquet. Sed hæc non ulterius, quam præsens materia postulat, quamque leges de eodem argumento suppedirant, tractabimus reliqua ex communis juris usu circa contractus petenda sunt.

II. Quamvis communis ferme sit opinio, cum qui in navem armandam aut reficiendam credidit aut mutuo dedit, jus tacitæ hypothecæ habere, tamen, ubi lex expressa deficit, haud temerè asserendum est. Nam *l. 5. D. qui pot. in pign. & l. 34. D. de reb. auth. jud. poss.* dant solum privilegium personale credentibus pecuniam in navem armandam aut reficiendam, quo præferuntur aliis creditoribus chirographariis. qua de re lib. 1. cap. 2. §. 2. jam prolixius egi. Nec obstat *l. 1. D. in quib. c. pign. t.* non enim procedit argumentum à credito in restitutionem collapsarum ædium, in quo publici decoris & ornamenti urbis contemplatio versatur *l. 2. C. de ædific. priv.* ad creditum in refectioem navis. Sed aliud statuendum erit, si expressum & speciale pactum de hypotheca accesserit. *l. 5. qui pot. in pign. l. 7. cod. eod. & fuse ac nervosè Vinnius ad Peckium in tit. de Exerc. act. pag. 100. & ad leg. Rhod. de jact. pag. 233. 234.* Iure tamen Hamburgensi datur

datur in hoc casu beneficium tacitæ hypothecæ. *part. 2. statut. Hamb. tit. 4. art. 14. C. 1. §. a. 7.* Sed hoc est juris mere positivi.

III. In cibaria nautarum credens, sine quibus navis salva pervenire non potest, etsi posterior, potior tamen est priori creditore chirographario *l. 6. D. qui pot. in sig.* Item si quis in merces sibi obligatas crediderit, vel ut salvæ fiant, vel ut naulum exsolvatur, potentior erit licet posterior sit creditor. Nam & ipsum naulum potentius est. *d. l. 6. qui pot. §. 1.*

IV. Si mutuum naufragio vel incurso piratarum perierit, nihilominus ad restituendum debitor obligatus manet. Quamvis enim casus fortuitos humanum consilium vel providere vel prohibere nequeat, *l. 2. §. 7. D. de administr. rer. ad civit. pert. c. 35. de jure adific. L. L. prov. Sued.* tamen hic mutuo accipiens tenetur: quia non idem individuum, sed idem genus aut tantundem restituere debet *§. 2. Inst. quib. modis re contrah. oblig.* Vid quoque *c. 16. 17. 18. LL. Rhod.* Quæ de scenore nautico in jure habentur, haud incommodè huc quoque referas de quo ob connexionem materiæ jam sup. lib. 2. c. 6. dixi.

V. Qui utendam navem alienam accipit, exactam diligentiam ei custodiendas præ-

præstare teneretur nec satis est tantam diligentiam adhibuisse, quantam suis rebus adhibere solitus est, si alius eam diligentius poterat custodire. *arg. §. 2. Inst. d. tit. quod de navi dictum, idem de scapha accipiendum est. non minor enim diligentia in eo quod sequitur rem commodatam, quam in ipsa re principali præstanda est. l. 5, §. 9. D. commodati.*

VI. Cæterum quæstionis est, num casus fortuiti in re quacunque naviganti commodata sint præstandi? Sane jure R. non præstantur, cum illis resisti nequeat *l. 18. D. commodati*, ubi naufragium & piratarum incursus etiam inter istos casus referuntur. & quæ sine culpa alicujus accidunt, à nemine præstantur *l. 23. in fin. de reg. jur.* Si verò alicujus culpa is casus intervenerit, ex eo teneretur. Vt si alicui quædam pocula argentea idèò utenda dederit, quod is amicos ad coenam vel nuptias se domi invitaturum diceret, & ea peregrè secum portaverit, & naufragio vel prædonum incursu perdiderit, sine ulla dubitatione hunc casum præstare debet. *d. §. 2. Inst. quib. m. r. c. o. l. 18. D. commod.* Quamvis jure Suecano *c. 20. §. 2. de jure adific. LL. civit.* ex casu fortuito etiam extra culpam alicujus dato commodans teneri videatur: cum verba legis generaliter & indefinitè, *Huru*
ebet

thet hält hånda fan/ loquantur, & commodantis utilitatem hic respicere videantur.

VII. Si quis in naufragio simul res suas & alienas sibi commodatas aut commendas vel depositas servare nequit, an res suas præferet alienis? quamvis alii hunc casum aliter decident, vid. *Pac. de Contra. 3. c. ult. n. 48. Affelman. Colleg. contract. Disp. 4. th. 23.* tamen hæc mihi simplicior & juri nostro convenientior decisio videtur: ut, cum posset quis res alienas salvas facere, suas prætulit, etiam ex hoc damno fatali teneatur *l. 5. §. 4. D. commod.* non enim minorem salva fide alienis rebus quam suis diligentiam præstabit. *sup. l. ca. §. 5. l. 32. D. depos.* Si vero & suas & alienas res naufragio vel alio casu amiserit, ad restitutionem vel rerum alienarum æstimationem præstandam non tenebitur *c. 5. de jure merc. LL. Suetic. civit. c. 9. LL. prov.* Si verò partem aliquam rerum propriarum naufragio liberavit, alienam verò perdidit, quid tunc statuendum erit? De hoc *LL. V Visigothorum*, quam me lectorem audire malo, à quibus *lib. v. tit. 5. l. 5.* hic casus pulchre & ex æquitate deciditur. Verba Legis Gothicæ hæc sunt: *Qui commenda vel commodata suscepit, & de ruina aut de incendio vel hostilitatis naufragio, seu quolibet simili casu, sua omnia liberaverit & aliena*

et aliena perdidit, quod accepit sine aliqua excusatione cogatur exsolvere. Si vero partem aliquam de rebus propriis liberasse cognoscitur, illi cujus res secum habuerat, juxta modum perdita rei vel liberata restituat, quantum judex ratione deducta aestimaverit portionem. Si autem sua omnia perdidit, cum liberaret aliena, et de liberatis, et de perditis rebus similis ratio deducatur, ut partem arbitrio judicantis qui liberavit accipiat. Iustum est enim in simili casu, ut ille non damnum solum excipiat, qui se gravibus objecit periculis; et dum aliena minora conatur liberare, sua majora perdidisse cognoscitur. In hac autem lege circa initium pro hostilitatis naufragio, emendandum esse hostilitate seu naufragio, patet ex inscriptione legis: *De rebus commendatis, et casu quocumque in naufragium missis*. Atque sic sensus erit evidentior. idem liquet ex ipso contextu.

VIII. Si quis inficietur depositum naufragii causa, in duplum lege nautica Rhodiorum cap. 14. & jure Rom. tenetur. l. 1. §. 1. et 4. *D. depositi*, ubi Ulpianus hanc legis aut pœnæ istius rationem adfert:

Quod si quis depositum alicui dicta necessitate extante commissum inficietur, merito in duplum teneatur, cum hic perfidia crimen crescat, quod publica utilitatis causa coercendum est. est enim inutile in causis hu-

jusmodi fidem frangere. ubi inutile idem quod perniciosissimum esse notavit cl. Rittershusius in LL. xi 1. Tabb. class. 3. p. 3. c. 14. quamvis ibi memoria errarit (quod facile fieri potest) dum l. 1. §. prator ait ff. de positi allegat, quæ est l. 1. §. hæc autem. ff. de positi. Confer sup. lib. 1. cap. 7. §. 15. notata.

C A P. III.

De Pignore navis & rerum in navi.

- I. Navis oppignoratio pro debito. Ejus privilegium.*
- II. Num in pignore silvæ etiam materia navis comprehendatur.*
- III. Translationem navis in alia loca ac venditionem quibusdam Statutis immutare pignoris conditionem.*
- IV. Magistrum navis jus tacite hypothecæ in bonis vectorum pro nautico & contributione habere.*
- V. Num creditor impetu aquarum pignus amittens jus crediti amittat.*
- VI. De rate à creditore in flumine retenta, & si fluminis ablata, quid jus decernat.*
- VII. Cur conductæ navis possit relocari alii, non verò pignori obligari.*

I. **R**estat de uno adhuc contractu qui refit, nimirum de Pignore navis ut agamus. quamvis jam de eo aliquid in superioribus ex occasione delibaverimus, tamen quæ adhuc addi possunt, in hoc caput rejicere visum est. Navis obligari pignori potest pro debito à domino navis, & quidem pluribus creditoribus in parem summam, modo non fiat in alicujus fraudem. Obligatur verò navis in fidem crediti, donec solvat debitor, aut eo moras studiose nectente, tandem ex lege pignus distrahatur, & inde satisfiat creditoribus. cujus elegans exemplum habemus apud Demosthenem in Exceptione contra Apaturium. In navi autem obligata, aut si pecunia in eam emendam, fabricandam, armandam aut reficiendam credita sit, posterior creditor priori in jure R. potior habetur. *l. 5. D. qui pot. in pign.* quia illius pecunia salvam fecit totius pignoris causam *l. 6. eod.* Idem obtinet, si quis in cibaria nautarum aut merces sibi obligatas crediderit, vel ut naulum exsolvatur. *d. l. 6. §. 1. vid. & sup. lib. 1. c. 2. §. 2.*

II. Num, si quis caverit, ut silva sibi pignori esset, etiam navis ex ea materia sit pignori? Negant Cassius & Paulus in *l. 18. §. 3. D. de pigner. act.* nisi hoc expresse sit adjectum. aliud enim est materia.

aliud corpus ex materia confectum. ideo nominatim in dando pignore adjiciendum; *quæque ex silva nata vel facta sint.*

III. Nonnullorum populorum legibus, si quis navem quam pignori obligatam, ad alia loca navigando transtulerit & venderit, jus pignoris solvitur. Si vero civis qui eam oppignoravit, ad urbem, in qua habitat, reducat, jus pignoris integrum manet. Ita jure Lubec. 3. 4. 6. Stralsundensium & vicinorum moribus, qui eo jure utuntur, receptum est. Quamvis autem hoc pugnare videatur contra regulam juris, qua quod nostrum est, sine facto nostro ad alium transferri nequit, & iniquum reputari possit, hujusmodi navium translatione jus pignoris creditori adimi; tamen hoc in favorem commerciorum, & illorum qui vel merces in naves transferunt, vel iis ministram operam præbent, introductum est: quorum interest hujusmodi pignorum persecutionibus non retardari impediri que navium cursum. Sed horum jus est integrum, quando navis domum revertitur, & in pristinam pignoris causam redit. *Mey. ad d. loc. jur. Lub.*

IV. Res vectorum in navi sunt quasi jure taciti pignoris & retentionis obligatæ magistro navis pro naulo, contributione & aliis necessariis expensis, donec quod debent,

bent, solvant *artic. 59 jur. maritim. VVisbyens. arg. l. 5. D. ad exhib. Vinn. in Peck. ad leg. Rhod. de jact. pag. 204. 232.* nisi naulum à vectoribus sit prænumeratum; ut Ionas propheta faciebat *Ion. c. 1. v. 3.*

V. Si creditor pignus & simul rem suam amiserit impetu aquarum, ad restitutionem pignoris non tenetur; sed hic damnum damno compensatur: quod præsumitur absque culpa ejus accidisse. Si vero pignus impetu aquarum perdiderit, re propria salva; ad pignoris æstimationem præstandam tenetur. *arg. c. 10. de jur. mercand. LL. prov. Sued. c. 6. eod. LL. municip. quia lex hic præsumit, creditorem fuisse negligentiorum in re aliena quam sua custodienda: quod ex eventu non obscurum est. vid. sup. h. lib. c. 2. §. 7. conferatur quoque Coppen obs. Pract. lib. 1. c. 21. n. 10.*

VI. Crediderat civis domino ratis aut navigii pecuniam, quæ cum ad diem non solveretur, ratem in flumine sua auctoritate detinuit. postea flumen crevit & ratem abstulit; quæritur, cujus periculo vel damno? Si creditor domino ratis invito ratem detinuisset, creditoris periculo ratem fore Paulus respondit. Sed si debitor sua voluntate concessisset, ut retineret, culpam duntaxat creditori præstandam, non vim majorem. *l. 30. D. de pignor. act.*

Hoc enim generale est, ut vis major non præstetur, nisi alicujus culpa eam præcesserit. *Gail. lib. 2. obs. 21. n. 3. Rittershus. ad l. Contract. p. 109.*

VII. Nonnullorum statutis cautum est, ut navis ad certum tempus conductæ, re-locari alii ad dictum tempus possit, non vero oppignorari. Quod æquam habet rationem. quia conductæ res est aliena, non propria conductoris, itaque aliis pignori obligari invito domino, qui directum in ea dominium habet, non potest. *l. 6. Cod. si al. res pig. d. 5. l. 20. D. de pign. act.* Sed quam conduxit quis navem, alii fruendam ad dictum diem tacito consensu domini locare potest, nisi aliud convenerit *l. 6. Cod. de loc. cond.* Addi etiam hæc ratio possit, ne promiscua & frequenti navium sub pignoris nexu obligatione liber cursus commerciorum & navium sistatur. de quo sup. h. cap. §. 3.

C A P. I V.

De Repressaliis, ut vocant, & Arrestationibus navium.

I. Repressalias etiam pignorationes esse.

II. Unde dicantur Repressalie, & quid sint.

III. De

III. De causis repressaliarum & arrestationum navium.

IV. Cautio magistratus in illis imperandis.

V. Relaxationes & exemptiones ab illis.

VI. Si qui privati vetita advexerint hostis, aut aliud quid illicitum commiserint adversus Principes, num id respub. alique cives luere debeant.

VII. Ministros mercatorum non detinendos esse pro debito dominorum.

VIII. Nec subditos aut cives pro debito dominorum, aut civitatis; nisi in certis casibus.

IX. Quæ moderatio in repræfaliis & arrestis navium aut bonorum servanda sit, & de restitutione damni dati.

I. **C**VM Repressaliæ & Arrestationes navium sint etiam quædam pignorationes, ut vocant, rerum & personarum, quando res aut persona unius pro alia præhenditur & detinetur, ut notant Gail *obs. 2. de pignorat. n. 1. & 7.* & Faber *in Reg. Jur. 176. pag. m. 711.* de iisdem post pignora navium hoc capite agemus.

II. Repressalias, vel ut alii scribunt, Repræfalias, aliàs Pressalias, ut barbarum quidem, sed nunc usu receptum vocabulum, derivant nonnulli à Gallico *reprise* aut *reprendre*, à reprehensione aut re-

Prehendere; alii à Latino *reprimere* detortum volunt; quidam ab Italico *prisa*, quod capturam notat, deducunt. Sed res eodem ferè recidit. Nihil enim aliud est, quam jus præhendendi ac detinendi bona aut corpora subditorum, etiam exterorum, in compensationem injuriæ & læsionis, quæ in publicum detrimentum præcipuè vergit. De altera ista dictione Arrestorum & Arrestationum alibi egi, nimirum in Synopsi juris; quæ hîc non repeto. Quamvis autem differentia quædam dari possint inter repræsalias, pignorationes & arrestationes, uti observavit Gail *cap. 1. de pignorat. n. 4. 5. 6. & alibi*, tamen etiam promiscuè accipi solent, & inter se similitudinem quandam habent, ut idem Gail notat in *cap. 2. de Arrestu imperii n. 1. 2. 3. & 9. n. 10.*

III. Variæ solent esse causæ repressaliarum & arrestationis navium, inprimis tamen si jus aut debitum ab aliis non reddatur. Si naves non præstent, aut dolosè occultent ac supprimant, quæ jure gentium, portus, ac portorii præstari debent: si domini navium aut vectores illicita bona advehant: si delictum committant in alieno loco: si hostili animo veniant aut jure metuantur ut hostes, hostive re, operâ, consilio favcant; aut deviis itineribus

ac

ac littoribus clam & animo explorandi insidiandique perreptent alienum solum & æquor. Ob has & similes causas jus præhendendi & detinendi etiam alienas naves aut personas vetus est, non naturâ quidem sed consuetudine gentium introductum. Aristoteles 2. Oeconom. facit mentionem decreti Carthaginensium adprehendas exterorum naves, si quis jus prehendi haberet. Aristodemus Tarquiniorum heres retinuit Cumis naves Romanorum frumento onustas pro bonis Tarquiniorum. vid. *Liv. lib. 2. Grot. lib. 3. de jur. bell. e. p. c. 1. n. 5. c. 2. §. 4. 5. l. 8. G. de Navicular. Mynsing. cent. 6. obs. 1. Gail. c. 2. 3. seqq. de pignorat. Paschali Legat. c. 21. c. 29.*

IV. Cum autem dictæ represaliæ & detentiones sint species quædam violentæ executionis, cavebit Magistratus, ne, ubi juris & judicium copia haberi potest, temerè permittat apprehendi & sisti alienas naves ac mercatores; cerè non injustè sisti aut detineri. aut si justè quidem, ne cuiquam hoc propriâ autoritate facere sit integrum, nisi causâ cognita, diplomate à Principe impetrato, aut aliàs approbante magistratu: ne, cum potuerit ille ordinario jure suum consequi, vitio & culpâ suâ majoris tumultus faciendi, animorum alie-

nationis, retorsionis, & tandem belli inter finitimos aut remotiores incundi ansam præbeat; aureoque forte piscetur hamo, cujus jactura commodo piscationis longè major sit. Ita Tullus apud Livium lib. 1. mercatu frequenti negotiatores Romanos à Sabinis comprehensos querebatur. Sabini suos prius in lucum confugisse ac Romæ retentos. Hæ causæ belli ferebantur. *vide quoque Pet. Fab. in Reg. Jur. 176.* Hinc Principes & Respublicæ passim repressalias admitti noluerunt. Zeno Imp. & Iustinianus aliquot constitutionibus eas vetuerunt *l. n. Cod. ut nullus ex vican. Nov. 52. & Theodericus rex Gothorum apud Cassiodorum ep. 10. lib. 4. Var.* Nostri ætate in Induciis Suco-Polonicis art. 18. *Nulle repressalie aut arresta tam terra quam mari ratione cujuscunque injuriæ, nisi justitia pluribus vicibus repetita non administretur, admittantur.* In fœdere commerciorum inter Gallos & Belgas anno 1596. *Repressalie nulla imposticum concedantur, sed ordinaria juris via quisque suum repetat.*

V. Si quis ergo suspectus ad judicium provocet, aut arresto detentus sponte satisfacere, aut idoneè cavere per se vel alios paratus sit, ab arresto liberabitur. Statutis Gedanensibus arrestum navis à judice rite

con-

convento factum, ad oppignorationem bonorum aut aliam idoneam cautionem relaxari potest, etiam invito eo qui arrestum impetraverat. *part. 2. c. 3. a. 8.* Sed & personæ privilegio, foedere, pactisve exemptæ arrestis, non sunt detinendæ, aut pignoratione, ut vocant, vel repressaliis onerandæ: ne directè contra immunitatis & pactorum leges fiat. *vid. Demosth. orat. de fœd. Alex. & pacta pac. inter Reg. Sued. & Dan. art. 4. & seqq.* Nec navis tendens ad nundinas in portu detinenda est, absque quo ad nundinas pervenire non potest. *Peck. de jure sist. c. 10. n. 4.* Vt enim tempore nundinarum in loco earum vetitum est arrestum, ita & in illo, sine quo ad mercatum deveniri nequit. *Nicol. Everard. consil. 21.*

VI. Quid verò si privati mercatores advehant commeatum aut pulverem tormentarium hosti, aut alii privati cives in alienam Remp. quid committant ac delinquant, num fas est eo nomine detineri, non solum ipsorum authorum, sed & aliorum naves, si illi forte elapsi sint, donec id vel illi luant, vel communitas aut rector eorum? Civitas aut rectores ejus non tenentur ex subditi facto illicito aut delicto, nisi sciverint, & cum prohibendi emendandique facultatem haberent, non

prohibuerint & emendarint; aut interpellati pro merito non puniverint nocentem, vel arbitrio interpellantium permiserint. *Grot. lib. 2. de jure b. e. p. c. 21. §. 2. 3. 4. 7. 8. 17. 18. Alb. Gentil. de jure belli lib. 1. c. 21.* Rex Galliarum (apud Guicciardinum lib. 5.) expostulat cum Venetis, eum esse Venetiis comitatum & pulverem tormentarium, advectumque hostibus suis. Responderunt Veneti, in sua civitate nemini unquam interdictum esse negotiari, & factum illud privatos mercatores autores habere. Inter capita legationis Anglicæ ad Fridericum 2. Regem Daniæ anno 1588. & hoc fuit: *Ne arrestationes navium ob privatorum delicta in freto Sundensi concederentur.* apud Camdenum. p. 3. Hist. Elisab. pag. 540. Et Daniæ anno 1602. per suos in Britanniam legatos graviter de piratis Anglis questi & obtestari sunt: quamvis piratica insolentia bello flagrante comprimere non posset, supplicii tamen asperitate coercendam esse, alioquin ad injurias & damna resarcienda *arrestationes* permittendas: quia Regum imprimis intersit, ne subditi quid detrimenti capiant. *apud camden. p. 4. pag. 842.*

VII. Sed nec ministri mercatorum qui una navigant ad expediendum negotia domini,

dominica, pro debitis suorum dominorum arresto detineri possunt, etiamsi domini solutionem in loco contractus promiserint. ministri enim non suo nomine contraxerunt; & æquitati naturali non convenit, ut pro alienis debitis alii molestantur *l. un. c. ut nullus ex vican. Carp. Xov. jur. for. 1, 30, 11. nisi aliud convenerit, aut contrahens fidem ministri, non domini secutus sit; aut nisi Factores aut ministri pro re & in nomen præponentium contraxerint l. 1. l. 7. D. de instit. act. Peck. de Arrest. c. 4. n. 12. Mer. de Arrest. c. 8. n. 76.*

VIII. Subditi quoque & cives eorumque naves & in iis merces detineri sistique pro debitis dominorum vel civitatis in qua degunt, per eandem rationem nequeunt. Inter privilegia mercatoribus Hansæ quondam à Regibus Angliæ data & hoc fuit: *Mercatorem qui deliquisset, puniendum, nec ceteros innocentes propter aliena debita plectendos.* Veluti enim quod universitati debetur, singulis non debetur, ita quod universitas debet, singuli non debent *l. 27. de reb. cred. l. 7. §. 1. quod cuiusque univ. nom.* Iure tamen gentium observatur aliud, si subditi semetipsos sigillatim obligarint: aut singularis præstationis nomine suo domino obstricti sint
aut

aut si alieno debito jus non reddendo se quoque obstrinxerint. *Grot. de jur. b. e. p. lib. 3. c. 2. §. 2. 3. 4. Gail de arrest. imp. c. 9. Peck. de jure sist. c. 4. n. 17. Mer. de Arrest. c. 8. n. 190. & seqq.*

IX. In pignorationibus autem & arrestis navium, bonorum & corporum ea moderatio partim jure gentium, partim civili servanda est, ut bona potius quam homines detineantur; ut legatis parcatur, imbelli sexui, literatis, & aliis speciali lege exemptis ut prehensa loci magistratui aut judici consignata tradantur, ne furtum aut fraus in illis committatur: ut satisfactione justa illis quorum interest, præstita suum domini recipiant. Ob repressalias vero aut arrestum injustè alicujus navis, mercibus aut corpori impostum, damnum cum omni causa & expensis refarcitur. *arg. l. 9. §. 3. quod met. caus. Grot. d. loc. §. 7. Heig. part. 1. qu. 12. per tot. impr. n. 60. 61. & seqq. Gail. de Arrest. imp. c. 13.*

C A P. V.

De Contractibus nauticis qui
consensu fiunt.

- I. Domus mari aut flumini juncta vendita cum suo jure & onere transit ad emptorem.*
- II. Alluvionis & inundationis periculum non praestat venditor.*
- III. Navium venditio usui publico & civium magis quam peregrinorum accommodata. Ibidem de jure Retractus, ex occasione.*
- IV. Rebus è navi venditis quid loco traditionis sit.*
- V. Multa rescindentis contractum locationis conductionis navis.*
- VI. Navi pro numero amphorarum vel per aversionem conductæ, quantum vectura nomine debeat.*
- VII. Quando conductor navis, quando locator obligetur ex mora.*
- VIII. Promissio sub certa pœna de mercibus alio devehendis quando exceptionem admittat quatenus ob navem perditam teneatur aut non teneatur locator.*
- IX. Nave aut mercibus deperditis numin-*
segra

tegræ vectura merces debeat magistro navis.

X. Pro infante, quem femina in navi peperit, nihil vectura nomine deberi.

XI. Possessor male fidei rem cum fructibus ex navi locari sueta restituet.

XII. Si incertum sit an navis conducta sit, actio in factum locum habet.

XIII. De actione oneris averse, quod nauta vehendum conduxit.

XIV. De motione & refrigeratione frumenti.

I. **O**Rdo nos vocat ad contractus nauticos qui consensu fiunt, & ex conventionem legem accipiunt; & primò ad emtionem venditionem, dein locationem & conductionem, de quibus in hoc capite, de reliquis postea. Si quis ante domum mari aut flumini junctam molibus jactis ripam constituit, eamque domum alii vendidit, eodem jure vendet, quo fuerat prius quam veniret, l. 52. §. 3. D. de act. emt. vend. Sed & navicularia domus vendita transit cum suo onere. toto tit. Cod. de prad. & omn. reb. navicul.

II. Alluvionis periculum non præstat venditor l. 64. §. 1. ff. de evict. nec eluvionis aut inundationis l. 10. §. 1. ff. de peric. & em. r. nisi culpa ejus intervenerit vel præcesserit.

cesserit, *arg. l. 23. in fin. D. de reg. jur.*, & *Rittershus. ad eam pag. 247.*

III. In quibusdam regnis & urbibus maritimis, pro usu publico & singulorum, venditio navium intra certum tempus prohibita est. In regno Daniæ navis ædificata, intra decem annos vendi prohibetur. *Recessu R. Dan. de anno 1634.* Ita Hamburgi. *Recess. Hamb. M.S. art. 53.*

Lubecæ naves ibi conditæ intra septennium, Stralsundæ intra sexennium alienari prohibitæ sunt, nisi extrema necessitas urgeat. *Mev. ad Iur. Lub. 3, 4, 6.* Dantisci intra triennium. *Statuti. Dantisc. sub Sigismund.* In rem navigantium & navigationum quoque constitutum est in nonnullis maritimis civitatibus, ut, quando navis vendenda est, civis præ peregrino jure propinquiori habeat quasi jus congrui vel retractus. Ita cautum est Statutis Gedanens. p. 1. c. 4. a. 3. Idem in judicando sequutum esse Senatum Stralsundensem, notat *Mevius ad jor. Lub. lib. 3. tit. 7. n. 11.* Etsi statuto tale quid ibi receptum non sit: dum utilitas civium communis, ex qua jus condi potest, exterorum compendiis præfertur. Et alias jure communi navis proprie juri retractui non est obnoxia: quippe quæ communiter inter res mobiles computatur *l. 1. §. 6. 7. D. de vi & vi-*
arm.

arm. l. 20. §. 20. D. quod vi aut clam. Zoes in Dig. tit. de jur. retract. n. 83. Ius retractus vero, in immobilibus propriè locum habet. In alia verò re immobili jus retractus habens, etiam post annum admittitur, necessitate maris impeditus. *Carpzov. Iur. for. 2. 32. 6. 7.*

IV. Si vinum aut aliud è navi sit venditum, vice traditionis custodiæ appositio sufficit. *l. 51. in fin. de adq. possess. Gothofred. ad l. 2. Cod. de peric. & comm. rei vend.*

V. Si quis vel interveniente scriptura, vel in præsentia testium, arræ vel dextræ datione, aliove externo signo deliberatum animum exprimente, navem conduxerit, alii oppignorare vel alienare nequit, *sup. h. lib. c. 3. §. 7.* si legi conductionis parere nolit, secundum statuta & locorum consuetudinem mulcabitur: Iure Suecano servare tenuens contractum conductæ navis arræ firmatum una cum arræ amissione dimidium mercedis præstare tenetur. Si verò jam oneravit navem mercibus conductor, & enavigavit portu, & ex antenna appareat, quod navis sit prociecta, si nihilominus excedere navi & exonerare merces suas velit, totam vecturæ mercedem præstabit magistro navis. nisi ex necessitate & Sontica causa id faciat *arg. l. 27. §. 1. D. loc. cond.* Idem obtinebit

tinebit in locante navem, si postea poenituerit. c. 15. 16. *de jure nautic. Sued.* Idem convenit legi Rhodiensium cap. 20. Actio de nave conducta etiam paratam habet executionem c. 16. *LL. Suet. de proces curiali.*

VI. Si quis navem conduxerit cum conditione & promisso totam eam onerandi, quam tamen non plenè mercibus oneravit, nihilominus plenam vecturæ mercedem debet. Ita quoque lege nautica Rhodiorum statutum c. 23. *Εὰν ὁ ἔμπορος μὴ παρέχῃ τὸν ὄμιον πλήρη, τῶν λοιπῶν μένων παρέχέτω τὰ ναῦλα.* Si mercator plenam onus non præstet, residuorum navis solvat. Idem obtinet, si averseione, vel in universo non in singulas amphoras navis conducta sit. Si verò pro numero impositarum amphorarum merces constituta sit, tunc pro tot amphoris vecturæ merces debetur, quot impositæ sunt l. 10. §. 2. *D. ad leg. Rhod. de jactu* cujus legis emendationem & explicationem vide apud Pancirollum lib. 2. *Variar. Iur. Lectio. cap. 34.* Confer. *Benvenutum Straccham de Navib. n. 12. 14.* Idem convenit *Statutis Hamburg. 2, 15, 3.*

VII. Si mercator promiserit ad certum tempus inferre merces in navem, nec id fecerit, illud temporis & lucri dispendium præstare conductorem æquum est; aut

aut plenam vecturæ mercedem solvere magistro navis, si parata navi ad navigandum vacuum ei navis spatium in præsentia testium ostenderit magister navis, ut est in Legibus nautic. *Hanseatic. art. 12.* Sed & ne magistri navis incuria atque mora iter negligatur, aut merces dominorum deteriores reddantur, in tempore expediet navem eique de annona prospiciet. Dictis legibus nautic. *Hanseaticis art. 11.* cautum est, ut quando merces ultimas in navem recepit nauta, intra biduum vel triduum favente vento abeat, sub poena, quinquaginta aureorum. Sed hæc poena aliis gentibus arbitraria esse potest.

VIII. Si quis ea conditione conduxerit navem, ut, nisi intra præfinitum tempus merces eo loci magister navis exposuerit, in quem devehendas eas locarat, poenam præstaret certam; ille vero præter opinionem à loci magistratu detentus sit, ut ei angarias aut onus publicum præstet, aut alia causa detentus, atque ita prohibitus sit cum tuis mercibus navigare, excusatur, culpaque caret qui imperata fecit. nec debet pati dispendium, qui imperium fecit alienum. *Cassiod. Var. Ep 12, 3. & 2, 26.* Si merces exonerarit, & transtulerit in aliam navem quæ perierit

rit absque ejus culpa, non tenetur quoque nauta. Si verò in deterio-rem, quam ejus erat, & minus validam intulerit navem merces, quæ cum navi perierunt, ei damnum hoc imputabitur; præsertim cum meliorem invenire potuisset navem, & sciret id nolle dominum, ut in aliam quam suam navem merces transportaret; nisi jussu magistratus hoc fecerit. *l. 10. §. 1. D. ad leg. Rhod. de jactu.* Idem juris erit in eodem genere *conventionis*, vel *conditionis* (ita scribendum cum Vinnio in d. l. 10. §. 1. pro *cogitationis*) i. e. de certa pœna præstanda, si merces ad conventum locum non transportarit nauta, ut nimirum non teneatur ex dicta pœna, si probatum fuerit nautam morbo aut alia fontica causa impeditum navigare non potuisse; nisi jussus sit sui vicem alium substituere. Nec teneatur, si navis vitium fecerit absque dolo & culpa ejus. *d. l. 10. §. 1. D. ad leg. Rhod. de jactu. & in eam Cujacius lib. 3. Observ. c. 2. Vinnius pag. 291. 292. & seqq.* Si ea conditione navem conduxisti, ut eâ merces tuæ portarentur, easque merces nauta nulla necessitate coactus aut quod flumen illa navis subire non posset, in aliam navem vel deterio-rem, vel invito domino, vel alieno tempore ~~transulerit~~, & merces tuæ cum hac po-
sterio-

steriori nave perierint, tenetur navicularius, & ex locato cum ipso agi potest. *d. l. 10. §. 1. ad l. Rh. de jact. l. item queritur §. si navicularius D. loc. cond.*

IX. Si navis aut merces in mari perierint, num nihilominus vecturæ merces debetur naviculario, aut prærogata ab eo restituetur? Deberi videtur, si damnum non culpâ ejus, sed casu fortuito acciderit, & per eum non steterit, quo minus locatas operas præstaret. *l. 38. D. locati cond. l. 10. Cod. de condict. ob caus.* Attamen si non secutum sit, propter quod data merces aut promissa est, nonne tunc vel data repeti, vel promissa non deberi potest? per *l. 15. §. 6. D. loc. cond.* & casus fortuitus non debet nocere conductori & prodesse locatori. *Gloss. ad d. l.* AEquitas tamen admittere videtur, ut magister navis vecturæ mercede non in totum careat, sed pro rata temporis quo munere vehendi functus non est, & pro quantitate servatarum mercium. *arg. l. 15. §. 7. D. loc. cond. Straccha de Navib. v. 24. confer. jus Prussic. lib. 4. tit. 19. artic. 3. §. 1. 2. & Statuta Lubec. tit. de naufrag. art. 1. 2.* Si vero navis onerata in aliquo portu ob illicitas merces (quas conductor navi imposuit) retenta sit, & merces vetitæ in commissum ceciderint, nihilominus integras vecturas vel mercedem

dem totam nauta â conductore navis exigere potest: quia hic nulla culpa nautæ vel locatoris, sed solius conductoris intervenit, nec ille merè casus fortuitus est, sed quem culpa domini præcessit. *l. 61. §. 1. D. loc. cond. Pac. cent. 5. concil. 16. n. 18.*

X. Si quis mulierem navi vehendam conduxisset, quæ infantem in navi peperit, pro eo infante nihil debetur: cum ejus vectura non magna sit, nec iis omnibus utatur, quæ ad navigantium usum parantur *l. 19. §. 7. D. loc. c.*

XI. Possessor malæ fidei non solum navim, sed etiam fructus æstimatos quos petitor percipere potuisset, restituet ex navi quæ locari solet *l. 62. ff. de rei vendic.*

XII. Mercator quidam tradidit merces magistro navis, sed incertum est an navem conduxerit, aut merces vehendas locaverit, hic civilem actionem in factum ei dandum Labeo & Papinianus scripserunt *l. 1. §. 1. D. de præscr. verb. e. i. f. a.*

XIII. In navem Sauffeii plures locatores comune frumentum contulerunt & confuderunt. Sauffeius uni ex his frumentum pro sua parte reddidit de communi; deinde navis cum reliquo onere periit. quamvis hujus rei damnum pertineat ad locatores, si sine dolo & culpa nautæ acciderit, tamen in specie proposita quaeritur, num actio-

ac

ne oneris averſi nauta teneatur alijs locatoribus? quaſi videatur onus navi impoſitum averſiſſe, permutaſſe aut diſtraxiſſe, ex eo partem uni ex locatoribus reddendo: quo factum eſt, ut hic ſalvā ſuā partem habeat, reliqui non habeant. Hic intuendum num id actum ſit ut eadem res quæ locata erat redderetur, an verò alia ejusdem generis, ut frumentum pro frumento atq; ſic in creditum iretur, vel quaſi mutuum quodam genere contraheretur. in priori caſu frumentum non factum videtur Sauſeii, ſed in poſteriori factum videtur & rectè datum. Si verò nauta onus frumenti vehendum de pluribus conduxerit, & locatores frumentum non confuderint, ſed diſtinctis tabulis ſepararint, ita ut internosci poſſet, quid cujuſque eſſet, & uni ex locatoribus nauta frumentum ſuum reddiderit, rectè fecit, nec oneris averſi actione tenetur. ſed ſi alienum reddiderit, domino vindicatio frumenti ſui contra poſſeſſorem competit, & actio oneris averſi aut furri contra nautam. Si verò confuderint frumenta, ut initio dictum, & ſic in creditum ierint communiter, frumentum factum nautæ videtur, & ideo uni dando pro ſua parte, onus avertere non videtur, rectè dare videtur. quamvis autem culpa nautæ in eo eſſe videatur, quod

quod ex re communi uni reddidit, tamen omnimodò non est culpa: quia alicui primum reddere necesse fuit, tametsi ejus conditionem meliorem faceret, quam cæterorum *l. 31. D. loc. cond. Cujac. 7. Obs. 39. fusè.* qui si per se vigilaverit, industria ejus pœnas desidiae reliquorum non solvet *l. 12. C. depositi.*

XIV. Frumentum in navi movebit nauta, quoties necesse fuerit: ne corrumpatur. nisi fecerit, tenebitur, excepto, si per tempestatem aut procellam impediatur. Pro hoc tamen labore singularem mercedem ex æquo feret.

C A P. VI.

De Societate navali pacata.

- I. Societas navalis pacata unde dicatur.*
 - II. Societatem navalem pacatam vel negotiatoriam esse vetusti moris, probatur exemplo Salomonis. quæ fuerit ophyra, obiter notatur. Cur Salomoni feliciter cesserit societas navalis, Iosaphato infeliciter.*
 - III. Num contractus Societatis navalis cum Iudeis sit licitus.*
 - IV. De modo & fine Societatis navalis.*
- L
- V. Pars*

V. Participatio lucri non damni quando hic admittatur.

VI. Naufragii damnum commune est sociis.

I. **C**ontractus nauticos qui consensu fiunt, nimirum emtionem venditionem, locat. condunctionem, modò discussos nunc ordine excipit societas navalis. Hanc Societatem navalem esse bellicam vel pacatam, sup. lib. 2. c. 2. indicatum, & de bellica ibidem per occasionem actum est. Hic de societate pacata agemus: quæ quamvis etiam armatas naves præsidii causa sibi adjunctas habere possit, tamen pacata nuncupatur, quatenus extra conflictum armorum, præcipuè negociationis causa adornatur.

II. Societas navalis pacata non minus est antiqui moris, quam bellica: veluti inter alia constat ex societate Salomonis, quam cum Hiram & Tyriis hujus subditis rei maritimæ & navigationis peritis conjuncta classe contraxit, aurum ex Ophira petendi causa. 1. Reg. 9. v. 27. 28. & 2. Paralip. 8. v. 30. Ophira autem ab Ophiro filio Isothanis, cujus meminit Moses Gen. 10. v. 29. ita dicta, existimatur illa esse regio Indiæ Orientalis, quæ ultra Gangem sita, regnum Pegusæ nunc appellatur: cui
vicinæ

vicinæ sunt aurea Chersonesus, Malaca & Somatra; uti Varrerius Lusitanus in commentario suo de Ophyra regione luculenter probat. confer quoque Grotium ad lib. 3. Reg. c. 9. v. 28. Sed quia factum est, quod Salomoni feliciter cessit, Iosaphato verò infeliciter Societas navalis: cum tamen utrique idem scopus de advehendo auro videatur fuisse propositus? Solomon hanc societatem instinctu divino contrahebat. Quippe ipsi ingentes à Deo divitiæ erant promissæ 1. Reg. 3. v. 13. quas cumulabant istæ navigationes in Ophiram. Et Salomon non exiguam auri & opum suarum partem impendebat in honorem Dei & exstructionem templi à Deo Salomoni impositam: idcirco institutum Salomonis Deo placebat & ex voto Regi sapientissimo succedebat. Sed Iosaphatus inibat fœdus commerciorum & societatem navalem cum Ahasia rege impio, & fiducia humanarum opum. quod fiebat Deo invito & irato: idcirco naves Iosaphati disruptæ sunt 2. Paralip. 20. vers. 35. 36. 37.

III. Ex hoc exemplo Theologi ansam arripuerunt negandi Christianum bona cum conscientia contractum Societatis navalis cum Iudæo coire posse; de qua Facultatis Theologicæ Ienensis in 2. parte

consiliorum Dedekenni, pag. 151. & in Iudaismo Mulleri pag. 1485. Consilium exstat, quod è Germanico in Latinum sermonem ita vertebam: *Sententiæ S. Scripturæ, quæ nos à consuetudine cum idololatriis & superstitiosis dehortantur, veluti Ies. 52. v. 11. 2. Cor. 6. v. 14. & seqq. Apoc. 18. v. 5. &c. primariò quidem de interna communione spiritus, animi & fidei intelligenda sunt; attamen secundariò & consequenter nos simul monent, ne nimis civilem & externam societatem cum illis colamus. partim nostri causa, ne ab illis contamine- mur & seducamur, vel etiam multa videre & audire cogamur, quæ nobis, modò Zelum Christianæ pietatis habeamus, adversa sint. partim proximi causa, ne illi scandalo simus, aut occasionem præbeamus malè de nobis cogitandi, quasi religionem tanti non faciamus. Ab omni specie mali abstinete, inquit Apostolus 1. Thess. 5. v. 22. Iam autem negari nequit, quin speciem mali habeat, & prorsus magna atque arcta conjunctio sit, quando cum Iudæo contractus societatis navalis initur, animo lucrum & damnum, bonum & malum simul periclitandi & subeundi, & ex suis atque Iudæi facultatibus unam quasi placentiam aut massam faciendi. Quomodo verò talis conjunctio cum heterodoxis Deo placeat, de eo evidens & memorabile exemplum habemus*

bemus 2. Paral. 20. v. 35. 36. 37. (quod jam sup. §. 3. commemoratum est.) Quamobrem si in hujusmodi societate navali Christiano homini quid improperi accideret, nequaquam eum in conscientia securum reddere possemus, quin pro pœna Dei esset habendum. Quod autem alios contractus in emendo & vendendo attinet, eorum diversa ratio est, quia in illis non tam arcta & singularis communio intercedit, quàm in contractu societatis. Attamen in illis quoque verus Christianus conscientia sua & honestati consulat. Quod in hoc consilio Theologico de arcta conjunctione vel communione circa contractum Societatis dicitur, convenit etiam juri. nam in l. 63. D. pro socio, Societas jus quodammodo fraternitatis in se habere dicitur.

IV. Societas navalis bonorum in naves collatorum, & negotiationis transmarinæ causa initur: ita ut singuli socii æquas partes lucri & damni ferant.

V. Aliquando tamen societas ita coiri potest, ut alter nullius partem damni sentiat, lucrum verò ipsi commune sit. ut si tanti sit opera alicujus, quanti damnum est; aut si plus societati conferat quam pecunia: ut si, reliquis domi desidentibus, solus naviget & pericula subeat solus §. 2. Inst. de Societ. l. 29 §. 1. D. pro socio.

esse pro quo
possunt in
ten mēdēte
bedacht ma
debet. qua
pro alio de
possit, tan
ditas mere
Belgicē 28
pellatna.

II. Hæc
ge Rhodia
mente legi
AEquitas
rationi con
quior: ut ni
sarciaur, qu
tigit; præse
amissis rebo
runt alioqu
sunt locup
gentibus
eorum re
c. 11. 13. 4

III. C
vocant, du
grandis, u
slylo vel p
ia Peck. ad
quentibus

De Contro

qui

De Contro

De Contro

De Contro

De Contro

De Contro

De Contro

De Contro

De Contro

De Contro

De Contro

De Contro

De Contro

De Contro

De Contro

De Contro

De Contro

De Contro

De Contro

De Contro

De Contro

De Contro

De Contro

in mutuo danda man-
cipia.

exercitores aut magistri
nunc obligentur exer-

citati conveniat, ut
magistri navis in so-

rum actio in exercito-

e illatorum in navem
respectu rectorum fa-
citur. quousque se hoc

titus hic à mandata-
tore præstandus?

is in instituenda actio-
torem vel magistrum

nam actionem exercitori
m.

oria heredi ex in he-

alis contractum nunc
ui deberet Mandatum.

tor magistro navis cu-
mandet l. 1. §. 1. D. de

eo hinc mandati agere
tis. de eo, quatenus

L 4 huc

VI. Absque hoc sit, commune periculum est inter socios *l. 24. D. eod.* & commune eorum damnum, si quid naufragio periit. Sicuti enim lucrum, ita quoque damnum commune esse oportet, quod non culpa socii contingit. *l. 52. §. 4. D. pro soc. Paulus 2. Sent. 16.* Plura de Societate navali habes in Legibus nauticis Rhodiorum *c. 9. c. 17. 21. 27. 28. 32. Vid. & sup. lib. 1. c. 2. §. 6.*

C A P. VII.

De Exercitoria Actione.

I. De mandato.

II. Unde appelletur *Actio exercitoria*, & quæ sit.

III. Præpositorum navi officium.

IV. Perinde esse, cujus sint conditionis aut sexus magister navis & exercitores.

V. Exercitores teneri contrahentibus. *caussa* hujus rei.

VI. Cujus rei actio competat contrahenti cum magistro navis adversus exercitorem.

VII. Si magister navis mutuo sumptam pecuniam non in navis sed suos usus converterit, num inde defur actio in exercitorem.

VIII. *Cautio*

VIII. Cautio creditoris in mutuo danda magistro navis pecunia.

IX. Si plures sint exercitores aut magistri navis, quomodo tunc obligentur exercitores.

X. Num naturali equitati conveniat, ut exercitor ex facto magistri navis in solidum teneatur.

XI. Ex delicto nantarum actio in exercitorem.

XII. Exercitor nomine illatorum in navem tenetur: eoque respectu vectorum factum prestare dicitur. quousque se hoc extendat.

XIII. Num casus fortuitus hic à mandatario, vel mandatore prestandus?

XIV. Electio creditoris in instituenda actione contra exercitorem vel magistrum navis.

XV. Non dari contrariam actionem exercitori contra creditorem.

XVI. Actio exercitoria heredi et in heredem datur.

I. Societatis navalis contractum nunc ordine subsequi deberet Mandatum. Verum cum Exercitor magistro navis curam totius navis mandet l. 1. §. 1. D. de exerc. act. Et cum eo hinc mandati agere possit l. 1. §. 18. d. tit. de eo, quatenus

VI. Absque hoc sit, commune periculum est inter socios *l. 24. D. eod.* & commune eorum damnum, si quid naufragio perit. Sicuti enim lucrum, ita quoque damnum commune esse oportet, quod non culpa socii contingit. *l. 52. §. 4. D. pro soc. Paulus 2. Sent. 16.* Plura de Societate navali habes in Legibus nauticis Rhodiorum *c. 9. c. 17. 21. 27. 28. 32. Vid. & sup. lib. 1. c. 2. §. 6.*

C A P. VII.

De Exercitoria Actione.

I. De mandato.

II. Unde appelletur *Actio exercitoria*, & qua sit.

III. Propositorum navis officium.

IV. Perinde esse, cujus sint conditionis aut sexus magister navis & exercitores.

V. Exercitores teneri contrahentibus. Causa hujus rei.

VI. Cujus rei actio competat contrahenti cum magistro navis adversus exercitorem.

VII. Si magister navis mutuo sumptam pecuniam non in navis sed suos usus converterit, num inde detur actio in exercitorem.

VIII. Cautio

VIII. Cautio creditoris in mutuo danda magistro navis pecunia.

IX. Si plures sint exercitores aut magistri navis, quomodo tunc obligentur exercitores.

X. Num naturali equitati conveniat, ut exercitor ex facto magistri navis in solidum teneatur.

XI. Ex delicto nautarum actio in exercitorem.

XII. Exercitor nomine illatorum in navem tenetur: eoque respectu vectorum factum prestare dicitur, quousque se hoc extendat.

XIII. Num casus fortuitus hic à mandatario, vel mandatore prestandus?

XIV. Electio creditoris in instituenda actione contra exercitorem vel magistrum navis.

XV. Non dari contrariam actionem exercitori contra creditorem.

XVI. Actio exercitoria heredi ex in heredem datur.

I. Societatis navalis contractum nunc ordine subsequi deberet Mandatum. Verum cum Exercitor magistro navis curam totius navis mandet l. 1. §. 1. D. de exerc. act. Et cum eo hinc mandati agere possit l. 1. §. 18. d. tit. de eo, quatenus

L 4 huc

huc pertinet, & imprimis de Exercitoria Actione nunc differemus.

II. Exercitoria dicitur Actio ab *exercitione navis*: cujus tanta est utilitas, ut ad summam remp. pertineat *l. 1. §. 20. h. t.* Exercitores navis sunt patroni navium Suedicè *Reedare* / à *Reeda* vel *Behreeda* / quasi qui expediunt navem, Belg. & Germanice *Reeders* / *Schiffs-freunde* / qui quæstum ex navi *exercent*, vel ad quos obventiones & redditus navis perveniunt, sive domini navis sint, sive per aversionem à dominis navem conduxerint, vel ad tempus vel in perpetuum. §. 2. *Inst. quod cum eo q. i. a. p. l. 1. §. 15. D. de exerc. act.* In *l. 1. §. 2. D. nauta caup. st.* etiam *nautæ* dicuntur. Exercitoria verò potius est actionis ex contractu adjectio vel qualitas, quam actio per se consistens, ex plurium sententia. quod non putant otiosum observasse. nam si inter actiones referenda sit, stricti juris naturam induere deberet, cum bonæ fidei contractibus à Iustiniano non annumeretur. §. *actionum Inst. de act.* Sed si qualitas tantum & adjectio actionum est, ejus actionis, cujus adjectio est, naturam sequi debet. ut, si quis magistro navis quid vendiderit, actio ex vendito exercitoria, si commodaverit, commodati exercitoria, si mandaverit, mandati exerc-

exercitoria competat. Hodie tamen exercitoria actio directo condici potest. Sed de hac re plura Peckius *ad h. tit. nov. edit. pag. 164. & seqq.* Grotius *de jur. b. e. p. 2, 11, 13.* Vinnius *ad Peck. pag. 70. 128. 164.* Bachov. *disp. 8. de Action.*

III. Exercitores magistros navi præponunt, quibus totius navis cura mandata est; vel qui præponuntur locandis navibus, vel vectoribus conducendis, vel mercibus emendis vendendis *l. 1. §. 1. 3. D. de exerc. act.*

IV. Nihil autem interest, cujus sit conditionis aut ætatis magister navis. Sibi enim imputabit, qui præposuit *l. 1. §. 4. d. tit.* Nec adeò refert an exercitores sint mares an feminae, patresfamilias an filii-familias aut servi *l. 1. §. 16. h. t. l. 7. §. 1. de instit. act. l. 4. C. cod.* modò voluntate eorum exerceant, in quorum potestate sunt *d. l. 1. §. 19. 21. h. t. l. 42. D. de furt. & pupillus autoritate tutoris d. l. 1. §. 16. h. t.*

V. Illi verò qui præposuerunt magistrum navi, tenentur exercitoria actione illis qui cum magistro navis contraxerunt. Cujus rei causa duplex est 1. qui contrahunt cum magistro navis, non semper possunt nosse conditionem ejus (ut alias *l. 19. D. de reg. jur. requirit*) propter navigandi necessitatem, quæ non patitur plenius

nus disquirendi spatium & deliberandi consilium *l. 1. h. t. 2.* quia intuitu exercitoris, & tacito vel expresso ejus consensu aliquis cum magistro navis contrahit: ideò exercitoris fides, quam hic securus est, cum meritò non fallit. *l. 1. §. 2. 5. h. t. l. 1. nauta, caup. stab.* Quin si plures exerceant navem, omnium consensus in expediunda navi requiritur. Si magister navis solus, vel cum quibusdam exercitoribus, reliquis insciis, in eorum fraudem vel præjudicium receperit merces in navem, ille cum consciis parte sua privatur, ac pœna arbitraria plectitur, *secundum Statuta marit. Hanseat. art. 13.* Non solum autem exercitores ex facto magistri navis tenentur in solidum, sed etiam ex facto ejus quem sibi substituit magister navis, etiamsi non sit idoneus: omnia enim facta magistri præstabit exercitor. *l. 1. §. 5. h. t.* Sed damnum passus, habebit cum magistro navis actionem locati, si conduxerit ejus operas; vel mandati, si gratuitas operas præstet magister *l. 1. §. 18. b. t.* Ex facto substituti tenentur quoque exercitores, si ve sciverint & passi sint substitui, si ve ignoraverint aut prohibuerint: idque propter utilitatem navigantium *d. l. 1. §. 5. h. t.* Sed & si filiusfamilias aut servus præponantur navi eamve exerceant expressa

expressa voluntate patris aut domini, in quorum sunt potestate, tunc in solidum dominus & pater tenentur, ad quos quotidianus navis quæstus pertinet §. 2. *Inst. quod cum eo l. 4. §. 2. 3. D. de exerc. act. l. 6. C. eod.* Si verò non expressè consenserint, sed solum sciverint & passi sint, tributaria vel peculiotenus tenentur. *l. 1. §. 20. 22. l. 6. h. t. Vid. quoque Peck. & Vin. in h. t. p. 84. 134. & seqq.* Nihil autem interest exercitoris, mihi ne an alii in solidum obligetur ex contractu ejus quem ipse magistrum navi suæ præposuit, sive is servus illius sit, sive meus, sive mihi cum illo communis *l. 5 h. t. & interpretes.*

VI. Contrahenti cum magistro navis actio adversus exercitorem competit ejus rei solum causa, cui præpositus est magister navis, non alterius rei nomine. Extra præpositionis enim terminos, quæ dat certam legem contrahentibus, dominus non obligatur *l. 1. §. 12. h. t.* Hoc latè explicatur & illustratur exemplis in *d. l. 1. §. 7. & seqq. l. ult. h. t. l. 1. 2. C. eod. Cujac. ad African. p. m. 537. 538.* Creditores hic circumspicere agere eorum interest, ut in genus commissionis vel officii magistrorum & eorum conditionem, quantum tempus & locus permittit, sedulo inquirent, antequam cum eis contrahant *l. 19.*

de R. I. Atque si nulla contra exercitorem actione juvari in hoc casu possint; cum ipsis tamen magistris experiri non prohibentur, si cum eis contrahentes dolo circumventi sint. *Peck. comment. ad h. t. pag. 93. 94. & ibid. Vinn.* Quamvis autem exercitor ex eo solum teneatur, cujus nomine præposuit magistrum navi, tamen præpositio ad ea quoque extendi potest quæ sæpe incidenter & per consequentiam rei principaliter commissæ interveniunt. Ut si v. g. navis reficienda aut instruenda sit, & magister in usum navis reficiendæ aut instruendæ cui præpositus est, pecuniam fuerit mutuatus, etiamsi hoc non jussit exercitor, tamen in exercitorem actio dabitur. *l. 1. §. 8. h. t. quia & hoc non permissum modo verum etiam magistro commissum in consequentiam intelligitur arg. l. 2. D. de jurisd. l. 56. 62. D. de procur. Ant. Fab. in rational. Vinn. d. loc. pag. 94. 183.*

VII. Si verò magister navis pecuniam ab alio mutuò sumtam, vel ab exercitore acceptam, ad alendos nautas, vel ad armandam, instruendam & reficiendam navem, eò non impenderit, sed in usus suos converterit, num in exercitorem dabitur actio? Imò dabitur, si hac conditione accepit, ut in navem impende-

ret;

ret; mox verò mutavit voluntatem, aut in pretiis rerum emtorem fefellit. exercitor enim sibi imputabit, cur talem præposuerit. Sed contra erit, si magister ab initio consilium cepit fraudandi creditoris, & specialiter non expresseit quod ad navis causam accepit *l. 1. §. 8. 9. 10. h. t.*

VIII. Sed & creditorem in eo cautum esse decet, ut dispiciat an in eam causam impendat pecuniam magister navis, in quam ab ipso mutuatus est: vel num iis impensis navis jam opus habeat, in quas ipsi credidit pecuniam, num navis in ea causa sit, ut refici debeat. Quamvis enim creditor non necesse habeat probare, pecuniam in refectionem navis erogatam esse; nec cum oporteat ad hoc adstringi, ut ipse reficiendæ navis curam suscipiat: sic enim negotium domini gereret, & immisceret se rei alienæ contra *lib. 36. D. de reg: jur:* illud tamen ab eo exigendum, ut sciat in hoc se credere, cui rei magister sit præpositus. Quod aliter fieri non potest, quam si scierit, necessariam refectioni pecuniam esse. Et si verò navis in ea causa sit, ut refici debeat, multo tamen major pecunia magistro navis credita fuerit, quam ad eam rem esset necessaria, non debet in solidum adversus dominum actio navis dari *l. 7. h. t.* Interdum etiam illud

illud in æstimationem venit, an in eo loco pecunia credita sit, in quo id propter quod credebatur, comparari potuerit. Quid enim si quis ad velum emendum in eo loco crediderit pecuniam, ubi velum comparari non potest? quod tamen creditor scire potuit aut debuit. In summa, diligentiam aliquam in ea re creditor præstare debet, si utiliter hic agere velit. *d. l. 7. §. 1. 2. h. t.* Hanc autem totam legem observandam rectè monet Vinnius ob fraudes magistrorum navis & institutorum, ne per ingentes pecunias, quas accepisse se mutuò dixerint, in causam navis vel commercii, quod absentis domini est, redigatur bona pars negotiationis ad nihilum, ditatis nimirum in domini caput ac mortem fraudulentis ministris. *Vinn: ad h. t. pag: 183. in fin.*

IX. Si plures sint magistri navis, quod tamen rarò fit, & quidem divilis sint officiiis, tunc pro distincto cujusque officio exercitor obligabitur *l. 1. §. 13. h. t.* Si non divisis officiiis, quod cum uno gestum erit, obligabit exercitorem in solidum. *d. l. l. 6. §. 1. eod.* Si vero sic præposuit exercitor, ut plerumque solet, ne quid alter sine altero, siue sit magister navis siue adjunctus, gerat, creditor qui contra legem præpositionis (quam scivit, aut, si diligentius inquirat, scire potuit) cum uno con-

traxit

traxit, sibi imputabit *l. 1. §. 14. D. h. t. Vin: d. loc. p. 111. 112.* Si verò plures per se navem exercent, & omnes simul contraxerint, non in solidum singuli actione propria ex contractu suo tenentur, sed tantum pro ea parte quam in navi habent: non enim invicem sui magistri videntur. *l. 4. h. t. ult: §. 5. D. nav: camp: stab.* Sed si plures navem exercentes unum de numero suo magistrum fecerint, hujus nomine omnes in solidum actione exercitoria poterunt conveniri. *d. l. 4. §. 1.* Si unus ex ipsis exercitoribus cum communi navis magistro contraxerit, agere cum reliquis exercitoribus poterit pro ea parte quam habet in navi *l. 5. §. 2. h. t.* Si plures naven exercentes ex contractu magistri conveniantur, cum quolibet eorum actione exercitoria in solidum agi potest *l. 1. §. 25. h. t.* Si verò plures ex contractu suo proprio conveniantur, quatenus navem per se exercent, singuli ex actione propria tenebuntur, non exercitoria. Eadem ratio est, si cum uno ex pluribus navem per se exercentibus contractum sit. *arg. l. 4. h. t.* Si verò cæteri quid nomine coexercitoris aut magistri navis præstiterint, id ab eo repetent actione societatis aut communi dividundo *l. 3. h. t. l. 13. §. ult. D. de inst: act: Vin: in Peck, ad h. tit. p. 158. 160.*

X. Quam-

X. Quamvis autem jure R. ex facto magistri exercitor in solidum teneatur: ut ad quem emolumentum præpositionis redit, ad eundem onus obligationis redeat *arg: l. 10. de reg: jur. & ne in plures adversarios destringatur creditor, qui cum uno contraxit l. 2. h. t. quod esse iniquum l. 27. §. 8. D. de pecul: dicitur; attamen Grotius de jure bell: c. p. 2, 11, 13. & Vinnius ad Peck in comment. ad LL. nautic: h. t. pag. 155. negant hoc naturali æquitati convenire, quæ satis habet, si pro suis singuli partibus conveniantur. Nec publicè utile esse existimant: abstergeri enim homines ab exercendis navibus, si metuant ne ex facto magistri quasi in infinitum teneantur. Unde apud Hollandos illam legem non observari notant. Quin & constitutum esse, ne exercitoria etiam universi amplius teneantur, quam ad æstimationem navis & eorum quæ in navi sunt.*

XI. Etiam si non detur actio in exercitorem, si cum quolibet nautarum actum sit quia non exercitor permittit cum eis contrahi, velut cum magistro *l. 1. §. 2. h. t. ex delicto, tamen nautarum datur actio quasi ex maleficio in exercitorem: curare enim debet, quantum in ipso est, ut culpa & dolo careant: d. l. 1. §. 2. cum ipse tales suo periculo adhibuerit l. 7. D. de aqua; cau: stab:*
Ante-

Antequam verò adhiberet alienos, explorare cum oportebat, cujus fidei & innocentiae essent. quod si non fecerit, culpæ cujusdam nomine tenetur. Aliquatenus enim culpæ reus est, qui opera malorum hominum utitur. §. ult. *Inst: de oblig: ex quas: del.* qua de re in Cap. seqq. plura. In suis autem venia dignus esse videtur, si tales quales ad instruendam navem adhibuerit. Vnde servorum suorum nomine noxali duntaxat tenetur *l. 7. §. 4. D. naut: c. st. l. un: §. 5. D. furti advers. n. c. st. l. 42. D. de furt. l. 19. §. 2. De noxal. act.* vel ipsi ex suo delicto tenentur, si domino ignorante deliquerint. Alienorum nomine dominus tenetur actione in factum *l. 3. §. 1. D. Nautæ caup: st: §. ult: Inst: de oblig: ex quas: del.* Si verò nautæ quid damni inter se dederint, hoc ad exercitorem non pertinet, sed ad ipsos *l. 7. §. 2. naut: c. st.* Si exercitor ipse damnum dederit, ex vero delicto obligatur. arg. §. 3. *Inst. de oblig. ex quas: del.*

XII. Exercitor quoque vectorum factum præstare dicitur, non intuitu delicti eorum *l. un: Furti adv: naut: c. st.* Sed ex convento, nomine illatorum in navem. *l. 1. §. 8. in fin: Naut: c. st. Pac. cent. 7. conciliat: q. 57.* aut quæ in litore perierint; si tamen receperit vel per se vel per magistrum

strum navis, siue res nostræ siue alienæ sint; si tamen nostra intersit salvas esse, ut pignus *l. 1. §. 2. l. 3. D. naut: caup: stab. l. 1. §. 7. eod.* Et quamvis nauta vel exercitor non principaliter mercedem accipiat pro custodia, sed pro ipsis vectoribus & mercibus trajiciendis, tamen custodiæ nomine ex locato tenetur, vel actione de recepto, atque sic furti damnive in nave, non extra eam, commissi nomine obligatur. *l. 5. l. 7. Naut: caup. st.* aut si receperit salvas res fore, recipiendo periculum custodiæ subit *l. un: D. furti adv: naut. §. 4.* Sed si prædixerit nauclerus vel exercitor, ut unusquisque vectorum res suas servet, neque damnum se præstiturum, illique consenserint prædictioni siue expressè siue tacitè, remanendo in navi, nauta vel exercitor non convenitur *l. 7. Naut. c. st.* Si verò contradixerint, & nauta eos in navi remanere patiatur, tenebitur. *Vinn. in d. tit. pag. 60.* Nec de recepto ex contractu remigis aut mesonautæ aliquid recipientium, ut magistri navis, tenetur; nisi ipse alicui eorum quid committi expressè iusserit *l. 1. §. 2. D. Naut: c. st.* Hic tamen statuta & mores cujusque regionis spectandos, rectè monet Vinnius *ad h. l. pag. 9.* Nec damnum fatale illatarum navium mercium præstabit exercitor, si quid

naufragio aut per vim piratarum perierit
l. 3. §. 1. d. 1.

XIII. Si verò mandatarius sit spoliatus à prædonibus, aut naufragio quid admitterit, num imputabit mandanti aut ab eo repetet? Hæc quaestio ex occasione est digna ventilari. Lex *Inter causas* 26. §. 6. *D. mandati & Synopsis Basil.* 14. tit. 1. lib. 35. tit. 1. c. 5. §. 2. repetere posse negant: quia hæc magis casui quam mandato imputanda sint. Itaq; hic locum non habebit regula, Mandatario suum officium non oportere esse damnosum: hoc enim damnum non ex occasione mandati exsequendi, sed vi majore aut fortuito ipsi accidit *d. l. 26. & Rittershus. ad leg. 23. de reg. jur. pag. m. 85.* Sic vice versa casus fortuitus à mandatario non præstatur mandatori; nisi ad hoc se obligarit *l. 39. mandati.* quod enim absque culpa accidit, à nullo præstatur. Quod autem Accursius ad *lib. 26. §. 6. ff. mand.* notat. d. paragraphum de curialitate (ut loquitur) non debere servari, hoc magis de æquitate, vel remissione quam necessitate juris audiendum est; nisi statutum aut mores sint in contrarium.

XIV. Datur electio creditori, utrum magistrum an exercitorem convenire velit
l. 1. §. 17. l. 5. §. 1. D. de exerc. act. Et in potestate ejus, cui subrepta res in navi,
 est,

est, utrum malit cum exercitore an fure ipso experiri *l. un: §. 3. D. Furti adr. naut.* Si verò unum semel elegerit, cum altero agere non potest, etsi nihi aut minus, quam ei debebatur, ab uno acceperit. unius enim actionis electione cæteræ consumuntur *vid: hic Vinn. p. 149. 150.* Si verò quid solutum sit sive ab exercitore sive magistro ipso jure minuitur obligatio. nam & alius pro me solvendo me liberat *l. 1. §. 24. D. de exerc. act.*

XV. Ut autem creditori contra magistrum navis vel exercitorem competit actio, ita non datur contraria actio exercitori contra creditorem: quia non indiget eodem auxilio; sed aut ex locato cum magistro navis, si mercede ejus operam conduxit, aut si gratuitam operam exercitori præstet, mandati agere potest *l. 1. §. sed ex contrario D. de exerc. act. & h. cap. sup. §. 5.* aliquando tamen ob ministerium annonæ extra ordinem juvatur exercitor *d. l. 1. §. 18. h. t. i. e. per modum restitutionis in integrum, si magister non sit solvendo, ut explicat Bachovius ad Wesenb. parat. h. tit. numer. 6.*

XVI. Hæc actio hæredi & in hæredem datur *l. 4. §. 4. D. de ex. act.* quia continet rei persecutionem *l. 3. §. 4. D. naut. et fl.* Sed & in patrem & dominum defuncti filii
& servi

De Iure Maritimo Lib. III. 261
& servi datur, si filius aut servus eorum
voluntate navem exercuerint l. 7. §. ult. d.
sic. quasi omnia quæ ibi contingunt, in
solidum receperint, ut lex loquitur.

C A P. VIII.

De Delictis in navi.

- I. Obligatio ex delictis.*
- II. De furto in navi.*
- III. Magister navis non plenè restituens recepta, quomodo inde teneatur.*
- IV. Si res nauta commissa casu fortuito perierit, num debitoris an creditoris sit periculum.*
- V. Quid propriè raptum ex naufragio vel nave expugnata dicatur, quid non.*
- VI. Quinam rapti actione teneantur, & quæ ejus pœna.*
- VII. Non solum vim à bonis navis sed & personis abstinendam esse.*
- VIII. De damno dato per dolum vel culpam magistri navis, sique naufragio causam dederit, remissivè.*
- IX. Si merces alio devehenda à predonibus aut piratis direpta sint, num inde teneatur magister navis.*
- X. Si magister navis falsis insignibus utens causam damno dederit.*

XI. Si

- XI. Si navis aliam navem incurrendo, ei
damnum dederis aut eam deprefferis
quomodo aestimetur.
- XII. Navis vi ventorum in funes anchora-
rum impulsæ.
- XIII. Si navis perforata sit.
- XIV. Damnum quod nauta inter se dede-
runt.
- XV. Malum scandentis casus & damni esti-
matio.
- XVI. De injuriis in navi.
- XVII. Disciplina nautica, modus in ea non
excedendus.
- XVIII. Stringentis cultrum aut gladium in
alium poena.
- XIX. Contumacia, factionis & tumultus
poena.
- XX. De quasi maleficiis.
- XXI. XXII. XXIII. XXIV. De homicidio
& ejus variis casibus in navi acci-
dentibus, aliisque delictis pub.

I. **O**bligationem ex contractu, & quæ
inde nascuntur actiones earumque
qualitates, nunc sequitur obligatio ex de-
lictis; qualia sunt furtum, rapina, vis,
damnum, injuria, quasi maleficium; ho-
micidium & alia publica delicta: quæ,
quantum nostro serviunt instituto, nunc
discutiemus.

II. Si

II. Si res, quam magister navis recepit
salvam fore, furto sit ablata, inde tene-
bitur ille: quia semel periculum rei susce-
pit *arg:l.3. D. nauta caup: stab: l.14. in fin.*
D.de furt. Aliud vero dicendum, si inter
magistrum navis & vectores convenerit, ut
quisque res suas ipse custodiat: hic enim
actio contra magistrum navis propter pa-
ctum cessat. *l. 27. D. de reg: jur: & in eam*
Faber. p. m. 151. plura sup: hom: lib: cap. 7.
§. 12.

III. Si magister navis recipiens res ad
me perferendas, non tantum restituat,
quantum ei commissum est, omnino inde
tenebitur. Sed hic prius constare debet,
quantum ejus fidei sit commissum: quod
vel testibus probandum esse, vel expressa
designatione, alibi dictum (in Synops.jur.
Diff. 28.q.2.) Sed Dd. negant necesse esse
expresse adsignari res nautæ, sed sufficere
res in navem immisas esse, ut ex contra-
ctu etiam tacito de recepto, & exacta
custodia teneatur magister navis. Quan-
quam hoc non aliter procedit, quam si
sciverit aut scire debuerit & potuerit esse
immissas. *Gudelin. lib.3. de jure noviss.c.10.*
ceterum si reus negaverit tot & tantas res
immissas esse, quot & quantas adfirmat
actor, & habeat quidem quasdam hujus
rei probationes, sed ancipites nec satis ido-
neas.

neas, hic ut in re dubia juramento locus erit l. 31. de jurejur. Sed cui deferendum juramentum, reo an actori? Reus, si bonæ famæ sit, ad delationem actoris se juramento liberabit à præsumptione rerum subductarum aut male custoditarum. Si verò adsit suspicio perjurii in reo, fallere & mentiri solito, aut si sit infamis atque intestabilis, aut in probatione juratoria deficiat; actori, si sit homo bonæ fidei & famæ, deferendum juramentū *Beust. de jurejur. p. m. 403. 404. seq.* & sic à reo tantum restituendum, quantum juraverit sibi ablatum actor. Ea videtur esse mens Theoderici Gothorum Regis in Edicto §. 119. quæ sic habet: *Si quid de taberna, nave vel stabulo perierit, ab his qui locis talibus præsunt, vel qui in his negotiantur, repetendum est, ita ut præstent sacramenta de conscientia sua suorumque: & si hoc fecerint, nihil cogantur exsolvere; aut certè quantum petitor juraverit se in eo loco perdidisse, restituant.* In Codice LL. antiquarum editionis Lindembrogianæ circa initium hujus Edicti vox *nave* est omissa. sed hanc ei restituendam esse patet ex inscriptione Edicti: *Si quid (ita emend. pro quis) de taberna, nave aut stabulo perierit.* Si verò postea deprehendatur ipse magister navis res quasdam suppressisse & abstulisse, aut in usus suos convertisse,

vertisse, furti reus erit *arg. l. 7. Cod. de furt. c. 1. 2. jur. Suet. eod.* In Statutis Lub. 4, 1, 7. sic habetur: *Nauta, auriga & similes persone, quibus res transportanda creduntur, iis iusto loco non traditis, sed ex parte abnegatis, cum aliud compertum fuerit, ut fures plectuntur.* Conferantur quoque Statuta Prussica lib. 4. tit. 19. artic. 1. §. 9. 10. *Recepta, quorum dominus ignoratur, magistratui loci, ubi exonerat navem, tradi jubentur. ibid.* Sed magistri navis pecuniam ab amicis accipientes, ut illam aliis in transmarino loco degentibus persolverent, quā illi non animo furandi, sed necessitatis causa in usus suos converterunt, reddere parati simulac potuerint, furti poenae non erunt obnoxii: quia non habuerunt affectum furandi. *vid. Mer. in d. l. jur. Lub. n. 8. 9. Cary. Pract. crim. p. 2. q. 85. n. 87. & seqq.* Si verò absque eorum culpa res, quam receperunt, pereat, tamen tenentur de recepto; nisi quid damno fatali contingat. *l. 3. §. 1. D. naut. cau. stab.* Si vero solvendo sint magistri navis, furti actio contra fures eis dabitur *l. 14. §. 17. D. de furt.* Plura de furto in navi exstant in *l. 20. §. 5. D. Furt. adv. naut. l. 47. Dig. tit. 5.*

IV. Si res aut pecuniae nautae commissae naufragio perierint, aut per vim piratarum raptae sint, æquum est magistro navis exceptionem dari, nec eum ad hoc damnum

casu datum obligari *d. l. 3. §. 1. naut. c. ff. l. 23. de reg. jur.* cuius ergo hoc periculum & damnum erit, an debitoris vel creditoris? Communiter statuitur debitoris esse periculum, quem casus fortuiti non liberant ab ære alieno *arg. l. 1. Cod. si cert. pet. c. p. 35. de iure edific. LL. prov. Sued.* Aliud vero dicendum, si ipse creditor debitorem iusserit per hunc nautam transmittere pecuniam: vel amico scripserit, ut exigeret à suo debitore pecuniam sibi que mitteret: is verò tradiderit nautæ qui spoliatus est à prædonibus, aut naufragio perdidit, hoc casu damnū est creditoris, & liberatur debitor *arg. l. 10. §. 1. D. commod. Cravett. consil. 247. n. 2. & seqq.*

V. Raptum ex naufragio vel nave expugnata propriè dicitur, quod eo tempore & loco quo naufragium fit, raptum est *l. 1. §. 5. l. 2. 3. D. de incend. ruin. naufrag. &* quando navis in prælio expugnatur ab hostibus vel piratis, quando spoliatur, mergitur, dissolvitur aut pertunditur, aut funes ejus præciduntur, aut vela cōscinduntur, aut anchoræ involantur *de maril. 3. §. 1. l. 6. D. d. ti. de inc. r. naufrag. nav. r. exp.* In primis hic dolus malus attenditur, atq; si vis adhibita sit: rapi enim sine vi non potest, *l. 3. §. 3. 5. h. t.* Si quis ergo recepit ignarus, aut ad hoc, ut custodiat & salvum faciat vero domino, qui amisit, non solum extra noxiam, sed & laude dignus est
 præ-

præmioque laboris honesto pro collectis bonis naufragis *arg. l. 7. de serv. exp. Schota. Exa. jur.* In jure Suedico præmium jubetur promi ex bonis collectis, & determinari arbitrio domini & bonorum virorum *c. 17. de furt. L L. civit. 37. L L. prov.*

VI. Non solum qui rapuit, sed & qui abstulit, amovit, damnum dedit, vel recepit, actione rapti tenetur *l. 3. §. 4. d. tit.* Sed & qui invito domino navem usurpat, rapti vel furti tenetur in jure nostro *c. ult. de jur. adif. L L. prov.* De pœna rapti ex naufragio vel nave, adiri potest lex *3. §. 8. l. 4. s. 7. D. de inc. ruin. nau/r. r. n. e.* & quæ sup. notavi *lib. 1. c. 7. §. 16.* quæque in diversis populorum Statutis de pœna rapinæ exstant.

VII. Nulla vis fiet vel bonis vectorum & nautarum, vel ipsis si facta sit, severè punietur *l. 1. D. ad leg. Jul. de vi pri. §. 2.* Illicite in portu vectigalis nomine extortum, cum altero tanto passis injuriam exsolvi jubetur in jure R. & authores violentiæ præter pœnam tripli extra ordinem plectr. alterum enim utilitas privatorum, alterum vigor disciplinæ pub. postulat *l. 9. §. 5. D. de pub. vect.* De vi pub. non tenetur, qui arma navigationis causa coegit *l. 1. D. ad leg. Jul. de vi. publ.*

VIII Si quid dolo aut culpa non fecerit, aut fecerit, quod non debuit magister navis, atque sic damnum mercibus dederit,

inde dominis mercium tenetur, ut sup. ex occasione suis locis probavi *li. 2. c. 1. §. 9. lib. 2. c. 5. §. 10. 12. c. 6. §. 9. c. 8 §. 6. 10, 13. 14. 16 l. 3. c. 5. §. 7. 14.* Sed & si naufragio sua culpa causam dederit, quomodo teneatur, vid. sup. *lib. 1. cap. 7. §. 3. 5.*

IX. Si merces alio transvehendæ à prædonibus direptæ sint in ordinaria via, & nauclero nihil de illis ante constiterit, actione nulla tenebitur: cum hic sit casus merè fortuitus. Si verò in locum piratis infestum navim applicuerit, vectoribus ei loci vitium testato denuntiantibus, & direptio subsequuta fuerit, spoliatis damni accepti nomine tenebitur. *c. 4. leg. naut. Rhod.* Si nauclerus vel exercitor propter privatum commodum alios deprædetur & ab illis iterum spoliatus sit, unde mercatores damnum patiantur, aut à piratis captus eis resistere potuisset, & non restiterit: aut piraticam navem, quam sciebat esse talem, è vadis liberaverit, si postea à piratis cum navi captus, navi mercibusque exutus ac privatus fuerit, tanquam qui causam damni dedit, inde tenetur *arg. l. 30. §. 3. D. ad leg. Aquil. l. 4. §. 14. D. vi. bon. rapt. Straccha part. 3. de naut. n. 25. seqq.*

X. Si magister navis falsis insignibus per se injussu domini utens merces per publicationem amiserit, ad damnum præstandum obligatus est, *Id. n. 23. 24.*

XI. Navis

XI. Navis funibus invalidis ruptis, aut non bene alligata, aut non ita gubernata, ut debebat, aut absque ductore, vel sine perito ductore in mare immissa, si aliam navim incurrendo ei damnum dederit, vel eam depresserit, actio damni dati contra exercitorem competit, si navim minus idoneis hominibus commiserit *l. 16. §. 1. D. de rei vindic. & sup. h. l. c. 7. §. 11.* Si verò exercitor sit extra culpam, adversus magistrum navis datur actio, vel quod non idoneos ministros elegerit, vel incuria ipse quid admiscit, unde damnum datum est. *sup. l. 1. c. 7. §. 3. & inf. h. c. §. 20. & c. 9. jur. Sue. de jur. naut. l. 29. §. 2. 4. D. ad leg. Aquil. l. 13. §. 2. D. loc. cond.* quia est damnum culpa datum. Culpa autē est, quod, quum à diligente provideri potuit, non est provisum *l. 31. D. ad leg. Aqu.* A magistro navis autem præcipua diligentia & inspectio requiritur. *sup. l. 2. c. 1. §. 9.* Mithridates rex Ponti navarchum, qui Chia navi regis navem prætoriam incurrerat læseratq; capitis pœna affecit. quamvis navarchus vim tempestatis obtenderet, tamen illum hoc potuisse vel debuisse præcavere, si prudentius rexisset navem, cumque per insidias hoc fecisse rex existimavit; uti refert Appianus in Mithridatis. Si vero noctu aut cœlo turbido per tempestatem tanta vis navi facta sit, quæ temperari non potuerit,

(quod testibus aut juramento adferet) nulla in magistrum aut dominum navis danda est actio *l. 29. §. 4. ff. ad leg. Aqu. in fin. c. 14. de jur. nau. L L. Sue. l. 4. lur. Pruss. tit. 19. art. 4. §. 2.* est enim hoc invitum per violentiam cujus principium est extra patientem. Aliquando etiam dominus vel magister navis potest carere culpa, non vero nautæ, aut gubernator navis, aut ductor, & tunc actio damni dati contra eos instituitur. *d. l. 29. §. 2. & 4. ad leg. Aqu. c. 14. jur. naut. L L. Sue.* Alias Legibus maritimis V Visbyens. *art. 27. 50. 70.* & multorum populorum Statutis dimidium damni dati præstatur læsæ navi à lædente, si absq; culpa domini navis damnum acciderit; idq; jurato adseverare possit, alterum damni dimidium fert ipse læsus. damnū autem tale dividi quoque solet ob culpæ probandæ difficultatem. *Grot. de jur. bel. & pac. 2, 17, 21.* Iure Sue. est pars tertia damni dati, si casu non culpa factum sit *c. 9. jur. naut. L L. Sue.* ubi vide, quid porro ad hoc requiratur. Existimandum vero, legem Sueticam hic non latam culpam, sed levem quæ casum præcesserit, intelligere. Alias damnum merè fatale nemo præstare potest aut debet. Hoc innuunt verba *d. c. Vñr aridrem stada &c.* quæ actum nocendi significant, licet haud lata culpa intervenientem. Si vero culpa domini navis damnum datum

datum sit, idque læsus probare, & seipsum ab omni culpa purgare possit, eo casu dominus navis totum damnum solus sarcire tenetur. *Vin. latè ad leg. Rhod. pag. 263. 264.*

XII. Si navis vi ventorum impulsæ esset in funes anchorarum alterius, & nautæ funes præcidissent, si nullo alio modo navis, explicari posset, hoc necessitas excusabit. *l. 29. §. 3. D. ad leg. Aquil.* si quis funem, quo religata erat navis, præciderit, de nave quæ periit, in factum agendum *d. l. §. 5.* sed si servandæ navis causa præciderit funem scaphæ, excusatur. *vid. Actor. cap. 27. v. 32.*

XIII. Si navis perforata sit, est damni dati actio *l. 27. §. 24. D. ad leg. Aquil.* Sed si per insidias hoc factum sit, intenditur & augeatur crimen, ejusque pœna.

XIV. Damnum quod nautæ inter se dederunt, ab ipsis præstandum est, non aliis. *l. 7. §. 2. D. naut. caup. st. Confer c. 4. §. 6. 7. 9. 17. 18. de jure naut. Suedor.*

XV. Si quis vectorum jussu vel rogatu navarchi malum adscendat, & decidens lædatur, pro rata ex damno tenebitur navarchus. Si quis per se ex lascivia adscendens decidat, damnum, quod sua culpa sentit, sibi imputet. *fl. 4. Manhålg. Bppl. l. 12. Cod. de accus.*

XVI. Ab injuriis in navi re & verbis abstinendum. Si quis tamen jure domini aut

potestatis corripiat servos aliosve in navi delinquentes, non pertinet ad injuriam, sed juris executio est *l. 13. §. 1. & §. 6. l. 15. §. 36. 38. D. de injur.*

XVII. Veteri consuetudine & peculiari quodam jure navium solent vectores & nautæ temerè jurantes, maledicentes, preces aut sacra negligentes, alea ludentes graviusve delictum committentes aut mulctari aut pro ratione delicti ad malum suo more plecti, aut loris cædi. Non tamen immoderatè suo jure utentur, qui hoc usurpant in suos; *l. un. C. de emend. serv.* ne modum excedendo, Iudicium notioni subjiciantur magistri navis.

XVIII. Stringentes cultrum aut gladium in alium, etsi non læserint eum, tamen quorundam statutis nauticis hanc poenam subeunt, ut culter per mediam eorum manum transfixus inter digitos extrahatur. ut ita severitate poenæ à cæde & percussione absterreantur. *vid. art. 24. Jur. naut. Caroli ix.* Aliquando pro qualitate delicti sub carinam trahuntur, vel aliter plectuntur.

XIX. Si nauta aut miles nauticus se opponat magistro aut præfecto navis, factionem & tumultum excitet, capitis poenam meretur. Sed de his fusius in *articulis nauticis, vel militie naval.*

XX. Dominus navis tenetur ex quasi male-

maleficio ministrorum, si non ejus, sed illorum sit maleficiū. Aliquatenus enim culpæ reus est, quod non meliores conduxerit §. 2. *Inst. de obl. ex q. del. l. 60. §. 7. D. loc. cond. l. 21. §. ult. de neg. gest.* Si de nave quid dejectum sit, datur actio utilis in navi præpositum *l. 6. §. 3. D. de his qui dejec. vel effud.*

XXI. Si gravi procella oborta plures ministri nautici in navi laborantes tumultuario occurſu forte unum ex suis everterint, ita ut præceps in mare decideret & submergeretur, non potest quidem actio adversus omnes ut æquè reos institui, si non intelligatur à quo everſus sit. *arg. l. 45. §. 3. D. ad leg. Aq. i.* Examinati tamen è Suorum numero designabunt reum, si norint; aut juramento se purgabunt à facti ignorantia. Si vero manifestetur author, tamen ex impetu & incautè, non ex proposito hoc fecisse præsumitur; nisi probari possit, se studio fecisse. judicium autem arbitrio pœna delicti non ex proposito admissi decernetur. *vid. quoque sup. l. 2. cap. 7. §. 7.*

XXII. Seducens falso lumine navigantes piscator, & morti causam præbens, merito quoque capitis pœna plectitur, *ex sententia Peckii & Vinnii ad fin. tit. de inc. r. n.* Occidisse enim dicitur, qui mortis causam quolibet modo præbuit *l. 51. D. ad leg. Aq. l. 15. D. ad leg. corn. de Sicar.*

XXIII. Si quis alium submerferit aut suffocarit in aquis, quia hoc dolo fecit, ultimum supplicium meretur *l. 7. §. 1. 7. D. ad l. Aqu. vid. Carp. p. 1. Pract. cri. q. 3. n. 28. seq.* aut si naufragio causam proximam mortis alicujus præbuerit *d. l. 1 §. de Sica. sup. l. 1. c. 7. §. 12.*

XXIV. Si vulneratus mortiferè, postea naufragio maturius periit, de occiso agi non posse, sed de vulnerato contra vulnerantem, vult *l. 1 §. 1. D. ad leg. Aquil.* quia naufragium non est passum apparere, an à vulnerante sit occisus, & vulnerans forte animum occidendi non habuit. & aliquando qui lethiferè videtur vulneratus, sanari & convalescere potest: quod medicorum judicio stabit. De aliis delictis pub. nihil attinget hic agere, sed alibi tradita satis est recognoscere, & huc paribus rationum momentis ad rem applicare.

C A P. I X.

Num magister aut præfectus navis bona cum conscientia possit, igne in pulverem tormentarium injecto, navem una cum seipso & suis, & simul hostibus navem occupantibus, perdere potius, quam salvam navem, se & suos hostium arbitrio permittere?

I. Occasio hujus questionis.

II. Argumenta illorum, qui licitè fieri posse statuunt, quod est præsentis questionis.

III. Et seqq. Hac contrariis rationibus diluuntur, & vera sententia firmatur.

IV. De virginibus stupri fuga se in flumen projicientibus.

I. CUM in fine superioris capitis de homicidio dictum sit, non in omni deproposita quaestio quæ præter cætera de homicidio sui agit, illi statim subjici posse videtur, vel ideo excuti digna, ut eximatur

hic scrupulus dubiis conscientiis, & imprimis æterno animarum periculo, quantum potest, occurratur.

II. Qui, quod in quæstione est, ut licitum defendunt, obducunt nobis auctoritatem magistratus, desperationem victoriæ & publici boni finem. Chytræus in libro de morte & vita æterna: *Minus*, inquit, temerè pronunciandum est de iis, qui juramento magistratui superiori obligati arces aut naves bellicas defendendas cum hoc mandato susceperunt, ut spe nulla defensionis & incolumitatis superstitæ, una cum munitionibus aut navibus fidei suæ creditis mori & deleri malint, quam contra fidem magistratui suo datam eas incolumes hostium potestati dedere. Quamvis hic Chytræus non expressè dicat, eos, quibus arces & naves commissæ sunt, posse ob dictam causam sibi manus inferre, tamen hoc inde colligas. Aut si ita sentit, quod præstet mori & deleri nostros unà cum navibus (per hostem, non per seipsos) quam contra fidem magistratui datam se navesque incolumes hosti dedere, nostræ sententiæ non refragatur. Expressius Burgersdicius *Ideæ Philos. mor. c. 14. §. 17. Inter αὐτοφόνους*, ait, *damnandi non videntur nauta, qui igne in pulverem tormentarium coniecto, seipsos simul cum hostibus occidunt, si publica autoritate muniti sint, nullaque appareat spes victoriæ,*

Et patria, cui militant, bonum potius spectent, quod in ruina hostium consistit, quam malum quod in hostium potestatem venientibus perferendum foret.

III. Verum quidem est magistratui non solum propter iram sed etiam propter conscientiam obediendum esse *Rom. 13, 5.* Et quamvis dura subditis ejus jussa videantur, tamē illorum est isthæc exsequi, non interpretari. Eorū culpa nulla est, qui parere necesse habent *l. 157. l. 167. §. 1. l. 169. l. 199 D de reg. jur. vid. Et Vasq. Illust. quæ. c. 8. n. 9.* In Legibus V Visigothorū l. 8. t. 1. c. 1. dicitur: *qui dominorum jussionibus obedientiam detulerunt, culpabiles haberi non potuerunt: quia non suo excessu, sed majoris imperio id commisisse probantur.* Sed hæc procedunt, si justa sint magistratus imperia. unde Poëta ait:

Et parere decet jussis, Et justa jubentur.

Si vero quid præcipiat, quod juri divino & naturæ repugnet, non magis obligantur subditi parere, quam magistratus hoc præcipere. Magistratus tui quidem parendum, sed magis Deo. *Act. 4. v. 19.* Deus benefecit obstetricibus apud Hebræos, quod ipsum magis timerent, quam regem Aegypti Pharaonem, jubentem masculos infantes Israelitarum recens natos occidere *Exo. 1. v. 20. 21.* sed αὐτοχρησία per se res illicita est, quippe quæ juri divino *Gen. 9. v. 5. 6.* quinto Decalogi

calogi præcepto & naturæ *Eph. 5. 2. 29.* contraria est. Vnde Burgersdicius d. c. 14. §. 16. ait: *si magistratus aliquem damnet ad αὐτοκρίαν, legi naturæ potius parendum est, quam magistratui id quod natura contrarium est precipienti.* Quamvis vero fidem suam & obedientiam videantur probare patriæ & magistratui, qui hoc modo pereunt; tamen non excusantur coram Dei tribunali: qui suo non alieno arbitrio, & ea via ac hora, qua ipsi placet, animas hominum vult repossidere in quas ipsi soli jus est. Nemo potestatem habet in proprium spiritum pro lubitu dimittendum; nedum eam sibi sumere potest in alienum. Gullivus Magnus de quodam sui temporis præfecto navis, se & navem flammis tradente, ne in hostium manus veniret, dixisse fertur: *Erga me & regnum masculè & fideliter, erga seipsum sceleratè egit.*

IV. Sed quid si nulla spes victoriæ aut, defensionis supersit, metusque præsens hostilis captivitatis & forte crudelitatis adsit, nonne tunc præstat venienti malo hac via occurrere? quasi non malum majus esset sibi ipsi mortem consciscere; & non præstaret, hostili quam sua manu cadere. Aut si vita superstitè immaniter tracteris ab hoste, tamen fortius hoc tolerabitur, quam si metu quorumcunque adversorum tibi ipsi manus inferas.

Quon-

Quondam hoc fuit Stoicorum & paganorum, ludibrium, hostis morte sui prævenire. Sed qui Christiani sumus, scire fas est, eventum prælii Deo committendum, non voluntaria morte prævertendum esse: ne iudicium Dei petulanter involemus: ne omnem Dei opem & liberationem desperare videamur: ne fugiendo temporalem contumeliam delictis nostris debitam, in æternam incidamus. Nonne vita etiam qualiscunque tolerabilior est tam ancipiti & periculosa morte? Conf. quoque *Freinsheimium in Curtium* 5, 9, 6. & *Vinnium ad leg. Rhod. de jact.* p. 230.

V. Cæterum non directè hoc agi, ajunt, ut semetipsos occidant, aut ut effugiant malum ipsis perferendum, si in hostium potestatem veniant; sed patriæ bonum imprimis quari, quod in ruina hostium consistit. Eadem est sententia Amelii l. 5. de cas. c. onsc. c. 31. q. 14. quamvis cum aliqua restrictione posita. *Licitum aliquando est*, inquit, *exponere se tali periculo mortis, ex quo certò sed indirectò mors est secutura. Sic miles potest consistere in statione, aut capeßere jussu aliquod imperatoris, ex quo novit se ista ratione interimendum. Sic Samson (ex singulari instinctu) directè intendebat Philistæos occidere, non semetipsum, quamvis præviderit suam mortem inde secutam* Jud. 16. 30. *Similis fere est ratio eorum,*
qui

qui pulvere tormentario accendunt navem
 qua feruntur, ne perveniat in hostis possessionem.
 Non enim directe intendunt semetipsos
 occidere, sed hosti incommodare. Sed omnibus
 his rationibus evertendis vel unicum Spir.
 S. dictum sufficiat: *Non sunt facienda mala*
 (sive directe sive obliq; indefinite enim lo-
 quitur) *ut eveniant bona* Ro. 3. v. 8. Iam autē
 certum est, quod *αὐτοκτενία* per se sit mala
 & illicita, ut sup. §. 3. Probatum est, proin-
 de nulla circumstantia potest eam facere li-
 citam. August. l. 1 de Civ. Dei c. 27. *Si sponte*
se occidendi causa iusta non est, ergo nulla est.
 Et Burgesdicius c. 19. Ideæ phil. mor. §. 17.
 ait: *Quod per se malum est, non potest ulla effe-*
cti ratione fieri bonum. Et Amesius d. lo. q. 2.
Vita proximi non subijcitur arbitrio cujuspia-
am, nisi illius qui author est & dominus vite.
Hominum omnium est obedire legi de non oc-
cidendo, nulla adhibita exceptione, quæ ab au-
thore legis non est approbata. Nec stringunt
 exempla militis in statione sua cum pericu-
 lo mortis constituti, & Samsonis. Hoc est
 officii militis, ut servet suam stationem sibi
 ab imperatore assignatam, etiamsi sciat se
 interimendum, sed manu aliena non sua.
 Quin ut miles in jussu imperatoris non ex-
 cedet statione sua; ita nec homo vita in jussu
 Dei. Hieronymus in epistol. ad Paulum
 super obitu Blesillæ. t. 1. p. 159. sic introducit
 Chri-

Christum loquentem: *Nullam animam recipio, quæ me nolente separatur à corpore.* Nullus enim homicida (sive sui sive alterius) habet vitæ æternam in se manentem 1. *Ioh. 3. v. 15.* 1. *Cor. 3. v. 17.* Samsonis autem exemplū est singulare & extraordinarium, quod regulam dare nequit, sed solum Dei verbum. Ideò quoque Amesius ait: *Samsonem hoc ex singulari instinctu fecisse.* Et ante ipsum August. l. 1. de C. D. c. 21. *Nec Samson aliter excusatur, quod seipsum cum hostibus ruina domus oppressit, nisi quia Spiritus latenter hoc jusserat, qui per illum miracula faciebat.* Talem instinctum nautas aut milites in navi dicto modo se è medio tollentes habere, non possumus adfirmare. Morte autem Simsonis Deum idololatricam Dagonis domum subvertere, & superstitionem Pelischtæorum punire voluisse, Theologi notant. Itaque non *ferè similis*, sed plane dissimilis est ratio eorum qui pulvere tormentario accendunt navem: quia Samson hoc fecit instinctu divino, nautæ hoc faciunt jussu humano. alium finem Samson spectavit, alium nautæ. In eo tamen, dicas, videntur utrinque convenire, *quod non directe intendunt semetipsos occidere, sed hosti incommodare.* Largiri possem, si finis utrique simplex esset. Sed Samsoni scopus erat propositus præter ultionem hostium, etiam abolitio

bolitio superstitiosi cultus & propagatio gloriæ Dei, militibus nauticis scopus est unicus bonum temporale, ruina hostium. Quid autem lucraberis, si pro mundanis & temporalibus bonis, animæ periculum facias? *Matt. 26. 7. 16.* Meum non est damnare quenquam. quem vox ipsius Dei damnat, is iudicium suum habet. Nec meum est disputare decreta superiorum, sed quid iustum sit probare tuerique, nec unquam animus fuit obtrectandi, sed solius veritatis amore & conscientiarum tranquillitati consulendi studio hæc simpliciter proferre, & candidorum censuræ submittere. Non autem mea solum hæc sententia est, sed orthodoxorum Theologorum, præcipue Bartholomæi Batti, qui hoc argumentum ex professo tractavit in Consiliis Theolog. Dedekenni vol. 2. Inspiciatur quoque Dunth. de Casib. consc. pag. 368. & alii.

VI. Quid vero iudicandum sit de earum fæminarum morte, quæ, ut hostes & insectatores pudicitia suæ devitent, in flumen se projiciunt, inspicere Augusti. l. 1. de Civ. Dei c. 26. ubi statuit, *non temerè de illis iudicandum esse: si fecerint hoc sorte divinitus jussæ. Videndum tamen monet, utrum divina jussio nullo nutet incerto: occultorum enim iudicium non usurpandum.* Tandem ita concludit: *Hoc dicimus, hoc asserimus, hoc modis omni-*

omnibus approbamus, neminem spontaneam mortem sibi inferre debere, velut fugiendo molestias temporales, ne incidat in perpetuas.

C A P. X.

De Foro & processu juris navigantium.

- I. Forum competens navigantium. Census navis vel bonorum in navi respectu habitationis aut jurisdictionis.
- II. Expeditus processus.
- III. Iudicium in mari vel navi.
- IV. Causæ fonticæ absentia.
- V. Probationes.
- VI. Quinam possint esse testes, & quomodo examinandi; præsertim in causa naufragii.
- VII. Fidem etiam hic probare.
- VIII. Non differendam diu esse executionem, quæ ejus rei utilitas sit.

I. **U**Ltimum erit pauca notasse de foro & processu juris, per quem tanquam extrèum refugium & legitimum juris subsidium personis rebusque nauticis laborantibus succurritur. Præterquam quod navigantes si domum redeant, legitimum

mum forum in patria aut loco habitationis
 agnoscunt; unde & censum annum respec-
 tu navis, si nihil aliud proprium posside-
 ant in loco habitationis vel jurisdictionis
 pendere tenentur: aut ratione bonorum in
 navi c. 20. §. 6. 7. *de jur. Reg. L. L. Sue. munic.*
 sed in itinere versante ad forum ejus qui
 jurisdictionem in mari habet, si duo inde
 absint, vocari possunt, ut sup. lib. 1. c. 4. §. 6.
 fusius ostensum est; attamen in quocunque
 foro constiterint, & tabernam vel officinam
 conductam habuerint mercesque distraxe-
 rint, conveniri tanquam temporarii subditi
 possunt. Ita si Hollandus Holmiæ servum
 institorem vendendarum mercium gratia
 habeat, quod cum eo servo contractum est,
 ita habendum, atque si cum domino con-
 tractum sit quare ibi se debet defendere.
l. 19. §. 3. D. de judic. Non verò ubi sic ve-
 niunt peregrini, ut confestim discedant, aut
 duntaxat præternavigent. Durissimum e-
 nim est solum præternavigantes, quotquot
 locis conveniri *d. l. 19. §. 2. D. de jud.* nisi ex
 culpa sua detineantur alicubi & conveni-
 antur etiam præternavigantes.

II. Vbicunque litis causa conveniuntur,
 non diu detinendi sunt, nec longum litis
 sufflumen permittendum, sed quam brevi
 potest temporis spatio, causa maturanda
 ob navigandi necessitatem, cujus pericu-
 lum

lum est in mora. Cæsar l. 1. bel. Gal. *Res maritima celerem & instabilem motum habent.* In liquidis debitis nauticis summarie & executive (ut loquuntur) procedendum esse, innuit jus Sueticum c. 16. §. 1. *de proc. curia.* Idem volunt Dd. *vid. Mer. in Iur. Lub. l. 3. t. 7. a. 7. n. 1. seqq.* Causæ quoque de submersis navibus aut naufragiis *levato velo* sunt cognoscendæ l. 5. C. *de naufr. i. e. aperto ostio*, cui velum solebat prætendi, vel summarim, breviter ac de plano, citra strepitum forensem. *vid. Peck. & Vinn. in d. leg. pag. 402.* In tribunali Admiralitatis Hollandiæ duplica litigantibus partibus non est permissa, neque id absque gravi ratione: quum mare frequentantium ventisque commodis utentium intersit, controversias eorum quantum fieri potest celerrime expediri. *Author Tractatus Ms. de statu Fed. Belg. c. 3.*

III. Quando vero in mari versantur, quia in navi, ubi focus & ignem habent, quasi domum suam secum circumvehunt, & unius societatis membra sunt, ex suis & principibus nautarum aut vectorum eligere possunt arbitros in rebus litigiosis inter ipsos componendis, directore magistro navis, aut præfecto classis; cui etiam justitiæ patrociniū in mari committi non infrequens est: ita ut non opus sit privata ultione, ex mente Grotij de jur. bell. & pac. 2.

20, 8. si vero dissentiant, majoris partis arbitrio stabitur. *l. 17. §. 6. D. de receptis* Et sic usu receptum est ut comites itineris, unius navis, ejusdem negotiationis participes atque collegæ teneantur stare decreto partis majoris, in his duntaxat, quæ determinatione quadam indigent, & ad eam pertinent communitatem; cujus ipsi membra sunt. *Grot. c. 4. de imper. summ. potest. circa sacr. pag. 76. vid. quoque notata lib. 2. sup. c. 7. §. 3.*

IV. Si quis in patria sit in judicium vocatus, succurritur ei, quando non solum morbo, sed etiam tempestate, quæ impedimento sit itineri, & navigatione impeditus, ad diem se judicio sistere nequit *l. 2. §. 6. 7. 8. D. si quis caut. l. 38. §. 1. in fin. D. ex quib. caus. mai. hæ enim sunt causæ fonticæ.*

V. Sed si dicat, tempestatem impedimento fuisse, quo minus in judicium veniret, probare eum id oportet *l. 19. §. 1. D. de prob.* Velut alias adfirmanti incumbit probatio *l. 2. D. eod.* Ut si dicat nauta rem casu fortuito perisse, ejus erit hoc re-
stibus probare *l. 2. C. de naufrag. cap. 1. 2. LL. naval. Rhodio* Si vero quis dicat, culpa nautæ casum evenisse, ille ipse qui hoc dicit probare debet *Vin. ad Peck. in Tit. ff. Nau. c. ff. pag. 34.* Sed & qui excipit, probare debet, quod excipitur *l. 9. D. de prob.*

VI. Communiter quidem domesticum testi-

testimonium non admittitur, verum cum per alios scientia gestorum in navi non facile haberi possit, quam per ipsos qui sunt in navi; vectores, aut si illi non adsint, nautæ probatæ fidei duo vel tres in causa naviclerii testimonium perhibere possunt, vel ad probandum ea quæ in navigata sunt admitti *arg. l. 3. C. de naufrag. 23 27. iur maritim. V Visbyens.* In Legibus nauticis civitatum Hanseatic. *art. 57. edit Germ. vel. 56. edit. Belg.* hæc *vetus consuetudo maritima* esse dicitur. Si vero universos violentia tempestatis obruerit, nec alia probandi ratio supersit, ne tamen veritas lateat, etiam liberi nautarum seu magistrorum intra iudicium examinari possunt in causa naufragii de eorum interitu, quos navicularius naufragio periisse contendit *d l. 3 Cod. de naufrag.* cum enim liberi parentibus navem parantibus communiter adesse soleant, notitiam eorum, qui navem ingressi sunt, facile habere præsumuntur. *Peck. ad d. legem.* Testes quoque in tempore producti summarie non citata parte ad examen produci posse, in tali adverso casu qui in remotioribus locis accidit, notant *Pec. & Vin. ad l. 2. C. de naufrag. pag. 395.* Atque ita iudicatum refert *Rota Genuens. decis. 36. n. 12. & decis. 56. n. 2 Ibid.*

VII. Si vero non possit haberi in casu
nav-

naufragii probatio de visu , sola fama sufficit & plenè probat , ut vult Gilhaus. *Arb. Iudic. par.* 10. c. 6. n. 7. *vid. & lib.* 1. c. 7. §. 12. quam tamen non vagam & incertam esse rationis est.

VIII. Causa rite cognita sine mora executioni mandanda est , præsertim si talis sit , quæ promptam habeat exsequendi copiam , quam non minus incolæ , quam advenæ desiderant amantque. Certè peregrini navigantes quo celerius in suis negotiis expediuntur, eò lubentius ad nos redeunt. Cætera quæ ad processum judiciale spectant, ex peculiaribus populorum statutis peti possunt. Hactenus ergo in argumento maritimo versati , nunc tandem terram videmus.

SOLI DEO GLORIA.

F I N I S.



